

SSH Stacks
DU
740
A2
W3
v. 1137

WANTOK

NIUSPEPA BILONG YUMI OL PAPUA NIUGINI STRET - 26 YIA NAU

32 pes Namba 1,137 Wik i stat long Fonde, Epril 11, 1996 50 toea

Mista Irvine,
yu kamap stret
Nupela Hai
Komisina bilong
Ostrelia long PNG,
David Irvine, i
holim kundu na
poromanim tripela
man bilong ples
Sinabalai long
inlen Turubu insait
long Is Sepik
provins. Ol pipel
bilong Sinabalai i
bin singsing taim
Mista Irvin i bin go
long Wewak na
opim Angoram rot
bihain long wok
bilong stretim rot i
pinis. Gavman
bilong Ostrelia i
putim kamap mani
long stretim rot.
Poto: Grant Thompson.



■ Gelpren bilong Kanage i marit pinis. Tasol em i no lus tingting long Kanage. Na save salim toktok long Kanage go lukim em long haus. Tasol Kanage i pret long wanem gelpren i marit pinis. Wangepela de gelpren i lukim olsem man bilong em i go pinis orait, em salim tok gen. Kanage pret long em wangepela i go. Olsem na em kisim poroman bilong em. Na tupela wantaim i go paitim Tok Pisin wantaim gelpren ya i stap. I no longtaim man bilong meri i kam nok long haus. Kwiktaim tru meri haitim Kanage long ruf bilong haus. Na poro bilong Kanage em meri i haitim em aninit long bed. Tupela hait pinis na man i kam insait long haus na askim: Yu toktok wantaim husat? Meri bekim: Nogat mi wangepela tasol i stap hia. Tasol man i strong yet. Em askim i go nogat na tok: Em i orait, yu ken giamanim mi, tasol man i stap antap em i save. Kanage ting olsem man i lukim em pinis. Man bel bilong em i guria stret na em singaut long ruf bilong haus i go daun long man ya: *I no mi tasol! Man ya tu husat i hait aninit long bed ya!* Man bilong meri i min man antap em God papa. Tasol Kanage i paul long Tok Pisin na autim em wantaim poro bilong em long ples klia. Em nau. Man bilong gelpren i nekim stret Kanage wantaim poroman bilong em i go ausait long haus.

K. Nalug
Sandaun Provins

BRA paitman kukim tripela haus long Solomon Ailans

BOGENVIL Revolusinari Ami (BRA) i bin kukim tripela haus long Solomon Ailans long dispela ista wiken. Ol ripot i kam long Buka long asde, Trinde Mas 10 i tok ol paitman bilong BRA i bin kukim tripela haus long Balalai Ailan long Gut Fraide, Epril 5 1996. Bikos ol i belhat long ol plis fil fos opisa bilong Solomon Ailans i bin givim sampela paitman bilong BRA i go long han bilong PNG sekyuriti fos long boda patrol, bihainim yet join boda patrol we tupela gavman bilong PNG na Solomon Ailans i tokorait long bihainim. Dispela em long traim stretim hevi long Bogenvil we i kapsait i go olsem long Solomon Ailan. Na kamapim bikpela hevi i go long ol pipel husat i stap klostu boda mak. Balalai Ailan i stap long bodamak eria klostu stret long Bogenvil. Na ol boda patrol bilong Solomon Ailans i save kamap long dispela ailan. Na

VERONICA HATUTASI i raitim
ol sekyuriti fos bilong PNG i save patrol long Taurato Ailan klostu long Buin, we i no long-we long Balalai. Balalai Ailan i gat ples balus tu we Solair balus bilong Solomon Ailans i save pundaun long en. Ol ripot i tok ol paitman bilong BRA i bin yusim tupela spit bot long go long Balalai. Na bihain ol i tripela wangepela haus. Wangepela bilong dispela tripela haus em ol Solomon Ailans Fil Fos opisa i save yusim, narapela em ol i yusim olsem maigresen opis, na narapela em ol i save yusim olsem trensit haus taim ol man i nogat hap long slip i save yusim taim ol i raun i kam long dispela hap. Ripot i tok tupela sekyuriti lain bilong Solomon Ailan i bin hait na lukim ol BRA i kukim ol haus ya. Ol i bin pret na ranawe long taim ol i lukim ol

lain BRA i go long hap bilong wokim dispela trabel. Ripot long Buka i tok wok bung namel long join opere-sen bilong tupela kantri bai kamapim moa hevi. Bikos ol BRA bai mekim nabaut gen na bagarapim sindaun na laip bilong ol Solomon Ailan pipel husat i stap long boda eria. Wantok i no inap long kisim wangepela ripot i kam long ol Solomon Ailan long taim pepa i go long prin. Long wankain taim tu, i gat ripot i tok ol sekyuriti fos long Bogenvil i wok long mekim wok painimaut long as bilong katres we i bin sutim indai wangepela sekyuriti fos long Kangu nambis kea senta, na tu i kamapim bagarap long wangepela resisten paitman long dispela wik Tunde. Ripot i kam long Buka i tok dispela wok painimaut i kamap bikos ol atoriti i no klia tumas long katres we i bin sutim indai

dispela soldia i kam long gan bilong ol BRA o ol sekyuriti fos. Ripot we Wantok i kisim i go olsem long Tunde bikmoning, wangepela resisten paitman i bin lukim tupela BRA klostu long Kangu nambis kea senta. Na em i bin go hait na sutim indai tupela BRA ya. Tasol em i no bin save olsem samting olsem 50 BRA i stap ausait raunim kea senta i stap. Ol BRA i bin kirap nogut long harim dispela gan i pairap na kilim indai tupela poroman bilong ol. Na wantu ol i paia i go long senta. Ol sekyuriti fos tu i bin kirap nogut na long dispela. Long sem taim ol ol kea senta lain na ol arapela lain moa i bin ron i go i kam long painim hap bilong hait. Olsem na ol i no klia tumas katres we i kisim soldia na resisten paitman i i kam long husat.



MOSBI BRUKIM REKOT LONG KISIM 89 ISTA BEBI. P4

TOYOTA LAND CRUISER

SAPOS ROT IBAGARAP NA YU PAINIM HAT LONG IGO... GO WANTAIM 4WD LAND CRUISER!

LUKIM MIPELA NAU LONG ELA MOTORS
ISTAP OLGETA HAP LONG PAPUA NIUGINI!

Ela Motors
8PT (PNO) LTD.

EM5354

**Plis
RIPOT**



MOSBI, Nesenel Kapitel: Plis operesen long Ista i bin holim pasim tupela skul studen long Nesenel Kapitel Distrik bilong salim ol strongpela dring long blakmaket.

Ol plis ripot i tok ol i bin holim pasim Janet Kija wanpela 14 yia skul studen long Evedana komyuniti skul long 9 Mail ausait tasol long Mosbi siti na Andrew Tand wanpela 15 yia studen bilong De La Salle hai skul long salim bia wantaim nogat laisens. Ol bin lusim tupela studen i go fri wantaim K500 beil mani na nau ol bai i wetim kot long dispela samting long dispela wik. Plis long NCD i tok tupela studen i stap namel long sampela lain pipel husat plis i bin holim pasim ol long brukim lo.

Bos bilong ol plis long NCD, Philip Taku i tok blakmaket long siti em i kamap olsem wanpela bikpela hevi na em i tok plis bai ino isi long ol lain husat i wokim dispela samting inap long ol i daunim hevi ya.

Msta Taku i bin tok ino bin gat ok bikpela trabel i kamap long dispela Ista wiken na siti i bin stap orait tasol. Sampela ol liklik meknais tasol i bin kamap we ol plis i bin holim pasim na sasim ol man long en. Wanpela samting tasol we i bin kamap long dispela wik Tunde em stil pasin long Westpac beng long Waigani.

Ol ripot i tok foapela man i bin go long beng long 10 klok moning long beng na taim tupela bilong ol i wet ausait long ka, tupela i bin go insait na hensapim ol wokman wantaim gan. na ol i bin tekof wantaim ol mani na ranawe. Ol ripot ino tokaut hamas mani tru ol stilman i bin stilim tasol planti em mani we ol kampani na bisnis man i bin mekim long Ista wiken na ol i bin benkim long dispela taim na ol stil lain i bin stilim.


• NCD plis long Mande i bin holim pasim na sasim wanpela man Isten Hailens long bagarapim wanpela 17 yia meri long Erima setelmen las Sarere. Mista Taku i bin tokaut long nem bilong man ya olsem Peter Hagena wantaim 37 krismas bilong Isten-Hailens provins.

Mista Taku i tok meri ya i bin wok long go bek long haus bihain long wanpela sios sevis taim tripela man i pulim em na bagarapim em. Tripela arapela poroman bilong man ya i ranawe na stap hait yet. Emmi bin tok ino seif nau long ol meri i wokabaut ol yet long Erima setelmen na olsem plis nau i stapim ol meri long salim buai long Erima maket long nait. Em bin tok long olgeta wiken, opis bilong em i save kisim ripot long wanpela meri we ol i bagarapim long Erima i save kamap.

• Plis long NCD i wok long painim wanpela grup husat i bin bagarapim wanpela meri yunivesiti long las Fraide. Plis i ripot olsem wanpela yangpela meri wantaim 21 krismas i bin wokabaut wantaim boipren bilong em klostu long yunivesiti taim ol man nogut i kam na paitim meri na bagarapim em. Plis i bin holim pasim tu wanpela man Mekeo long brukim Ela Bis lika ban long las Sarere nait na wokim stil pasin. Ol i autim nem bilong man ya olsem Goba Steven husat i gat 23 krismas. Em i bilong ples Eboa insait long Mekeo eria bilong Sentrel provins.

• Ista wiken long olgeta hap bilong kantri i bin gutpela tasol na inogat ol bikpela trabel na hevi i bin kamap long dispela taim. Na planti ol bikman long kantri i givim bikpela tok tenkyu i go long pablik long ol i bin stap isi long mekim dispela Ista i wanpela gutpela wiken.

Sofdring kampani sapatim Hohola Yut Senta



HOHOLA Yut na Dvelopmen Sente wanpela ogenaisesen we i save lainim ol yangpela mangi long ol kainkain samting bilong wok insait long Mosbi i kisim K300 donesen i kam long Coca-Cola Amatil husat i bin sapatim dispela senta longpela taim tru. Coca-Cola em i wanpela kampani husat i save givim bikpela sapat long Yut Senta ya long sait bilong mekim fan raising na kisim mani bilong ol yet.

Sampela samting Coca-Cola i save givim long Yut Senta em ol i save baim ol stol bilong Yut Senta we ol mangi yet bai salim ol kaikai bilong ol long ol So olsem Hiri Moale Festival, Mosbi So na ol narapela liklik so nambaut.

Long poto antap em Maketing Menesa bilogn Coca-Cola long raithan i presntim sek mani wantaim wanpela Gold Plating Kontua Botol i go long Dairekta bilogn Hohola Yut Senta Bruda Denniss Loft long namel na long lepahan em Monsignor Brian Walsh husat i Peris pris bilong Camberwell long Victoria, Australia.

POTO NA STORI: RODNEY KAMUS

Edministreta tok Madang go pas long karimaut rifom

EDMINISTRETA bilong Madang i tok provins bilong em i go pas long karimaut ol senis long wok bilong provinsal na lokol level gavman em, Palamen i bin oraitim long las yia.

Clant Alok i mekim dispela toktok long wanpela kos em ol pablik sevan bilong provins i bin stap insait long en. Dispela kos i bilong skulim ol pablik sevan long plenim seksen bilong gavman. Na wanem kain wok ol bai mekim wantaim disisen long dvelopmen bilong provins.

Dispela kos i bin kamap long Bakul Semba Hol long Karkar ailan long namba 2 na 3 de bilong mun Epril, 1996.

Mista Alok i tok em i amamas long ol sinia pablik sevan bilong em husat i "save mekim olgeta samting i stret na

BEN TAUMAI i raitim mekim mipela olgeta i amamas."

Edministreta i tok wantaim ol nupela senis, nesenel gavman save oltaim makim Madang long trenim ol saveman meri bilong Waigani. Na tu long traim karimaut ol nupela pailot o traim wok bilong gavman.

Edministreta i min long ol traim wok olsem bilong nupela rifom long wok bilong provinsal na lokol level gavman, senis long wok bilong ol skul insait long kantri olsem ol top ap skul na wok bilong plis fos.

Mista Alok i tok wanem samting gavman i lainim long mipela, em save go bek long yusim dispela save em i lainim hia long ol arapela provins. "Maski ol i salim ol top save-

man o meri i kam long hia, ol dispela save lain save askim mipela yet long stiam wok bilong ol."

Em i tok Nesenel Plening opis i save lainim planti samting tu long Madang.

Ol sinia pablik sevan long Karkar ailan wantaim ol arapela bikman meri long ailan husat i kamap long dispela woksop em ol komyuniti lida, sios lida, na bisnisman meri. Na olgeta lain insait long dispela kos i amamas tru long wanem samting ol i lainim.

Ol i tok ol bai go pas long wok bilong plenim ol wok long daunbilo na go antap. Na wanem save ol i kisim long woksop ya bai helpim tru long wok bilong ol.

Olpela primia bilong Madang, Andrew Ariako i

kamap tu long dispela woksop. Na Philip Julius bilong Fainens dipatmen long Waigani, Mosbi i bin kamap na karimaut dispela woksop.

Deputi Gavana bilong Madang, Mathew Gubag, na sampela sinia opisa olsem Nick Genafia, Gabriel Saul na Malagui Tamiling i bin kamap long las bung bilong pasim dispela woksop.

Mista Alok i tok opis bilong em i plenim long karimaut wankain woksop long ol sab distrik na 6-pela distrik insait long provins. Na ol samting ol pablik sevan wantaim ol komyuniti na sios lida, wantaim ol bisnisman meri i lainim i bihainim rifom o senis long wok bilong provinsal gavman, em bai stat stret long Jun neks yia insait long provins.

Wau brukim K84,498 long ol projek

WAU Lokel Level Gavman kaunsil i kisim pinis K84,498.00 anitit long Viles Sevis grent bilong mekim ol wok long Wau eria. Mani i kam long tupela hap em long sosel sevises na infrastraksa o ol wok bilong wokim rot, bris na ol bikpela samting olsem. Dispela i bin bikpela namba bilong mani abrusim mak bilong 1994 na 1995 long las yia long dispela wok.

Mani i bin go long karimaut wok long sosel sevis em,

- Edministresen K15,000
- Haus bilong tisa long Samuna komyuniti skul em K9,083.00
- APO Haus Pine top bris K9,083.00,
- APO haus Kaisenik Komyuniti skul K9,083.00

Long wok infrasktraksa em;

- wara saplai K19,414.00
- winima viles wara saplai K1,306.00
- Kaisenik wara saplai K5,782.00
- Nemnem wara saplai K7,426.00
- Wandumi wara saplai K3,000.00

ARI GUH DANDEE i raitim

- Ono Kompaun wara saplai K3,950.00
- Maus Kuranga wara tenk K950.00
- Rot mentenens bai kisim olsem K22,835.00
- Winima viles K1,500.00
- Werewere viles K2,335.00
- Bawen Fida rot K1,500.00
- Kwembu viles K1,500.00
- Buang Palif rot K2,500.00
- Kasaki rot K2,000
- Kapin rot K5,000
- Regina rot K4,000
- Pine Top Rot K2,500

Presiden, Mista Yapu Songao i to em amams tru long Viles Sevis dipatmen i luk save na salim disela mani i kam hariap. Nau ol i ken yusim dispela mani long mekim ol wok em ol i makim pinis long en.

Em i tok dispela tu bai mekim ol pipel i ken luksave long sampela han bilong gavman long helpim ol pipel insait long dispela nupela sistem bilong Provinsal na Lokel Level Gavman we gavman i kamapim long las yia.

Sentrel Bogenvil strong long gutpela sindaun

SENTREL Bogenvil eria nau i go het long wok bilong painim gutpela sindaun (peace process) long olgeta hap long distrik bilong em.

Man husat i go pas long wok bilong Sentrel Bogenvil Interim Atoriti edministresen, Peter Siunai long dispela wik i bin tok planti ol BRA long Panguna eria na tu long ol arapela hap bilong distrik i wok long lusim ol ples hait na go insait long ol kea senta na long dispela, em i givim bikpela tok amamas i go long ol siefs bilong Not Nasiosi na pis program bilong ol. Mista Siunai i bin tok i nogat senis i kamap long wok bilong ol sekyuriti fos long sentrel Bogenvil long gavman i rausim "ceasefire" (ol ami i holim gen samting bilong pait) long Bogenvil long las mun tasol wanpela samting em ol i tokim ol ami long wok wantaim ol siefs na strongim wok bilong kamapim gutpela sindaun bek long Bogenvil.

Mista Siunai i bin tok tu olsem pis program i wok na go het gut tru long Sentrel Bogenvil bikos

ol siefs yet bilong hap i strong long lukim olsem dispela wok i go gut strong na ol yet tu i save go insait long ol eria we ol BRA i lukautim na toktok wantaim ol long rot bilong stretim ol hevi long Bogenvil. Na dispela i save tanim bel bilong planti ol yangpela man na kam bek bilong em, planti long ol i lusim ples hait long bus na go stap nau long ol kea senta.

Em bin tok tu olsem inap long sevenpela mun nau, distrik i stap gut na wok strong long ol pis program na tu ol BRA i bin givim strongpela toksave long ol olsem ol ino inap long bagarapim ol pipel na ol wokman bikos pait bilong ol em i stap namel long ol na ol sekyuriti fos. Em i bin tok tu olsem wok bilong Sentrel provinsal interim atoriti em i givim bikpela luksave na putim namba wan ol wok na program bilong painim gutpela sindaun na olsem tasol dispela i kamap gut na strong long distrik wantaim helpim i kam long ol siefs, ol wokman bilong interim atoriti, ol sekyuriti fos lain na komyuniti.

WANTOK

All departments. Phone: 325 2500 - Fax: 325 2579
P.O. Box 1982, Boroko, NCD, Papua New Guinea

Published Weekly, Thursday, for
Word Publishing Company Pty. Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Pty Ltd.

Acting General Manager and Group Editor in Chief: Anna Solomon	Papers distributed by air throughout PNG.
Advertising Manager: James DeLisle	Available by airmail subscription within Papua New Guinea and overseas.
Editor of Wantok: Leo Wafiwa	Australia and New Zealand Representatives: Tonkin Media Pty. Ltd. P.O. Box 101, Avoca Beach, NSW, 2251 Australia
Advertising Deadlines: Display Bookings and Camera ready copy: Tuesday midday.	Sydney, James Tonkin, (043) 851746, Melbourne, Glen Smith, (03) 8072311
Classified Advertising: Wednesday 2pm.	

Word Publishing Company Pty Ltd is owned by the four major churches of Papua New Guinea: Catholic 55%, Lutheran 25%, Anglican 10% and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms of acceptance are available at Word Publishing Company Pty. Ltd., and are set out in full on the reverse side of its official Display Advertising Booking Form.

Soldia dai long Bogenvil

NAMBAWAN soldia i dai long dispela wik Tunde long Bogenvil bihain long gavman i rausim "ceasefire" o stop pait agrimen long Bogenvil tupela wik i go pinis long Mas 21.

Ol ripot i kam long Bogenvil i tok soldia ya i bin dai long Kangu nambis kea senta long Buin long samting olsem 5 kilok Tunde moning. Dispela em long taim ol Bogenvil Revoluseneri Ami paitman i bin go insait long kea senta na yusim ol man nating long senta bilong haitim ol yet bihain long ol na pait wantaim ol sekyuriti fos long hap. Ripot i bin tok tu olsem tupela BRA i bin dai long dispela pait.

Ol bin kisim bodi bilong dispela dai soldia husat ol i tok i bilong Is Sepik provins tasol ol ino tokaut yet long nem bilong em. Ol bin kisim bodi bilong em i go long Buka na long hap, balus i bin kisim em i go long Mosbi.

Ripot i tokaut tu olsem ol paitman i bin mekim ol kea senta lain na sekyuriti fos i kirap nogut long taim ol i statim pait.

Samting olsem 300 pipel i stap long Kangu nambis kea senta na ol i kam long ol ples olsem

VERONICA HATUTASI i raitim

Malabita, Lamuai na Muisuru wantaim ol arapela ples moa we i stap klostu long nambis insait long Buin distrik.

Long ol ripot i kam long ol arapela hap bilong Bogenvil, sindaun long dispela Ista wiken i bin nogat nois na gutpela tasol.

Buka distrik nau i stap kwait na ol samting i ron gut tasol bihain long ol trabel ol BRA i bin kamapim na we i bin karamapim distrik long tupela wik i go pinis. Nau ol BRA paitman i lusim pinis Buka na ol i go bek long bikailan Bogenvil, ol ripot i tok.

Ol i tok tu olsem ol pipel long Buka i bin sindaun isi tasol na amamasim Ista feste wantaim o sios sevis na stap wantaim ol wan wan famili bilong ol long ples.

Sampela ol liklik meknais i kamap long ol lain resisten na ami i mekim sampela man i baim on-da-spot fain bihain long ol i holim ol long brukim lo bilong kefiu (taim tambu) we i stap yet long Buka distrik. Ol atoriti long Buka i bin putim dispela kefiu o

taim tambu long las mun long taim ol BRA i bin strongim opere-sen bilong ol long Buka distrik.

Tasol long nau, planti memba bilong pablik long Buka i laikim bai ol atoriti i rausim bek kefiu bikos ino moa gat trabel long hap na ol rebel paitman i lusim pinis distrik na not Bogenvil eria.

Ol samting long Buka i stap orait gen olsem long bipo, wantaim ol sevis i go gut tasol. PNGBC beng, em wanpela beng tasol long hap i op pinis tu long sevim ol pipel bilong provins. Ol stua na ol bisnis haus i wok gen na ol arapela bikipela sevis olsem helt na edukesen long Buka distrik i ron gut tasol nau. Airlin na Islands Aviation balus tu i stat long pundaun gen long Buka tasol Air Niugini i no yet.

Long Sentrel Bogenvil, stap na sindaun long Ista wiken i kam inap long nau i bin orait tasol. Wankain tu long saut wes Bogenvil we i karamapim ol distrik olsem Siwai na Nagovis. Buin distrik tasol em wanpela hap we oo BRA i kamapim gen trabel na wanpela soldia i dai long em long dispela wik.

Ol helt woka laik straik

MOA long 220 komyuniti helt woka insait long Sauten hailans provins i laik holim straik bikos long pe bilong ol.

Jenerel Seketeri bilong Komyuniti Helt Wokas Asosiesen, Peter Meles i tok ol bai holim vot long Mendi long tokaut long laik bilong ol long holim dispela straik.

Em i tok dispela kros i bin kamap bikos foapela krismas i go pinis ol i no bin kisim pe bilong ol. Dispela em long 1988 inap long 1992. Dispela kros i stap namel long ol komyuniti helt woka na Dipatmen bilong Sauten hailans.

Ol i bin rejistaim dispela hevi bilong ol i go long opis bilong Industriyel Rilesen long mun Februari long dispela yia. Dispela em bihain long Dipatmen bilong Sauten hailans i no baim ol K800,000 mak bilong pe ol i no bin kisim long foapela krismas ya.

Dispela namba bilong mani tu i karamapim sif pe ol i no bin kisim, rent na ol yunifom alawens.

Mista Meles i tok ol i bin raitim pas i go long Gavana bilong Sauten hailans, Dick Mune long mun Disemba las yia. Ol i bin tokim em olsem ol i makim taim inap long Epril 1 long dispela yia long Dipatmen bilong Sauten hailans i mas stretim dispela pemen bilong ol.

Tasol nogat wanpela gutpela bekim i go bek long ol long dispela askim bilong ol. Olsem na yunien i laik kamapim straik we ol i rejistaim pinis dispela straik bilong ol wantaim opis bilong Industriyel Rejistra long mun Februari.

Opis bilong Industriyel Rejistra i tokaut pinis olsem ol i bin kisim dispela askim bilong komyuniti helt woka long holim vot na kamapim straik. Tasol ol i wet tasol long opis bilong Ilektorel Komisin long redim wanpela ritening opisa bilong ol long karimaut dispela vot bilong ol helt woka ya.

Polis holim meri long salim bia

POLIS long Mosbi holim wanpela yangpela meri long salim bia long blek maket long Ista wiken. Dispela em wanpela raun ol polisman i mekim long Ista wiken long sekim ol stua husat i no gat laisens long salim bia.

Meri ya i gat 13 krismas na i kam long Sauten hailans provins. Em i bin wanpela bilong ol tripela lain we polis i holim ol long salim bia long blek maket tasol i no gat laisens bilong ol long mekim dispela.


Asisten Komisina Philip Taku i tok blek maket em wanpela hevi we planti man i wok long baim bia na dring spak long en. Na dispela i kamapim ol hevi olsem pait, stil na arapela moa insait long komyuniti. Olsem na ol polisman bai was gut na lukluk long ol blek maket insait long siti.

Long las wiken, ol polisman i bin raun na sekim planti arapela blek maket insait long Mosbi siti. Insait long dispela raun em ol i holim tripela man na dispela yangpela meri wantaim.

Polis i bin tokaut tu long tupela hevi bilong holim meri na bagarapim. Insait long dispela tupela hevi, ol polisman i holim wanpela man pinis.

Wanpela yangpela meri husat i gat krismas olsem 21 i bin wokabaut long Yunivesiti banis long Yunivesiti wantaim boi pren bilong em. Tasol ol man nogut i bin kamap na holim meri ya na pulim em i go arere long bus na bagarapim em.

Long Erima, wanpela yangpela meri bilong Sentrel provins husat i gat 17 krismas i bin bungim hevi taim em i kam bek long lotu long Sarere nait. Bihain long lotu, ka i bin go lusim em long Erima tasol 4-pela man nogut i sambai pinis na holim em na bagarapim em.



Hatwok i Karim KaiKai... • Is Nu Briten Gavava, Francis Koimanrea, i sanap namel long tupela mama, Bungtabu Brown (raithan) na Bungtabu Diuvia (Ilephan). Dispela em bihain long Misis Brown na Misis Diuvia i invaitim Gavava Koimanrea na ol arapela lain long kam bung long wanpela seremoni long opim ges haus bilong tupela mama ya long Kokopo-lukim stori long pes 8. Foto: Edna Diuvia.

5. RAIT BILONG OL PIKININI

Gavman i mas painim na kamapim ol rot bilong kamapim Konvensen long Rait bilong ol Pikinini. Em i mas kisim eksen long stretim ol lo na edminis,retiv straksa bilong kampim rait bilong ol. Hau bai yu helpim long implementim o kamapim dispela



Konvensen? - Atikel 4, Konvensen long Rait bilong ol Pikinini.

LUKIM MOA RIPOT LONG NEKS WIK

TR 100

OL KUMUL I LUS LONG OL FRANS NA TORO I BEL-HAT NOGUT...

PILAI I PINIS NA OL PILAIAS I WOKABAUT I GO AUTSAIT LONG FIL...

BUUUU! LUKIM OL KUMULS!

OL KUMULS I GO SINDAUN MALOLO I STAP NA TORO GO BIKMAUS LONG OL...

MI SEM TRU LONG YUPELA!! NOGAT STRONG BILONG YUPELA STRET!!

NAU EM LAIK RONAWÉ TASOL OL I HOLIM EM...

HEY, YU!! G*? YU SAVE PILAI RAGBI. A? UM!!

SALIM EMI KAM HIA!!!

NA PILAI RAGBI LONG EM...

PAGIM BAL I GO LONG WINGA... KETS!

MAI BAL! GRRR!

AAAEEEE

TARANGU BOI NOGUT I SILIP LONG HAUSSIK WANWIK OLGETA...

WANTOK

NIUSPEPA BILONG OL PAPUA NIUGINI STRET

NCDC mas givim gutpela sevis

LONG dispela wik, planti toktok i kamap long wara saplai insait long Mosbi siti. Siti menesa, Kumaraswamy Arasaratnam, i tok wara saplai insait long siti i doti o i gat braunpela kala bikos ren i mekim na Wara Laloki i doti. Sampela opisa bilong em i tok wara i doti bikos i nogat marasin long mekim wara long Maun Eriama wara tritmen tenk.

Ol pipel insait long siti bai bilipim husat nau-Mista Arasaratnam o ol opisa bilong em? Bikela samting i olsem ol pipel insait long siti i save olsem Mosbi em i ples bilong drai sisen. Tasol, i gat taim long wanwan yia we Mosbi siti i save bungim sisen bilong ren-bikpela ren, i no liklik ren. Long ol yia i go pinis, taim Mosbi siti i bungim sisen bilong ren, wara i no save o i bin doti olsem wanem samting i kamap long dispela wik. Nogat tru ya. Wara i save klin tasol.

Ol pipel insait long siti i no yusim nating wara. Ol i save baim takis o mani i go long Nesenel Kapitel Distrik Komisin. Wara saplai i kam aninit long lukaut bilong NCDC. Dispela i min olsem NCDC i givim sevis long ol pipel bilong siti. Tasol dispela sevis i no fri, ol pipel insait long siti i spenim mani long yusim. Em i taim nau NCDC i mas luksave olsem em i wok bilong em long provaidim ol gutpela sevis long ol pipel. Bikos ol pipel i spenim mani long yusim ol dispela sevis.

Mosbi siti em i biktaun bilong PNG. NCDC i mas karim aut wok long mekim o soim tru tru olsem Mosbi em i biktaun bilong kantri. I no i gat ol rot i pulap long hol, wara i doti olsem Wara Sepik, i nogat wara long sampela eria, ples i doti na mipela i tok Mosbi siti i biktaun bilong kantri.

Em i taim nau NCDC i mas givim wan handet pesen gutpela sevis i go long ol pipel bilong Mosbi siti.

Mosbi kamapim 89 Ista bebi

...Lae kamap namba tu

YAKAM KELO i raitim

MOSBI i holim rekot long kamapim 89 nupela bebi insait long Ista wiken long las wik Fraide inap Mande. Dispela tu em wanpela bikpela rekot winim ol arapela bikpela senta long Papua Niugini long Ista wiken. Fraide em Gut Fraide na long dispela bikpela de, 30 nupela bebi i bin kamap long Mosbi Jenerel Haus Sik. Long Sarere 16 nupela bebi i bin kamap, long Sande 19 bebi i kamap na long Mande mak long 24 nupela bebi olgeta i kamap.

Ripot long Mosbi haus sik i tok rekot bilong ol wan wan de we ol nupela bebi i save kamap em mak long 20 na 22 long wan de. Insait long Mosbi haus sik long dispela taim, tupela twins pikinini meri i bin kamap na apim namba i go antap long 89 bebi olgeta. Tupela twins meri ya i bin kamap long 2 kilok moning long Sande. Dispela rekot bilong 89 bebi long Mosbi i bin stat long Fraide 12 kilok nait i go pinis long Mande 12 kilok nait.

Lae: Narapela biktaun bilong Papua Niugini em Lae na em tu i kamapim bikpela rekot tu long Ista wiken. Tasol mak bilong em i stap aninit long Mosbi. Lae i kamapim 41 nupela bebi long las wik Fraide i go inap long Mande.

Ripot long Angau haus sik i tok stat long Fraide 8-pela nupela bebi i bin kamap na long Sarere em 10-pela bebi i kamap. Long Sande em 9-pela bebi na long Mande 14 nupela bebi i bin kamap. Mande long Angau haus sik i bin bikpela de bikos ol i kamapim moa bebi winim arapela tripela de.

Lae tu i bin gat rekot long kamapim tupela pikinini long wanpela taim. Dispela em twin bebi bilong Ista de long Lae. Ripot bilong Angau haus sik i tok long wan wan de, rekot bilong ol long ol mama i karim nupela pikinini i save stap long 10 na 15 mak long wanwan de.

Wewak: Liklik taun bilong Wewak long Is Sepik provins i



bin kamapim pinis 16 nupela bebi long Ista las wiken. Long Gud Fraide, tripela nupela bebi i bin kamap na long Sarere narapela tripela gen i kamap. Long Sande 4-pela bebi i kamap na las de bilong Ista long Mande em 6-pela bebi olgeta i kamap.

Wewak i no bin kamapim wanpela twins bebi long dispela taim. Na tu olgeta bebi ya i kamap gut na i no gat wanpela i kamap long operesen.

Hagen: Namba tri biktaun bilong Papua Niugini long Hagen i bin gat rekot tu long kamapim 22 bebi long Ista wiken. Olgeta pikinini i bin kamap gut tru na wanpela

namel long olgeta 22 bebi ya em i gat bikpela hevi tru long mak olsem 4.64 kilogram. Dispela em wanpela pikinini man. Na wanpela bebi em i gat liklik hevi we mak bilong em i stap long 1.8 kilogram.

Rekot bilong Hagen haus sik i soim olsem long Fraide 9-pela bebi i bin kamap long dispela bikpela de bilong Gud Fraide. Long Sarere em 4-pela bebi, Sande em tripela bebi na Mande em 6-pela olgeta.

Goroka: Narapela bikpela taun long Goroka, Isten Hailans provins tu i bin kamapim 32 Ista bebi long las wiken. Goroka haus sik i no givim rekot bilong wanwan de we amas pikinini

Goroka i bin kamap. Tasol em i givim tasol total namba we i bungim long Fraide i go wantaim long Mande. Bungim olgeta namba wantaim em 32 olgeta.

Bikpela pikinini tru we i bin kamap long Goroka haus sik em i gat 4.5 kilogram tasol em i aninit liklik tasol long manki long Hagen husat i gat 4.64 kilogram. Goroka i no gat wanpela twins olsem Lae na Mosbi i bin i gat. Tasol olgeta pikinini i kamap gut long dispela bikpela holidi bilong Ista.

Wantok i no kisim rekot long ol arapela bikpela haus sik long kantri tasol dispela em sampela tasol Wantok inap kisim.

WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO
telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na NuSilan	K92.00
Esia pasifik na Japan	K123.00
Amerika na Yurop	K180.00



I gat bilip olsem BRA komanda, Toroama kisim bagarap

I gat gutpela evidens o ripot i soim olsem wanpela strongpela Bogenvil Revoluseneri Ami (BRA) komanda i kisim bagarap pinis. Dispela em komanda husat i bin go pas long ol BRA operesen long Not Bogenvil las mun, na kamapim indai bilong 12-pela sekyuriti fos memba.

Nem bilong dispela BRA komanda em Ismael Toroama. Long taim ol ripot long Toroama i kisim bagarap i bin kamap long tupela wik i go pinis, em yet i bin tok strong olsem dispela em ol giaman toktok. Ripot i kam long Buka i tok wanpela long ol samting we i mekim ol atoriti long Bogenvil i gat strongpela tingting olsem em i mas tru long Toroama i kisim sampela kain bagarap long bodi bilong em. Long wanem ol sekyuriti fos i bin sut long ka we ol i ting Toroama i bin draivim long Selau eria long tupela wik i go pinis. Ripot i tok Toroama i no inap long wok-abaut taim em i go bek long bikailan Bogenvil. Olsem na BRA i bin kisim ka bilong peris pater long Tearouki long Tinputz. Na yusim long kisim Toroama i go bek.

Is Nu Briten pipel no laik lusim ol kea senta

OL pipel long Is Nu Briten i stap yet long ol kea senta. Bikos ol i no laik muv i go long ol eria em ol bikman i makim ol long go stap. Siaman bilong Gasel Restoresen Program, Henry ToRobert i tokaut olsem long dispela wik. Em i mekim ol dispela toktok long bihainim toktok bilong Minista bilong Komes na Industri, Nakikus Konga. Mista Konga i tokaut long las wik olsem GRA i bin go het long putim kolta long sampela rot insait long Kokopo tasol, planti tausen pipel i stap yet long ol kea senta. Em i tok i luk olsem GRA i no mekim kamap ol developmen we bai helpim ol pipel.

Em i tok ol pipel i no laik muv i go long ol kea senta we atoriti i kamapim long ol eria olsem long Gelagela, Sigute, Clifton Warena na Warangoi. Dispela em long wanem i nogat inap developmen i stap long ol dispela eria we ol pipel i ken kisim sevis long hap.

Em i tok ol rot i no gutpela long nau yet we ol pipel i ken yusim. Sir Henry i tok wok bilong putim kolta long ol rot i stat namel long provinsal gavman hetk-wata na ol bikpela rot i go olsem long Kokopo na Kerevat. Em i tok ol bikpela trak we i gat moa hevi i bin yusim ol dispela rot. Bikos moa trak i yusim ol dispela rot namel long Rabaul na Kokopo.

"Lukautim gut rot na projek"

PAPA bilong Papua Niugini na Gavana bilong Is Sepik, Sir Michael Somare, i putim kamap wanpela bikipela askim long ol pipel bilong em long lukautim ol rot na tu ol arapela projek we gavman na ol ovasis helpim oganaisesen i provaidim.

Sir Michael i putim kamap dispela askim long provins bilong em yet long las wik Fonde taim Komisina bilong Australia long Papua Niugini, David Irvine, i opim Angoram rot bihain long wok bilong stretim gen rot i pinis.

Em i tok i no ol pipel bilong Is Sepik provins tasol i mas lukautim ol rot na ol arapela projek gavman na ol ovasis helpim oganaisesen i putim kamap. Olgeta pipel bilong Papua Niugini i mas mekim dispela samting.

Angoram rot projek i wanpela hap bilong K23 milien rot projek insait long Papua Niugini we gavman bilong Australia i putim kamap mani

long dispela yia long stretim ol nesenel na provinsal rot.

Gavana Sir Michael i tok mipela i gat wok long klinim na lukautim ol rot bilong mipela.

"Mi lukim planti bus long sait bilong ol rot bilong mipela. Sapos mipela i laikim o nidim helpim, mipela tu i mas wokhat long klinim bus arere long ol rot bilong mipela," Gavana Sir Michael i tok.

Em i tok ol pipel i save askim long sapot na helpim long gavman na ol arapela ejensi. Tasol long sait bilong ol, ol i mas mekim wok na i noken sindaun na singaut tasol long gavman long givim helpim o sapot olgeta taim.

Sir Michael i to Australia bai spenim arapela K5 milien long Angoram rot na samting olsem K12 milien long Wes Sepik provins.

"Antap long baset sapot, dispela i bikipela helpim tru Australia i givim i kam long Papua Niugini," Sir Michael i

tok.

Gavana bilong Is Sepik i makim ol pipel bilong em na givim bikipela tok amamas na tenkyu i go long Hai Komisina bilong Australia, David Irvine, long go long Is Sepik provins olsem namba wan opisal raun bilong em. Na i mekim tok promis olsem wanem mani Australia i givim long Is Sepik, ol bai yusim long gutpela na stretpela rot.

Nesenel memba bilong Angoram, Ludwig Schulze, husat i stap tu long dispela bung, i askim Australia long noken mekim wok bilong stretim Angoram rot i kamap las projek bilong en insait long Is Sepik provins.

Mista Schulze i tok planti milien na milien kina i kam insait long Papua Niugini long ol ovasis kantri na oganaisesen olsem Australia, Siapan, Yuropien Yunien, Wol Beng na planti arapela long wok bilong rurel developmen insait long kantri.



• Gavana bilong Is Sepik Sir Michael Somare i givim toktok long taim bilong opim Angoram rot.

PNG mas lukautim ol nesenel na provinsal rot-Komisina Irvine

PAPUA Niugini i mas givim bikipela luksave long wok bilong lukautim ol rot antap long wok bilong wokim ol nupela projek.

Hai Komisina bilong Australia long Papua Niugini, David Irvine, i mekim dispela hap tok long Wewak, Is Sepik provins, long las wik Fonde.

Mista Irvine i mekim dispela hap tok taim em opim Angoram Wewak haiwe bihain long wok bilong stretim rot i pinis na ol i askim em long opim.

Long toktok bilong em, Mista Irvine i tokaut olsem ol intanesenel helpim oganaisesen i laikim olsem gavman bilong Papua Niugini i mas putim kamap inap mani long karim aut wok bilong stretim ol praioriti nesenel na provinsal rot insait long kantri.

Em i tok mani gavman i skelim

aninit long baset bilong dispela yia (1996) i no inap. Olsem na gavman bilong Papua Niugini i mas skelim sampela moa mani antap long mak bilong mani em i skelim pinis.

Long sait bilong Australia long givim helpim long bihain taim, Komisina Irvine i tok Australia bai go het yet long givim helpim long Papua Niugini. Tasol Australia bai givim bikipela helpim long sait bilong transpot sekta.

Em i tok transpot sekta bai bikipela sekta we kantri bilong em bai givim helpim aninit long Developmen Koporesen Program long arapela 10-pela yia.


Komisina Irvine i tok astingting bilong dispela helpim i olsem dispela bai sapotim ol plen bilong Papua Niugini aninit long dispela sekta. Na tu i kam aninit

long ol rifom ajenda bilong Papua Niugini.

"Ol wok kamap bilong helpim Australia bai givim i stap long Papua Niugini i mas lukim olsem ol samting na wok i karim kaikai aninit long rifom ajenda Papua Niugini yet i putim kamap," Mista Irvine i tok.

Em i tok sapos gavman laikim rifom ajenda long karim kaikai, gavman i mas mekim wok long stretim ol nesenel na provinsal rot insait long kantri. Sapos ol rot i no gutpela, ol samting na wok aninit long rifom sistem bai no inap ron gut na karim kaikai.

"Olsem wanpela bikipela helpim kantri bilong Papua Niugini, Australia i laik lukim olsem gutpela wok i mas kamap aninit long ol dispela impoteneria bilong polisi rifom insait long dispela yia," Mista Irvine i tok.



• Mista Irvine na Sir Michael i katim ribon long opim rot.

Unagi odaim wok sekap long Hagen taun atoriti

MINISTA bilong Provinsal na Lokol Levul Gavman Afeas, David Unagi, long dispela wik i odaim wanpela wok sekap long kamap long operesen bilong Maun Hagen Taun Atoriti.

Dispela wok sekap, Minista Unagi i tokaut, bai karamapim operesen bilong Maun Hagen Taun Atoriti stat long mun Janueri long 1993 i kam inap long mun Janueri long 1995.

Taim em i tokaut long wok sekap i mas kamap long Maun Hagen Taun Atoriti (MHTA), Minista Unagi i tokaut olsem em i wokim disisen long wok sekap i mas kamap long MHTA bikos em i kisim ol ripot we i soim olsem ol samting i no stret long MHTA. Olsem na wok sekap i mas kamap long kli-aim ol dispela ripot i kam long opis

bilong em.

Mista Unagi i tok husat bai karim aut dispela wok sekap na tu ol arapela samting, em bai tokaut long sampela taim bihain.

Em i tok bikipela na impoten samting long nau yet em long tok kli-aim ol pipe! bilong Maun Hagen olsem em yet olsem Minista bilong Provinsal na Lokol Levul Gavman Afeas, em bai mekim samting long stretim dispela hevi.

Minista bilong Provinsal na Lokol Levul Gavman Afeas i tok dispela wok sekap bai wanpela independen wok sekap long ol arapela wok sekap i kamap pinis. Na tu dispela wok sekap bai kamap aninit na bihainim odit ripot.

Madang haus sik amamasim Wol Helt De

LONG Mande, Epril 8, ol wokmanmeri bilong Madang haus sik insait long Madang taun i bung na holim wanpela "Open De" aninit long Wol Helt De na putim kamap kainkain samting long ol manmeri long pablik long lukim.

Wol Helt De i save kamap long olgeta yia long Epril 7. Tasol Epril 7 long dispela yia em long las wik Sande. Bikos las Sande i win wiken, ol wokmanmeri bilong Madang haus sik i surukim dispela Open De i kam long Mande, Epril 8 long amamasim dispela bikipela de.

Deputi Gavana bilong Madang, Mathew Gubag, i opim dispela bung. Ol arapela opisal husat i stap insait tu long dispela bung em edministreta bilong Madang-Ciant Alok, Deputi seketeri bilong Teknikel Sevis-Paschal Fera, Bod siaman bilong haus sik-A. Leong, Asisten Seketeri bilong Helt-Peter Ga'an na Sief Eksekutyutiv bilong haus sik-Dokta Thaitera.

BEN TAUMAI i raitim

Long toktok bilong em long opim dispela Open De, deputi Gavana Gubag i tokim ol wokmanmeri bilong Madang haus sik na samting olsem 300 pipel long pablik husat i bung, olsem Wol Helt Oganaisesen i makim hettok "OL HELTI SITI LONG I GAT GUTPELA LAIP" bikos planti siti i wok long kamap na kamap moa bikipela insait long wol long stat bilong dispela senseri long 1900.

Mista Gubag i tok long yia 2000 na i go, planti pipel insait long wol bai stap insait long ol siti. Dispela bai kamapim moa hevi long sait bilong helt we i ken kamapim hevi long laip bilong pipel.

Mista Gubag i givim wanpela tok piksa na tok olsem insait long arapela 15-pela yia, moa long 20-30 milien pipel bai stap insait long ol siti. Em i tok dispela bai kamapim bikipela hevi long helt

na laip bilong ol pipel.

Insait long wol, helti siti na ol eben projek i soim olsem wok bilong stretim siti i mas kamap-bikipela tru em namel long ol setelmen na kompaun. Sampela samting we i mas kamap em praimer helt kea sevis, helt edukesen, populesen kontrol, industriyel developmen na tu ol arapela samting.

Insait long Madang taun yet, ol helt atoriti i makim Fikus sabeb olsem model bilong sekta long developim long sait bilong gutpela haus, gutpela sanitesen sistem, wara saplai sistem na ol arapela samting. Bikos Fikus eria i nogat ol dispela kain samting taim yu skelim wantaim ol eria olsem Sisiak na Kerema setelmen.

Edministreta Alok i toktok na askim olgeta pablik seven na ol bisnis oganaisesen insait long Madang taun long klinim na lukautim opis bilong ol. Wankain samting tu long haus bilong ol.

TU MNIT TINGTING PASIN BUNG WANTAIM I SAVE WIN

LONG ples wanpela grup hai skul studen i sindaun nabaut long paia long haus bilong bubu mama. Ol i stori na tok fani na lap. Ol i laikim dispela lapun mama. Em i save sindaun na smokim paip bilong em na i putim gut yau long olgeta tok bilong ol. Nau tu sampela ansa bilong em i klewa moa.

Orait, long dispela nait kandere bilong em, Tom, i kirap askim em, "Bubu, yu save go long lotu long olgeta Sande?"

"Na wanem!" mama i bekim tok. "Mi no save lusim wanpela Sande."

Nau Tom i askim em, "Inap yu tokim mipela, pasto i bin tok long wanem samting long las Sande?"

"Ol aboi, Tom, mi no inap. Mi lapun na mi het ston pinis. Mi save tasol pasto i bin mekim naispela toktok, tasol mi no inap tingim nau."

Nau Tom i skruim tok i go: "Mama, ating yu westim taim long


go long lotu. Yu no inap bringim wanpela tok i kam bek."

Orait, mama i no bekim tok hariap, tasol em i kisim bilum bilong em na i givim long Tom na tokim em olsem: "Yu go daun long wara na yu pulapim bilum long wara na bringim i kam bek."

Tom i kirap nogut na i tok: "Bubu, ating yu tok pilai. Husat inap karim wara long bilum? I no nek."

Tasol bubu i strong long em i mas go mekim. Orait, Tom i kam bek na i holim bilum na i tokim bubu olsem: "Em nau! Yu lukim, i no gat wara i stap long bilum."

"Em i tru," mama i tok. "Dispela bilum i olsem het bilong mi, em i pulap long hul tasol. Olsem na olgeta samting i lus long tingting bilong mi. Tasol, yu lukim olsem wanem na bilum nau i klin olgeta?



FRANK MIHALIC i raitim

Yupela ol manki, yupela harim nau. Olgeta taim yupela i go long lotu em i save helpim yu. Oltaim yupela i kam bek, yupela i mogut-pela na yupela i klin liklik."

Gutpela eksampel bilong soim olsem wanem na pasin bilong go long lotu na bilong go long felosip wantaim ol poroman Kristen i save helpim yumi. Em i stap long stori bilong Santu Tomas long dispela taim bilong Ista. Bihain long Jisas i dai pinis, ol aposel i pret na i bung na i hait i stap. Ol pisin na enimal i save mekim wankain long taim ol i pret. Ol i kisim strong long grup. Orait, nau wantu Jisas i sanap namel long ol pretman aposel. Tasol Tomas i no lukim em bikos em i no stap. Long neks wik em i lukim Jisas bikos em i stap wantaim ol.

Sapos yumi stap longwe long Kristen komyuniti bai yumi lusim planti samting. Sapos yumi stap longwe planti taim, yumi olsem stik diwai ol i pulim i kam ausait ong paia, na tromaom i stap. I no

longtaim na paia bilong em bai dai. Sapos yumi lputim bek gen wantu bai paia i lait long en. Yu stap wanpis na bai yu lus.

Long taim planti bilong yumi i bin stap long ples yet, ating yumi gat pasin bilong beten insait long famili long taim bilong slip. Ating sampela i bin ritim Baibel bai ol arapela i harim. Nau ating planti yumi i stap long taun na yumi lusim pinis planti Kristen pasin bilong ples. Yu painimaut tude tasol insait long famili bilong yu, hamas pikinini i save beten "Papa bilong mipela?"

Ating ol raskol i no save kam long haus we famili i save bung na beten long nait. Ating bikos yumi bin pinisim felosip wantaim God long ol famili bilong yumi nau yumi gat planti raskol. Ating Tomas em inap skulim yumi.....Taim em i stap longwe long komyuniti, em i lus. Na taim em i kam bek, em i win.

Ista amamas kamap gut wantaim nogat trabel


ISTA selebren o amamas long olgeta hap bilong kantri i bin kamap gut tasol.

Planti Kristen manmeri na pikinini i bin selebretim dai na kirap bilong Jisas wantaim ol sios sevis we i bin stat yet long Gut Fonde apinun, bikpela lotu gen long Fraide, Sarere na tu long Ista Sarere nait na i go moa long Sande moning. Sampela lotu i bin holim ol *kruset, preia reli na ista kem* long lukluk bek long bilip bilong ol na strongim na tu long tingim dai na kirap bilong Bikman husat i bin kam daun long graun bilong karim pen long bekim ol sin bilong yumi ol manmeri bilong graun.

Planti ol famili i bin go long ol sios sevis na bihain sindaun wantaim ol famili memba na ol hauslain long haus na stap bung na kaikai wantaim.

Long Mosbi siti long Gut Fraide, bikpela lotu prosesio i bin kamap long bikmoning olsem 6 klok samting we moa long 3,000 Kristen manmeri na pikinini i bin wokim lotu long stesen bilong kruse. Pater John Ryan, peris pris bilong Erima i bin go pas long ddispela lotu we ol i karim kruse na wokabaut i kam olsem long 8 Mail i go olgeta long Hohola Sacred Heart Katolik Sios. Planti ol Katolik Sios peris memba insait long Mosbi siti na ol arapela Kristen pipel i bin bungim ol lain bilong Pater John na wokabaut wantaim na mekim preia na stesen bilong Kruse long rot inap long ol i kamap long Hohola we bikpela sevis i bin kamap long pinisim dispela wokabaut bilong karim Kruse.

Long oigeta yia long Mosbi, dispela pasin bilong karim Kruse na wokabaut long wokim lotu long Gut Fraide em i save kamap na dispela em i gutpela bikos em i strongim bilip bilong ol pipel na givim ol bikpela tingting long trupela mining bilong Ista. na dispela em long tingim dai na kirap bilong Jisas long oraitim bek ol manmeri bilong graun long sinpasin.



• Ol yangpela bilong Erima peris i bin redi long karim kruse long Ista wiken taim Wantok ripota i kisim dispela poto.

Antap long ol dispela sios sevis, i bin gat tu ol kruset i kamap long Mosbi siti long Ista wiken.

Long Gut Fonde nait, wanpela kruset i bin kamap long Sir John Guise stedium na moa long 30,000 pipel i bin bung long harim ol toktok bilong wanpela ewanjelis bilong Israel. Nem bilong ewanjelis ya em long Dokta Morris Cerullo husat i bin kam wantaim ol lain bilong em long askim bilong palamen spika, Sir Rabbie Namaliu.

Long wanpela bung we moa long 200 pipel ibin gat long en ol sios lida, Oposisen lida Roy Yaki, Yut na Hom Afeas ministra Perry

eipi na Deputi Spika Ben Okoro i bin stap long en Sir Rabbie i bin tokaut long gutpela kristen pasin i mas kamap na go het strong namel long ol politikel lida na ol pipel bilong kantri bilong daunim ol hevi we i kamap nau.

Dispela em ol hevi olsem korap pasin long wok politiks, bruk daun long famili laip, nogat rispek namel long wanpela narapela insait long komyuniti, ples na kantri na ol arapela moa hevi olsem. Olsem na em i bin tok strongpela komitmen long Jisas na pasin bilong preia tasol inap long daunim ol dispela hevi we kantri na ol pipel i bungim

long tude. Long ol politikel lida, Sir Rabbie i bin tok "yumi gat bikpela nit long komitim yumi yet long Jisas" long kisim helpim long mekim gut wok bilong yumi.

Em i bin tok tu olsem yumi long PNG i tok kantri bilong yumi em i wanpela kristen kantri tasol planti samting na pasin nogut we yumi lukim i kamap long olgeta de ino soim olsem trupela kristen pasin i stap long PNG. Olsem na em bin tok strong long ol kristwen long kempein strong long bringim bek ol pasin kristen long laip na sindaun bilong yumi wan wan insait long komyuniti, ples na kantri.

Ol Katolik bisop bai glasim Baibel

BAIBEL na strongpela bilip long Baibel em wanpela long ol bikpela toktok we ol bisop bilong Katolik Sios long Papua Niugini na Solomon Ailans bai paitim toktok long en. Dispela em long wanpela miting bilong ol em bai kamap long Goroka, Isten Hailans provins long neks wik.

Long tupela wik, 23 bisop bilong Papua Niugini na Solomon Ailans bai i bung long Kefamo Pastorel Senta ausait tasol long Goroka taun, stat yet long Sande Epril 15 na pinis long Fraide Epril 27.

Seketeri bilong Katolik Bisops Konprens (CBC) opis long Mosbi, Pater Henk Kroenemburg i tok sampela long ol arapela agenda ol bai i glasim, ske- lim na givim tingting bilong ol long en em long hevi long Bogenvil, hevi long mani i sot we PNG i bungim tude, ol kain pasin we i kamap long kantri nau na nesanel ileksen bilong kantri long neks yia.

Pater Henk i tok 18 pela long ol bisop i bilong ol 18 Katolik Daiosis insait long PNG, tupela em olpela ritia bisop long kantri na tripela bisop i makim ol Katolik daiosis insait long Solomon Ailan.

Em bin tok tu olsem miting ya em i taim bilong olgeta bisop long bung wantaim na paitim ol toktok long ol bikpela samting we i karamapim sios, ol pipel na kantri. Dispela kain bung i save kamap long samting

VERONICA HATUTASI i raitim

olsem 110 konprens bilong ol Katolik Bisop we i save kamap long olgeta hap bilong wol long olgeta yia.

Orait, bung bai i stat wantaim ol ripot i kam long ol sios wok manmeri husat i lukautim ol wan wan komisin we ol bisop yet i smakim na sanapim insait long ol daiosis long kantri. Dispela em ol eria olsem wok ewanjelaisesen, jastis na pis, komyunikesen, leiti na wimens desk, eduke- sen, helt, famili laip na eku- menisim (wok bung wantaim ol arapela sios).

Ol bisop i save riviuwim o glasim ol ripot, mekim tok- tok long en na redim ol samting bilong putim insait long ol pepa na olgeta lain bai i lukim na save long en.

Long dispela yia, konprens i askim bos bilong EM TV niuslain, John Eggins long givim toktok long ol bisop. Na em bai toktok long wok bilong ol niuspepa, redio na televi- sen insait long kantri.

Bai gat tu ol arapela ges spika husat bai i toktok long ol arapela bikpela samting insait long dispela bung.

Bihain long pinis bilong bung long Epril 27, ol bisop bai i stap insait long wanpela odinesen seremoni we bai nupela bisop bilong Goroka daiosis, Pater Francesco Sarego bai i kisim blesing bilong em long dispela taim long Kegamo Pastorel senta yet.

Ol Luteran Sios meri long Morobe bai glasim hevi bilong komyuniti

LONG dispela taim, grup bilong ol meri insait long kantri i gat bikpela tingting long helpim daunim na stretim ol hevi we komyuniti, ples na kantri i bungim.

Olsem na long dispela Sarere Epril 13, klostu 2,000 Luteran Sios meri bilong Wampar seket insait long Morobe provins bai i bung long Galmasung stesin klostu long Lae siti. Na bai toktok na glasim ol hevi we i kamap insait long komyuniti. Na traim painim sampela gutpela rot long stretim ol.

Ol meri ya bai lukluk tu long helpim na wokim kamap sampela nupela wok insait long Luteran Sios we ol man tasol i wok long mekim i kam inap nau.

Long dispela as tasol ol mama i bin bung long Resureksen Luteran Sios sampela taim i go pinis. Na makim olupela rijonal memba bilong Morobe provins, Boyamo Sali long kamap olsem kodineta bilong ol.

Long dispela posisen, Mista Sali bai raun i go long ol wanwan peris, seket na kongriksen long mekim wok kempen. Na kisim sapot long ol Luteran sios memba. Na ol i ken helpim grup bilong ol mama o meri long go hetim gut wok bilong ol.

Long las mun, Mista Sali i bin bungim kongriksen bilong Ridima peris na autim tingting bilong ol mama long dispela wok kempein insait long wan wan kongriksen.

Mista Sali i bin tok wanpela salens ol mama i lukim na givim bikpela tingting long en em long sait bilong helt.

Ol mama i tok nau ol planti pipel i wok long kisim ol kain sik olsem malaria,

VERONICA HATUTASI i raitim

numonia, sik TB, sotwin taifoit na planti arapela moa sik olsem. Ol i wari bikos bihain long ol i kisim marasin long haus sik long ol dispela sik ya, sik ino save pinis olgeta.

Ol i wari tu long planti kain sik we i save daunim ol pikinini long wanpela taim na long dispela tasol na planti pikinini na ol bikpela manmeri i wok long dai long ol. Olsem na ol mama bai i givim sampela skul tok long ol pipel na ol bai i soim ol pipel long gutpela kaikai na pasin bilong stap klin, lukautim bodi bilong ol na ol pikinini na kipim ples i klin. Long dispela rot na ol iken abrusim sampela ol sik na dai we long nau i save daunim planti pikinini. Mista Sali i bin tok ol mama bai i kempein long dispela hevi bilong bringim aweanes i go long olgeta pipel long komyuniti bilong yumi.

Narapela samting tu we ol mama i kempein long en em long painim mani bilong sanapim wanpela bikpela haus lotu long Lae siti. Ol i laikim dispela haus lotu long kamap olsem mak tru bilong Luteran Sios i lukautim em yet.

Kos bilong bildim haus lotu ya inap long K3 milien tasol ol mama bai i kempein long kamapim K8000 olsem mak bilong ol. Evanjelikel Luteran Sios bilong PNG i makim pinis long givim K30,000 long wokim dispela haus lotu na Bavaria Luteran Sios long kantri Jemeni i makim long givim helpim wantaim K25,000 olsem spesel helpim mani long sampela wok tu, we bai kamap insait long dispela haus lotu.

Luteran Sios kamapim supaenuesen fan

LONG WANPELA bung long bot bilong Evanjelikel Luteran Sios bilong Papua Niugini (ELC-PNG) Suparunuesen Fan i bin kamap long Buapak klostu long Lae.

Dispela kibung i bin kamap long kiam i go long ol memba na kontributa wanem kain helpim ol inap long kisim long dispela fan.

Dispela fan long Tok Pisin ol i kolim long Sios Wokman Ritaia Fan (SWRF). Na i stap long tripela grup.

Grup wan i gat long em ol dispela husat i save givim mani long fan long olgeta potnait. Grup 2 i gat long en ol kontributa insait long wanwan mun. Na grup tri i gat ol dispela husat i save givim mani i go long fan long wanwan yia.

Planti bilong ol dispela wokman meri i stap long grup 2 na 3. Na i gat long em ol lain olsem ol pasto, ol sios lei woka, ol evanjelis, ol Sande skul tisa, na bikman na bikmeri bilong sios. Olsem na bot i bin singautim dispela bung long kisim tingting bilong ol kontributa. Na kiam i go long ol wanem

LEROY BATIA i raitim

kain helpim ol inap long kisim long fan bilong ol.

Planti bilong ol dispela kontributa i bin stat long putim mani i go long fan moa long 17 yias go pinis. Dispela em logn Luteran sios i statim dispela suparunuesen fan bilong ol sios wokman meri bilong en.

Menesmen bilong fan i bin toktok tu long tupela bikpela samting long dispela bung. Em long Rurel Hausing fainens Skim na ELC-PNG Sios Wokman Ritaia an Mini Lon polisi.

Menesa bilong ELC-PNG Suparunuesen Fan, Kamadong Kanai i bin tok ol bai autim ol toktok we ol i bin kamapim long dispela taim i go long narapela bung bilong bot long lukluk long em na oraitim. Rurel Fainens skim, em bin tok, i bilong strongim ol kontributa long wokim pemanen haus o haus kapa bilong ol long ples. Na dispela fan bai helpim ol, Mista Kamadong i bin tok.

Aninit long SWRF Mini Lon polisi, ol memba inap

aplai long sikspela kain lon o dinau. Em long :

- . Skul fi;
- . Sapos wanpela famili memba i dai (funeral expenses);
- . mani long helpim peim meri (pride price);
- . Medikol ekspens long taim famili memba i sik; na
- . Holode ekspens na las i bilong helpim long peim pawa bil, wara, telipon na ol sampela moa samting olsem.

Planti long o sios woka i no klia tumas rot we dispela suparunuesen fan i wok long en nasampela askim i bin kamap long mani bai i kam we taim ol kontributa i aplai long kisim lon mani.

Bekim Mista Kanai i bin givim em ol i mas katim sampela mani yet i kam long dispela yus bikos ol ino inap long kisim mani long kontribusen bilong ol memba. Na long katim sampela mani long dispela samting, em bin tok ol i mas kisim lon mani i kam long ELC-PNG na tu long ol patna sios bilong ol ovasis.


KAMAPIM TIM WANTAIM TOYOTA 1.8 KIJANG

Dispela stail Pikap nau kamapim ekonomikol 1.8 lita petrol enjin, bikpela eria bilong kago, bikpela visin kab disain, na planti moa moa yet. Dispela Pikap em i gutpela bilong Papua Niugini long yusim long planti laik. Kamapim Tim wantaim Toyota 1.8 Kijang Pickup tete long Ela Motors Nesinwaid!



EM I STAP BILONG DILIVERI KWIKTAIM LONG NESINWAID! RINIM MIPELA NAU!

PORT MORESBY 3229400
 LAE 422322
 RABAUL 929100
 MADANG 822188
 GOROKA 721844
 MT HAGEN 512888
 WEWAK 862255
 KAVIENG 942132
 KIMBE 935155
 TABUBIL 589060
 VANIMO 871254
 PORGERA 579348
 KUTUBU 596385
 BUKA 939915
 LIHIR 943108
 ALOTAU : WALTERS
 WORKSHOP 611174
 ORO MOTORS 297002



TOYOTA

Ela Motors
 BPT (PNG) LTD.
 NESINWAID

Haiveta oraitim las tripela provinsal baset

LASPELA tripela provinsal baset bilong dispela yia i kisim pinis tokorait bilong gavman-wanpela i kisim tokorait long las wik Fonde na tupela i kisim tokorait long dispela wik Tunde.

Dispela tripela provinsal baset we i kisim tokorait em 1996 provinsal baset bilong Is Sepik na Wes Nu Briten provins na Nesenel Kapitel Distrik Komisin (NCDC).

Dispela tripela provinsal baset i kisim longpela taim liklik long kisim tokorait bilong nesenel gavman bikes i bin i gat sampela hevi-wanpela bilong ol dispela hevi em hevi namel long Fainens Minista na Minista bilong Provinsal na Lokol Levul Gavman Afeas long husat i gat pawa na atoriti long glasim baset na givim tokorait.

Minista bilong Fainens na ekting Praim Minista, Chris Haiveta, long

las wik Fonde, Epril 4, i glasim na tokorait long 1996 Is Sepik provinsal baset. Long dispela wik Tunde, Epril 9, Mista Haiveta i oraitim provinsal baset bilong Wes Nu Briten na Nesenel Kapitel Distrik Komisin.

Minista Haiveta i tokaut olsem gavman i oraitim tu olgeta alokesen bilong ol provinsal dipatmen. Na long wankain taim i givim aut pinis ol dispela alokesen (mani) i go long ol provins.

Minista bilong Fainens i tok planti provins i givim pinis mani plen bilong ol long wanwan mun we dipatmen bilong em bai yusim long givim aut warena atoriti o tokorait long spenim mani.

Dispela bai stretim ol samting na rot long karim aut ol wok aninit long ol provinsal gavman baset bihainim provinsal rifom.



Naiswan Mista Irvine ..Nupela Hai Komisina bilong Australia long Papua Niugini, David Irvine, wantaim meri bilong em i agris long wanpela singsing grup bilong ol pipel bilong ples Sinabalai long Turubu inlen eria long Is Sepik provins. Dispela em long las wik Fonde taim Mista Irvine i go long Wewak na opim Angoram rot bihain long wok bilong stretim rot i pinis we gavman bilong Australia i putim kamap mani long stretim Angoram rot.
Foto: Grant Thompson.

Tupela meri Tolai soim gut pela piksa

EDNA DIUVIA i raitim

ANINIT long ol wok bilong tupela long wok bilong ol meri, grup bilong ol meri na tu bilip tupela i gat long go pas na soim eksampel o piksa, tupela meri Tolai long Is Nu Briten provins i pasim tingting long go insait long wok bisnis.

Arapela samting we i givim dispela tupela meri Tolai bikpela sans long go insait long wok bisnis em bikpela maunten paia (volkeno) we i bin bagarapim Rabaul taun na tu ol arapela eria insait long Is Nu Briten provins long mun Septemba long 1994. Bikos maunten paia i bagarapim planti samting-wanpela em ples (haus) bilong ol turis long go na stap.

Bikos long luksave bilong tupela long planti pipel husat i go raun long provins bihain long maunten paia na i painim ples bilong slip, dispela tupela meri Tolai, Bungtabu Brown na Bungtabu Diuvia, i wokbung wantaim aninit long wanpela astingting na wokim wanpela ges haus na givim nem Viles Haven Ges Haus.

Bihain long tupela i paitim toktok na wanbel long wokim dispela Viles Haven Ges Haus, tupela mama ya i no westim taim. Tupela i sanap long lek bilong tupela go het. Misis Diuvia i putim kamap graun na Misis Brown i putim kamap mani na menesmen sevis long mekim plen bilong tupela i karim kaikai.

Bikpela astingting bilong dispela ges haus tupela i wokim em long promotim pasin tumbuna na kalsa bilong eria bilong tupela.

"Long sait bilong turisim indastri insait long Papua Niugini, mitupela i gat bilip na tu luksave olsem ol pipel bilong ol ovasis kantri i laik luksave long laipstail bilong mipela. Planti bai kam long luluk raun long hia," Misis Brown i mekim dispela toktok long bung bilong opim Viles Haven Ges Haus.

Misis Brown na Misis Diuvia i go insait long kirapim na ranim wok bisnis long soim dispela astingting: Ol meri i gutpela na namba wan menesa bilong lukautim na ranim haus...olsem na long sait bilong ranim bisnis, ol i ken kamap ol gutpela menesa.

Insait long bung bilong opim ges haus, Misis Brown i tokaut long ol pipel husat i kam bung olsem tupela i bungim planti hevi. Tasol hatwok na plen bilong tupela i karim kaikai.

"Mitupela i givim bikpela tenkyu na givim bikpela luksave bilong mitupela i go



□ **Tupela mama bilong Viles Haven Ges Haus-Misis Brown (lephan) na Misis Diuvia (raitan).**

long man husat i wokim ges haus bilong mitupela Henry Tavul," Misis Brown i tok.

Misis Brown i toktok na askim ol arapela meri tu long mekim ol samting we ol i inap long mekim.

Gavana bilong Is Nu Briten, Francis Koimanrea, long toktok bilong em i tokim ol lain i bung long lukim hatwok bilong Misis Brown na Misis Diuvia olsem gutpela piksa. Bikos dispela bai kirapim tingting bilong ol long kirapim ol wok long helpim provins na kantri.

"Dispela i soim olsem ol meri insait long Is Nu Briten provins i gat planti save. Tasol ol i no kisim gutpela sapot na helpim i kam long ol man bilong ol. Bikos long dispela, ol man i save givim gutpela na bikpela sapot na helpim long ol meri bilong ol," Gavana Koimanrea i tok.

Mista Koimanrea i makim gavman na givim bikpela tenkyu i go long Misis Brown na Misis Diuvia long hatwok bilong tupela. Na tu long soim gutpela eksampel long ol arapela meri.

Raun Raun Tiata promotim PNG kalsa long Sidni

WANPELA biknem tiata grup insait long Isten Hailans provins na tu insait long Papua Niugini ol i kolim Raun Raun Tiata, i stap nau long Sidni long Australia long putim kamap ol pilai long promotim kalsa bilong Papua Niugini.

Raun Raun Tiata wantaim ol arapela lain insait long kantri olsem tumbuna singsing grup bilong Mekeo insait long Sentral provins, singsing grup bilong Huli long Sauten Hailans provins, lain bilong wokim bilum long Morobe provins na tu ol arapela lain, i go na stap long Sidni long stap insait long wanpela bikpela so ol i kolim Agrikalsa So na Amusmen Pak.

Papua Niugini Turisim Promosen Atoriti i go pas long sponsaim dispela wokabaut bilong Raun Raun Tiata na ol arapela grup.

Pablik Rilesen Opisa bilong Raun Raun Tiata, Hick Loape, i tok em i gat bikpela amamas long Turisim Promosen Atoriti, Air Niugini na Nesenel Kalsarel Komisin long karim aut wok bilong ol long mekim Raun Raun Tiata i wanpela bilong ol grup long go long Sidni na stap insait long dispela bikpela so.

Mista Loape i tok gavman bilong Papua Niugini na ol provinsal gavman i mas givim helpim na sapotim ol tiata grup long mekim wok bilong ol long promotim kalsa bilong kantri hia long Papua Niugini yet na tu long ovasis.

8-pela pipel dai long traibel pait long Suave

WANPELA traibel pait, we i stap namel long ol wanpisin bilong Bimagu na Megno klen bilong Suave distrik insait long Simbu provins, we i kamap na stap long wanpela mun olgeta i kamapim dai pinis long 8-pela pipel.

Dispela trabel pait we i stat long klostu long pinis bilong las mun aninit long hevi bilong graun, we ol pipel bilong Bimagu klen i tok i bilong ol.

Bihainim dispela luksave we ol pipel bilong Bimagu klen i tok olsem graun i bilong ol, ol pipel bilong Megno klen wantaim sapot bilong ol pipel bilong Kamagu na Hunanugu i kam bung wantaim na i go insait long eria bilong Bimagu klen na kilim ol pipel na bagarapim ol haus, gaden kaikai na ol arapela samting.

Wanpela kaunsela bilong dispela eria,

James Arnold, i tokaut olsem long nau yet, hevi i stap yet tasol nogat wanpela bikpela samting i kamap, bikos 8-pela pipel i lusim laip bilong ol pinis.

Kaunsela Arnold i tokaut olsem ol polisman i stap nau long dispela eria. Tasol ol viles na komyniti lida i laikim provinsal pis mediesen tim long go insait na paitim toktok long kamapim bel isi na gutpela sindaun namel long dispela tupela klen.

Gavana bilong Simbu na nesenel memba bilong Suave, Yauwe Riyong, i askim tupela klen wantaim long lusim ol samting bilong pait. Na larim provinsal pis mediesen tim long go insait long eria bilong ol na stretim dispela hevi.

Gavana Riyong i tok i no gutpela long lukim olsem planti gutpela pipel i lusim laip bilong ol bikos long kain ol hevi olsem.

Ol wait papa- mama lus long Suprim Kot



• Wanpela mama i redim pikinini bilong em long go long mambawan de bilong skul. Dispela em bihain taim suprim kot i bin tok orait long dispela skul i kisim ol blak pikinini. Dispela skul pastaim em i bilong ol wait pikinini tasol.

SAUT AFRIKA:TAIM ol waitman i singaut na mekim kainkain tok nogut long ol blek pikinini husat i ron i go long stat skul long Potgeitersus praimer skul, wanpela skul pikinini meri i gat waitpela gras i kra i na holim wanpela plisman. Papa bilong em i wanpela i wanpela bilong ol waitman husat i wok long toktok strong tru egensim ol blek sumatin.

Dispela kra i bilong liklik meri ya i soim olsem planti bilong ol sumatin husat i wait i no amamas long wanem samting papa na mama bilong ol i wok long mekim egensim ol blek sumatin.

Na wanpela bikpela samting tru em i hat tru long stretim dispela hevi bilong apatait namel long ol blek man na waitman long dispela liklik taun bilong Saut Afrika.

Disisen bilong Pretoria Suprim Kot we i odarim ol skul long kisim ol blek sumatin i mekim na ol papa na mama bilong ol wait pikinini i no amamas olgeta long dispela.

Wanpela waitman Ernest Yates bilong rait wing pati i tok olsem wanpela as tasol na em i no pait moa long dispela samting em olpela presiden F W de Klerk i tokim ol olsem ol waitman i ken holim bek skul bilong ol.

Na dispela pasin long kisim ol blek sumatin i go insait i mekim ol i belhat nogut tru gen.

Tasol ol lain husat i sapotim ol waitman Afrikaner Weerstands i tok olsem ol i stap long bus na redi long pait long wanem samting bai kamap olsem long dispela skul, dispela ol lain i no bin stap taim namba wan sumatin bilong ol lain blek i go insait long skul bihain long 100 yia olgeta.

Taim ol i lusim kot kes bilong ol long Suprim Kot, ol papa na mama bilong ol wait pikinini i no nap mekim wanpela moa samting tasol ol i sanap na tok nogutim ol blek pikinini husat i go long skul na tu ol i sanap na pasim ol pikinini bilong ol yet long go long skul. Tasol dispela boikot bilong ol i no nap long stopim wanpela samting.


Ol lain bilong rait wing i nogat pawa taim pati bilong Mandale Afrika Nesanel Kongres(ANC) i gat pawa long Noten Provins. Gavman i ken pasim skul o senisim bod ov gavana bilong dispela skul long wanem taim ol i laik. Tasol gavman i mekim stretpela rot na karim dispela samting i go long kot we ol blek lain i win long putim pikinini bilong ol long skul.

Long dispela tasol i mekim na ol lain rait wing i no nap mekim dispela toktok bilong skul long Potgeitersurs i go bikpela, na i bringim ol stret i go long ai bilong kot.

Presiden Nelson Mandela, husat i gat gutpela tingting na tu i kisim moa save we em i bringim long kot na disisen i go long sait bilong ol blekman na meri husat i gat pikinini em bai go skul.

April Sale

**MARCH SPECIAL
ROOF IRON
BUY AT OLD PRICES**



Lae and Mt Hagen

1.83m - K 10.85	3.35m - K 19.90	4.8m - K 28.55
2.13m - K 12.65	3.66m - K 21.75	5.1m - K 30.35
2.44m - K 14.50	3.96m - K 23.55	5.4m - K 32.10
2.74m - K 16.30	4.27m - K 25.40	5.7m - K 33.90
3.05m - K 18.15	4.50m - K 26.75	6.0m - K 35.70



CROWN PAINTS
Quality - Made in Australia


WITH FREE PILLOW

Diamond Premium Gloss White Enamel	K32.00
Coronet Gloss White Enamel	K25.00
Value Timber & Masonry - Mission Brown	K14.95
Coronet Undercoat Oil Base	K21.95

FOAM MATTRESSES

Single 760 x 75 mm	K 29.00
Single 915 x 100 mm	K 41.00
Double 1370 x 100 mm	K 62.50

HARDIFLEX (FIBRO)
K22.00 - Lae
K24.00 - Mount Hagen




PLYWOOD
4mm Commons
K 16.00 per/sht.

FREE T-SHIRT
With Every Sale of
K50.00
or More



SABCO
Rubbish Bins
55ltr
K 14.95



DEADLOCK
Zenith 205 - K 37.00
Zenith Cp.012 - K 19.00



LAE
Milfordhaven Road
P.O. Box 675
Ph. 42 1065 Fax: 42 2062

MT HAGEN
Wonye Road
P.O. Box 1
Ph. 52 2285 Fax: 52 2140

Laimston projek long Finsafen, Boana stap long bikpela toktok

OL mausman bilong gavman na PNG Halla Cement long Lae bai bung long Lae long stretim toktok bilong kamapim Morobe laimston maining long provins.

Dispela K142.5 milien step 2 projek we bai i stat long neks mun bai ol asples long Finsafen na Sekwemp long Boana distrik i sindaun na stretim toktok tu.

PNG-Halla Cement plent menesa Chang Kyu-hwang na step 2 kodineta bilong envaromen Tom Maring i tok stadi na wok painimaut long Senkwemp eria i redi pinis. Tasol ol i no pinisim wok painimaut na stadi yet long eria bilong Finsafen.

Mista Chang na Mista Maring i tokaut long dispela long mekim klia toktok hat namel long ol papagraun bilong Boana olsem ol i no stap insait long wanpela sea. Olsem na ol bai stapim dispela projek bilong kisim laimstop sapos toktok bilong husat bai kisim ol sea i no kamap gut long ol.

Tupela mausman bilong Halla Cement kampani i tok ol toktok bilong husat inap kisim sea na wanem kain sea ol bai kisim em ol papagraun yet i mas stretim namel long ol yet na wantaim gavman.

Tasol kampani i no mekim wanpela disisen yet, olsem na ol bai glasim gut na skelim long wanem

eria bai ol i statim dispela step 2 projek.

Tupela mausman bilong Halla Cement i tok namba wan tok wanbel em i bin stap namel long gavman na kampani yet long 50 pesen sea bilong tupela yet. Dispela em long step 1 projek we ol bai kisim ol samting bilong wokim simen i go long Lae na wokim simen.

I no gat wanpela toktok bilong step 2 projek i stap long dispela namba wan projek. Tasol sapos gavman i ken kamap wantaim sampela mani, em bai ol i ken toktok gen long dispela toktok o hevi bilong husat lain bai kisim sea.

Gavman i bin sainim pinis K22 milien na PNG Halla Cement tu



• Ol wokman bilong WTK Realty Logging long Vanimo i katim ol nogut diwai long salim.

i mekim wankain long dispela step 2 projek long mekim em i stat hariap.

Gavman i bin kisim toksave long Wol Beng long i no ken kisim wanpela sea insait long step 2 projek ya.

Eria long Finsafen em bikpela hap tru bilong kisim laimston. Em i karamapim olsem 200 kilomita long nambis i go long Saido long Madang provins.

Long ol arapela eria we ol wok painimaut i luksave olsem i gat laimston long en em Wau long Morobe provins yet na tu long Suave long Simbu provins.

Mista Chang na Mista Maring i tok bikpela samting long lukluk long en taim ol i makim wanem hap eria bilong statim step 2 projek em long skelim operesen na konstraksen kos. Amas mani bai ol i

lusim long statim dispela projek na tu ol bai lukluk long amas kapital i stap redi long yusim long mekim wok wantaim.

Tupela i tok bisnis bilong wokim simen em hevi na bikpela samting olsem na ol i mas skelim na lukluk tu long rot bilong karim ol simen i go.

Tupela i tok planti simen maining i save stap klostu long nambis olsem na i save isi long sip i karim i go.

Tasol tupela i tok moa olsem insait long Papua Niugini yet em mipela i no save yusim tumas simen olsem ol arapela kantri.

Lae Halla Cement i save wokim olsem 600,000 ton simen tasol na PNG yet i save yusim olsem 100,000 ton. Arapela 500,000 em ol i save salim i go long ol Pasifik kantri, Nu Silan na Filipin.

Amanab timba projek bai go het

WOK rere na saining bilong K1120,000 hekta fores eria bilong kisim na katim timba bilong Amanab timba insait long boda eria bilong Sandaun provins i stat pinis long las wik.

Long 19 de bilong mun Mas, 1996, komiti go pas long wok bilong Amanab timba, i bin go raun long wanwan timba eria olsem Amanab lokal, Kwomtari, Utai na Imonda.

Moa long 300 pipel i bin bung long kisim tok klia long dispela wok divelopmen we bai kamap long eria. Ol pipel i putim sampela askim na save gut long dispela kain wok.

Namba tu siaman bilong Amanab timba, Markus Wini i amamas tru long gutpela sapot na wok bung namel long ol bikman bilong Nesanel Fores opis, ol sios grup, ol papagraun na Sandaun Provinsal Gavman.

STAN RANGA i raitim

Bikpela opisal saining bilong Fores Menesmen Atoriti i bin kamap long las wik Fraide, namba 22 de bilong mun Epril, 1996. Mista Wini i tok wanpela grup bilong Sandaun gavana John Tekwie i bin witesim dispela saining bilong Fores Menesmen Atoriti. Dispela tokorait o agrimen i stap namel long gavman bilong Sandaun, ol papagraun na mausman wantaim Nesanel Fores Atoriti.

Ol bikman husat i bin witesim ol saining pepa bilong go hetim wok em Joe Badip bilong Nesanel Fores opis, Provinsal Fores opis Willie Au, mausman bilong ol Non Gavman Ogenaisesen grup em James Wauwau, PFMC mausman long Vanimo James Paniau na mausman bilong ol wanwan lotu olsem Katolik, Asembli of God, CBC na Foa Skwe i bin stap.

Wau LLGK kisim K84,000 aninit long viles sevis gren


WAU Lokol Levol Gavman Kaunsil insait long Morobe provins i kisim pinis K84,498 aninit long wanpela program bilong gavman ol i kolim viles sevis gren. Dispela mani gavman i givim, Wau Lokol Levol Gavman Kaunsil bai yusim long karim aut ol wok long helpim ol pipel.

Gavman i givim dispela mani (K84,498) long tupela hap-wanpela hap i bilong karim aut sosel sevis wok na arapela hap em long karim aut ol infrastraksa wok na sevis.


Mak bilong mani gavman i givim long Wau Lokol Levol Gavman Kaunsil long dispela yia aninit long viles sevis gren i winim mak bilong mani gavman i givim long 1994 na 1995.

Ol wok na mak bilong mani Wau Lokol Levol Gavman Kaunsil bai yusim long mekim wok long helpim ol pipel em long sait bilong sosel sevis, K15,000 bai go long edministresen wok, K9,083 bai go long (edukesen) haus tisa long Samuna komyuniti skul, K9,083 bai go long (helt) haus bilong etpos odali (APO) na arapela K9,083 bai go long haus bilong etpos odali long Kaisenik komyuniti skul.

Long sait bilong provaidim ol infrastraksa sevis, Wau Lokol Levol Gavman Kaunsil bai spenim K1,306 long Winima viles wara saplai, K5,782 long Kaisenik viles wara saplai, K7,426 long Nemnem wara saplai, K3000 long Wandumi wara saplai na K950 bai go long Ono kompaun wara teng.



“GUTPELA KLAU”



I STAP LONG OLGETA NABAWAN RITEL NA HOLSEL STUA LONG PAPUA NIUGINI

PNG LAIPSTAIL

Stori bilong porgivim, kamapim belisi pasin na gutpela sindaun

Dispela stori i bilong wanpela tok piksa bilong Afrika long pasin bilong pogivim, kamapim belisi pasin na gutpela sindaun. Long Tok Inglis ol i save kolim long 'Reconciliation and Peace'.

Planti wankain stori olsem dispela i kamap pinis long ol buk we ol man i raitim kamap. Tasol nau dispela stori i bin kamap long Ruwanda, wanpela kantri long Afrika, we i gat pait namel long ol tupela grup long kantri ol i kolim long Tutsi na Hutu. Planti pipel i dai pinis na kisim taim yet long dispela bikepla pait.

Pasin bilong kamapim pogivim, kamapim belisi pasin na gutpela sindaun em i bikpela samting nau long stre-tim sindaun na dispela bikpela pait long Bogenvil ailan. Olsem long mipela hia long Papua Niugini tu i ken lain-im sampela samting long en, maski as bilong pait long Ruwanda na long Bogenvil i no long wankain.

WANPELA boi na meri i bin groap long saut is bilong kantri Ruwanda long Afrika. Nem bilong meri em Delphina Butera. Em i wanpela naispela stail yangpela meri tru, husat i kam long wanpela ris o mani famili long ol hauslain bilong Tutsi wanpisiin. Famili bilong em i bin gat planti samting na ol animel bilong givim susu na mit olsem ol kau.

Daniel Kukuse em i wanpela smatpela yangpela man husat tu i kam long wanpela ris Hutu wanpisiin famili. Famili bilong Daniel i bin papa long sampela ol stoa long taun.

Delphina na Daniel i bin save long wanpela arapela na kamap poroman long hai skul, harim musik, na tu laik bilong tupela long kisim gutpela save long hai skul na bihain skruim save long yunivesit bilong ol long Kigali. Tasol wanpela samting we i stap namel na kamapim hevi long tupela em famili bilong tupela yangpela em ol i birua na ol i no laikim wanpela na narapela.

Butera famili i lukim ol yet olsem wanpela royel famili we ol i ken luksave long ol bikman bubu bilong ol bilong bipo yet. Na ol i save lukim ol Hutu wanpisiin olsem ol sevan o wokboi nating bilong ol. Na papamama bilong Delphina i bin stapim pikinini meri bilong ol long noken moa poro-manim Daniel. Bikos ol i lukim olsem Delphina i no inap long pikinini man bilong ol.

Orait, Kukuse famili tu i les long ol lain Hutu i bosim ol tumas. Tasol long dispela famili yet, hatwok bilong ol long planti yia i mekim na sindaun bilong ol i kamap gutpela na ol i gat planti samting tu long inapim laik, sindaun na laip bilong ol. Ol i makim planti Hutu famili long Rwanda husat nau ik en sanap strong long rait bilong ol. Mista Kukuse, papa bilong Delphina i tokim Daniel long noken moa lukim Delphina. Bikos long belhevi we dispela prensip bilong tupela i ken kamapim. Tasol maski long ol dispela rot long banisim ol, tupela yangpela pipel i hait na go hetim prensip bilong ol we nau i kamap strong moa yet.

Dispela stori bilong tupela yangpela i kamap nau long Ruwanda em i no nupela samting. Em i givim tok piksa long bel

nogut, belkros na pait we i stap namel long tupela wanpisiin insait long Ruwanda em long Tutsi na Hutu long planti yia nau. Long bipo yet i kam inap long nau, pait namel long ol Tutsi na Hutu wanpisiin i go het yet. Na bagarapim laip na sindaun bilong planti lain bilong tupela wanpisiin ya.

Tasol long tupela yangpela, Delphina na Daniel, laip na prensip bilong tupela i bin go het, maski ol papamama bilong tupela i egensim.

Tupela Delphina na Daniel i greduet long hai skul na bihain ol i bin go long yunivesiti long Kigali long go hetim skul bilong ol. Ol i pren yet na skul. Bikpela tingting bilong ol long bihain taim em long pinisim gut skul bilong tupela, kamap olsem tisa na bihain tupela ken marit.

Tasol bikpela pait i kamap long Kigali bihain long presiden bilong Ruwanda na Burundi i bin dai. Dispela em long taim balus we ol i bin stap long en i bin kres klostu long Kigali ples balus long Epril 1994. Stat long dispela taim nau, pait long Ruwanda i go nogut olgeta long taim ami gavman long Ruwanda i tekova bihain long dai bilong lidaman long kantri bilong ol. Na ami i kilim indai nating planti ol Tutsi na Hutu wanpisiin wantaim.

Kigali siti na yunivesit em i kamap ples bilong pait. Ol soldia i go long yunivesiti na ol i kisim ol lain Tutsi long kilim ol. Tasol Delphina i bin kamaut long windo na ranawe lusim yunivesiti long taim ol soldia i stat long sut i go long haus slip bilong ol. Em na ol sampelaporoman i bin kalap long wanpela ka i go olsem long provins bilong em long Kibungo.

Daniel i bin stap long narapela hap bilong yunivesit long taim pait i go bikpela long skul eria. Taim em i painim Delphina, em i painimaut olsem meri ya i ranawe i go long ples bilong em long Kibungo. Na em i wari nogut tru nau.

Kwikitaim tru, em i painim rot bilong em na go bek long Kibungo na painimaut olsem ol soldia i bin kilim inai famili bilong Delphina. Na meri ya i ranawe na go hait long bus. Tasol em i hat tu long Daniel long painim Delphina. Bikos em i save olsem long kros pait namel long tupela wanpisiin, ol lain Tutsi bai lukim em olsem



Daniel i bekim olsem, "laip bai i no inap isi tasol yumi bai i soim ol pipel olsem pasin bilong kamapim belisi, sekan na gutpela sindaun (peace and reconciliation) inap kamapim tru dispela samting, na ol lain Hutu na Tutsi i ken stap gut long wok na amamas wantaim".

birua. Wanem samting Daniel i mekim nau long taim yunivesit i pas em long stap wantaim famili bilong em na wetim long harim sampela nius long Delphina. Long wankain taim, Delphina i krosim boda na wokabout long tripela de i go long narapela kantri em Tansania. Em i sori long lusim Ruwanda na Daniel. Tasol wanem samting bai em mekim long kain taim.

Pait namel long Tusi na Hutu wanpisiin i go het na kamap strong long Kigali. Long wanpela nait, ol Tutsi ami i bruk i go insait long kompaun bilong famili bilong Daniel, na bungim ol planti lain Hutu pipel wantaim i go long wanpela haus lotu klostu na kilim olgeta indai. Daniel i lukim ol ami i kilim indai papamama, brata na ol susa bilong em. Na em i ranawe long sait dua bilong sios i go long bus. Bikpela sori i kisim em bikos em i lusim famili bilong em, Delphina na em yet i wok long ranawe nau.

Daniel i ranawe i go olsem long Tansania na wantaim planti arapela manmeri na pikinini husat i ranawe lusim Ruwanda. Na ranawe i go long Benako refuji

kem. Kem nau i gat moa long 400 tausen refuji bilong Ruwanda long en. Insait long dispela kem tu, sindaun bilong tupela wanpisiin long Hutu na Tutsi i no gutpela. Bihain long planti wok painimaut, Daniel i painim Delphina na tupela i amamas nogut tru.

Tupela i stori long ol hevi tupela i bungim, krai wantaim na stap amamas. Tasol tupela save lukaut gut tru. Bikos nogut ol lain Tutsi i luksave long Daniel na moa hevi i ken kamap.

Taim Benako kem i pulap, planti refuji trense i go long ol arapela kem. Delphina i go long kem bilong ol Tutsi long Burigi. Nan Daniel i go long Hutu kem long narapela ples ol i kolim long Rumasi. Tasol tupela yangpela i tok promis olsem wanem samting i kamap, tupela i no inap lusim wanpela na narapela.

Tupela i go hetim prensip bilong tupela long ol pas we ol i raitim long wanpela arapela. Na tu tupela i givim toktok long mesenja bilong ol rilif o helpim ejensi.

Taim pait long Ruwanda i pinis na nupela gavman i tekova long Kigali, ol i strongim ol refuji bilong

Rwanda husat i bin ranawe i go long Tansania long go bek long ples bilong ol.

Ol Tutsi i go bek long ples, tasol planti ol Hutu i pret yet. Delphina i no bin laik go bek long Ruwanda em yet. Taim em i skelim ol samting, em i gat strongpela tingting olsem em bai no inap lukim Daniel sapos em i go bek long Ruwanda. Long nau, bikpela tingting bilong Delphina em i stap long Daniel. Tasol tupela i no inap lukim wanpela na narapela. Olsem na tupela i wet tasol i stap.

Bikos planti lain Tutsi i go bek long Ruwanda na Burigi refuji kem i pas nau, Delphina i no inap long go long kem bilong lukim Daniel. Tasol ol i painimaut olsem wanpela nupela kem long Marengero i op we i kisim ol miks hauslain bilong Tutsi na Hutu famili i stap long en. Dispela em ol miks marit lain namel long tupela hauslain. Delphina na Daniel i strong nau long tupela i mas stap wantaim.

Olsem na tupela i kisim tokorait long go stap wantaim long Marengero kem. Tupela i stap nau wantaim ol pren bilong tupela inap taim tupela i redi long marit. Maski planti long ol dispela pren i givim strongpela tok lukaut olsem tupela bai bungim bikpela hevi long laip na sindaun bilong tupela. Bikos planti nupela miks marit namel long tupela wanpisiin i i bungim kankain hevi. Tasol Daniel na pren bilong em i no givap.

Tupela marit i painimaut olsem laip na sindaun long refuji kem i no gutpela. Tasol wanem samting bai kamap long bihain taim bilong tupela. Dispela em ol kwesten we tupela yet i askim, glasim na skelim.

Nau yet planti moa refuji i wok long go bek long Ruwanda. Tasol planti long ol lain miks marit i no pilim seif long go bek. Long tupela, Delphina na Daniel, tupela i gat strongpela tingting long statim nupela laip wantaim. Ol bin harim olsem olgeta samting long ples bilong ol long Kibungo i bagarap. Tasol Kigali yunivesiti i op bek pinis long kisim ol studen. Tupela i tingting planti sapos tupela bai go bek long skul na inapim driman bilong tupela o? Na strongim tingting long go bek long Ruwanda.

Isi isi tupela i go bek na long taim ol i kamap long Rusomo bris we i stap long boda bilong Tansania na Ruwanda, tupela i lukluk i go long ol maunten na gras i sain long hap sait bilong Ruwanda. Na Delphina i amamas na singaut olsem, "em nau ples bilong yumi we yumi ken stat long bildim laip bilong yumi." Na Daniel i bekim olsem, "laip bai i no inap isi tasol yumi bai i soim ol pipel olsem pasin bilong kamapim belisi, sekan na gutpela sindaun (peace and reconciliation) inap kamapim tru dispela samting, na ol lain Hutu na Tutsi i ken stap gut long wok na amamas wantaim". *Stori i kam long World Mission mesesin*

LEO WAFIWA i raitim

LONG dispela wik Tunde, Epril 9, wanpela redpela ka klostu i pamim wanpela meri hailans long rot bung klostu beksait long Godons plis stesin long Mosbi siti.

Dispela birua klostu i kamap long samting olsem 30 minit i lusim 7 klok moning.

Draiva wantaim meri bilong em i ron i go olsem long Erima. Sampela ka i kam olsem long Erima i stap long rot bung. Na wet long go insait olsem long plis stesin.

Orait meri hailans ya, husat mas i gat samting olsem 27 krismas i krosim rot i kam namel long ol ka na laik krosim hapsait bilong rot tu. Em i no lukluk i go long sait sait pastaim. Nogat. Em lukluk i go long beksait na laik krosim hapsait bilong rot. Tupela man meri ya i kam wantaim i go pinis hapsait long rot na wet i stap.

Meri ya kamap stret long namel bilong hapsait rot (lane) na redpela ka i stap samting olsem 7-pela mita longwe long em. Redpela ka i ron long spit bilong samting olsem 60 kilomita long wanpela aua.

Kwiktaim draiva bilong ka ya tromoi wil bilong ka i go long lephan sait bilong rot na meri ya i no indai. Nogat bai ka i pamim na flaim meri ya i go pundaun, na em bai indai.

Na tu laki na nogat ka i kisim lephan sait bilong rot i kam olsem long plis stesin long go long Erima. Sapos i gat ka, redpela ka bai ating i pamim wanpela ka, bikos em i laik abrusim dispela meri hailans.

Tupela poroman bilong meri ya sanap holim pasim win taim wantok meri i sanap namel long rot, na redpela ka i kamap klostu pinis long em. Lewa bilong tupela poroman ya i mas pas pinis.

Na tu lewa bilong ol draiva husat i stapim ka long draiv i go olsem long plis stesin sait i pas tu ya. Wanpela i putim han long brot bilong em na kisim strongpela win stret long sem taim.

Draiva bilong redpela ka stapim ka bihain long em swingim ka i go bek long rot. Meri bilong em pusim het i go ausait na hatim dispela hailans meri: Hei yu longlong meri! Yu sekim ka long sait sait tu na krosim ah? Man liklik taim ka i pamim yu ya!"

Meri hailans ya i sanap hapsait long rot na bikmaus gen i kam long meri bilong draiva long redpela ka: Wanem! Yu no inap lukluk gut na draiv a?

Draiva bilong redpela ka i harim olsem na bel kaskas olgeta. Em opim dua i go ausait na bikmaus stret long dispela meri hailans: "Hei! Yu wanpela stupid longlong meri stret ya. Yu inap pinis ya. Yu noken toktok. Yu mas harim tasol, pasim maus na wokabout i go.


Tasol meri hailans i bikmaus yet na meri bilong draiva i tokim tupela poroman bilong meri ya: "Hei tupela, tupela lukim, em rong bilong meri ya." Na wanpela bilong dispela tupela man i harim olsem na wokim sain long het olsem em i tru, wantok meri bilong em i rong. Kwiktaim em tokim wantok meri: Kam mipela go ya. Em rong bilong yu ya. Man liklik taim yu indai pinis.

Tasol meri ya sanap na bikmaus yet long draiva.

Dispela draiva i painim hat stret long bilip long pasin na toktok bilong meri ya. Dispela i mekim draiva i bel kaskas olgeta long meri ya. Draiva i laik go stret na givim bikipela bagarap long meri ya.

Tasol em holimpasim belhat bilong em bikmaus i go long meri ya. Em poinim han wantaim long meri ya: "Yu wanpela stupid longlong meri stret ya. Yu harim, bikos long asua bilong yu tasol, na klostu

I no asua bilong yu, tasol yu ken baim kompensesen



long han bilong ol long kisim mani. Na sindaun nating long fatpela as bilong mipela na laikim fri mani.

Narapela gutpela piksa em long birua bilong kilim dog, pik o ol arapela abus long rot em ol pipel i lukautim. Maski draiva i ronim ka bilong em yet o bilong gavman o kampani i ron isi na pamim wanpela pig o dog long rot, sore tumas draiva bai kisim taim.

Long ol rot i go namel long ol ples, planti pig i save krosim rot na wokabout i go long hapsait bilong ples. Na ka o PMV i ken krungutim. Papa bilong abus i save o i no save olsem lo i tok kain abus i mas stap long banis. Sapos abus i no stap long banis na bagarapim gaden, manmeri o pikinini o ka i krungutim, em i rong bilong papa bilong abus.

Maski papa bilong abus i save long dispela, em bai toktok strong yet long draiva i baim kompensesen.

Sapos draiva i wok na draivim wanpela kampani o gavman ka, dispela bai strongim moa askim bilong kompensesen. Papa bilong abus i save olsem gavman o kampani ken baim em moa mani sapos askim bilong em i karim kaikai.

Long Tabubil, wankain samting i bin kamap long sampela ya i go pinis. Bikipela trak bilong Ok Tedi Maining Limited (OTML) i pamim wanpela dog bilong ol papagraun, husat i stap klostu tasol long bikipela rot i go long main eria.

Ol papagraun i save olsem planti bikipela trak save ron i go i kam klostu long mekim wok. Olsem na ol i mas lukautim ol abus sapos ol i stap klostu long rot. Tasol ol i no lukautim na dog i givim kaikai long wanpela trak.

Papagraun ya bungim ol wantok na arapela papagraun na askim long kompensesen mani, we i no winim wan tausen kina (K1,000). Kampani pilim olsem i no rong bilong ol. Na i les long baim o i gat planti wok tumas na i no lukluk hariap long dispela.

Ol papagraun bel kaskas na pasim rot i go long main eria. Mekim na kampani i stap wok long sampela de. Bikos long kampani i stap wok, em i lusim planti milien kina. Ating sapos ol saveman bilong OTML i gat tingting, ol i ken baim dispela rabis liklik kompensesen mani, na bai i no inap lusim bikipela milien kina long bisnis wok bilong ol.

Tru tumas rot i no bilong ol trak na ka tasol. Nogat. Em rot bilong ol manmeri na pikinini tu long wokabout long en. Tasol i gat rul o lo i lukautim wokabout bilong mipela o we bilong yusim ol dispela rot. Olsem na mipela mas yusim ol dispela rul long gutpela bilong mipela, na tu bilong ol arapela brata susa bilong mipela.

Plis, traim na pusim sampela gutpela tingting i go insait long dispela strongpela het bilong mipela long skelim ol samting o hevi, na bihain opim nating bikipela maus bilong mipela.

mi pamim yu. Na yu indai pinis. Na bihain bai ol wantok bilong yu kam krai long kompensesen mani we i no asua bilong mi. Maski pasim maus bilong yu na go."

Draiva tok olsem na statim ensin bilong ka na go.

Long ai bilong olgeta arapela draiva, pasindia, ol manmeri na pikinini husat i wokabout na witenim dispela stori, em i asua bilong dispela meri hailans.

Ol toktok draiva wantaim meri bilong em i tromoi i go long meri hailans ya i gutpela long skelim.

Meri ya i kam ausait tasol namel long ol ka we i stap long kam i go olsem long Godons plis stesin, na krosim rot olsem wanpela 'ain meri' stret.

Dispela meri hailans i luk olsem i no waswas taim em i kirap long bed. Tupela wantok bilong em tasol i kirap long bed.

Ating sapos meri hailans ya i waswas, ai na tingting bilong em bai klia. Na em bai tingting na wokabout gut we dispela stori i no inap long kamap. Na tu husat i save, nogut meri ya i salim buai long tudak i go inap klostu long moning na em slip liklik taim tasol. Olsem na het na tingting bilong em i paul yet. Na klostu em salim laip bilong em long asua bilong em yet.

Dispela i no namba wan taim bilong kain birua i kamap long Mosbi siti, na ol arapela senta bilong Papua Niugini.

Ol manmeri long Mosbi na ol arapela biknem senta husat save lukim Kwintens Televisen o QTV bai save long wanpela edvetismen we i save kamap long lukautim ol skul pikinini.

Edvetismen i soim wanpela bikipela skul bas i lusim tupela skul pikinini. Bas i stap yet na tupela pikinini kalap i go long baksait bilong bas, na laik krosim rot.

Ol ka husat i bihainim skul bas ya i kam long baksait bai lukim tupela pikinini ya i laik krosim rot. Na ol i ken stap. Tasol ol ka i kam long narapela daireksen bilong rot, bai i no inap save. Ol bai kalap nogut na pamim stret tupela pikinini ya.

Dispela em wanpela gutpela edvetismen we i skulim ol pikinini na papamama long sefti bilong ol pikinini long go skul na go bek long haus.

Orait dispela stori long Godons i wankain stret. Draiva bilong redpela ka i no inap lukim meri ya i kam aut namel long ol ka i lainlain long go long Godons plis stesin sait. Em i kalap nogut tru.

Sapos meri hailans i laik krosim rot long fran bilong ka i stap long

fran, ating draiva bilong redpela ka i ken lukim em. Na tu meri ya i no inap long bungim birua.

Tasol hap toktok bilong draiva long kompensesen i gutpela long skelim. Tru i gat bikipela bilip olsem sapos em i pamim na meri ya indai, wantok na famili bilong meri ya bai pretim laip bilong em na famili bilong em. Na tu bai askim long draiva i baim kompensesen.

Tasol bikipela askim em rong i bilong husat tru. Draiva poinim han long meri ya na bikmaus olsem: "Yu wanpela stupid longlong meri stret ya. Yu harim, bikos long asua bilong yu tasol, na klostu mi pamim yu. Na yu indai pinis. Na bihain bai ol wantok bilong yu kam krai long kompensesen mani we i no asua bilong mi. Maski pasim maus bilong yu na go."

Maski tupela poroman o wantok bilong meri i luksave olsem wantok meri bilong tupela i rong, tasol sapos ka i pamim meri ya, ating tupela bai senisim tingting na painim eskus long sutim tok long draiva.

Dispela kain pasin nogut i bikipela tru long olgeta hap bilong Papua Niugini.

Mipela i laik kisim kompensesen long kankain rot, maski em i asua bilong ol na birua o trabel i kamap. Long wanem mipela i les long wok

Famili mas gat ka long Mosbi

LONG kain hap olsem Mosbi, bikpela samting em yu mas gat wanpela ka.

Em i tru olsem ol pablik trenspot olsem ol PMV bas na tekse sevis i stap. Tekse em i kos moa mani. PMV bas i save wok long de taim tasol, na nait nogat.

Bikpela as bilong wanpela famili mas i gat ka em long go kam long haus sik long nait. Na tu long go kam long baim kaikai long ol stua, go limlimbur raun long siti long lukim ol poroman, wanwok o wantok, na mekim sampela praiwet wok.

Oi famili i nogat ka, em PMV bas i stap. Tasol bikpela samting em ol PMV bas ya i wok long de taim tasol. Na i gutpela long ol liklik famili. Oi bikpela famili bai painim hat long pulim longpela lain na kalap isi isi long bas.

Na tu em i no gutpela tumas long ron long ol PMV bas long Mosbi siti. Long wanem sampela draiva bilong ol bas ya save givim sisti nating olsem i nogat arapela ka long rot.

Planti manmeri o famili i tingim dispela na baim ol seken hen ka bilong yusim.

Bata mi tingim dispela na baim dispela pipia ka, Samson Vai bilong Kerema long Galp provins i mekim dispela toktok. Em i tok ol famili noken tingting planti long baim nupela ka stret. Wanpela pipia seken hen ka we i ken kisim yu long poin A i go kamap long poin B em bikpela samting.

Samson i tok papamama bilong em i kam nau tasol long ples, na i stap nau wantaim em. Em bai salim tupela i go bek. Na wantaim dispela ka em i kisim long las krismas, em i pilim isi tru long kisim tupela raun long ol hap olsem Mosbi taun, Ela Bis, Sogeri na Bomana we papamama i lukim ol ples em tupela i harim nem tasol. Bata em i gutpela long gat wanpela seken hen ka. Tasol mipela mas tingim tu olsem ka bai mas gat liklik asua yet long ensin, we yu mas tromoi sampela mani long stretim. Tasol bikpela samting em wanpela famili mas gat ka long go kam long wok, raun long wiken, na bikpela samting em long go kam long haus sik long nait, Samson husat i gat tripela pikinini man i tok olsem. Tasol sampela pipel i no luk-save olsem kos bilong lukautim ka em wanpela hevi we papa bilong ka i mas stretim.

Samson i tok planti taim ol wantok, famili o poroman wantaim wanwok i save askim em long yusim ka long mekim wok bilong ol. Em i tok ol wantok bai yusim ka kam lusim na i no save olsem sapos i gat bagarap long ka, papa bilong ka tasol bai wari long en. Dispela em wanpela samting we i mekim Samson i save bel kaskas liklik long sampela taim. Bikpela samting em Samson i save wari em sapos ol wantok o wanwok i draivim gut ka. Bikos nogut ol i pam wantaim narapela ka, na dispela bai givim moa hevi stret long em.

Las lsta wiken long Sarere apinun, wanpela man na wantaim meri bilong em, William Sua na Margaret bilong Hula long Sentrel provins i kisim bebi bilong tupela i go long bikpela Mosbi haus sik. Skin bilong bebi i gat sampela sua we i mekim skin bilong bebi i hot. Na bebi i save kraik tumas.

Tupela wasim bebi long kol wari planti taim long dispela de. Tasol kol wari i no helpim. Olsem na tupela kisim PMV



□ **Mama ya wantaim ol pikinini bilong em i kalap long PMV bas long Boroko bas stap.**

bas long Gerehu, we tupela i stap long en na kamap long Mosbi haus sik.

Oi PMV bas i stap wok long 6 klok apinun. Na bikpela tingting o wari bilong tupela em long rot bilong go bek long haus. Gerehu i stap longwe tru long Mosbi haus sik. Olsem na long kisim tekse, em bai kos moa long K20.

Long wiken, kainkain birua i save kamap. Olsem na lmejensi na Eksiden seksen bilong Mosbi haus sik i save pulap stret long kain kain sik manmeri na pikinini.

Sampela em ol man i paitim o plis i sutim na bai kamap long kisim sut marasin.

William na Margaret i no tingting tumas long rot bilong go bek long haus. Bikpela wari bilong tupela em long bebi bilong tupela i mas kisim sut marasin. Taim tupela i kamap long imejensi seksen bilong haus sik, tupela putim kat bilong bebi long hap ol sista na dokta bai kisim na kolim nem pastaim, na bihain sekim bebi. Trangu tupela wet moa long tupela aua samting bipo wanpela sista i kolim nem bilong bebi bilong tupela. Dispela em long samting olsem 8 klok nait. Bipo sista i tokim tupela olsem tupela i mas wet liklik moa long wanpela dokta em ol i rongim pinis long kam sekim gut bebi bilong tupela.

Taim William na Margaret sindaun wet i stap, tupela lukim kainkain birua i kamap long haus sik long kisim sut marasin. Wanpela bikman em ol dokta i tok sampela plisman i sutim bikos ol i laik stil long Manu Auto Bod sevis stesin. Dispela man i save stap long Vadavada setelmen na i gat tupela pikinini.

Bihain dokta i kamap na sekim bebi bilong tupela. Taim tupela i lusim haus sik em 30 minit i lusim 10 klok nait. William kam aut long bikrot na sanap lukluk long ol ka sapos nogut wanpela wantok, poroman o save lain i kamap long helpim em. Bihain long wanpela aua, nogat wanpela ka i save long em.

Em wokabaut i go bek long meri na pikinini bilong em husat i sindaun i stap insait long haus sik. William i gat wanpela ka. Tasol em bin spak na pamim. Olgeta taim Margaret bai krosim em long stretim kwik dispela ka. Bikos Margaret i lukim olsem ka em bikpela samting bilong helpim sindaun bilong tupela long kain bikpela siti olsem Mosbi.

Ka em i bikpela samting long lukautim famili long go kam long kainkain hap. Tasol



□ **Oi skol pikinini i sanap wet long kisim PMV bas long go long skol.**

kos bilong lukautim na ronim ka em i bikpela tru. Willie Vaire em wanpela mekanik hia long Mosbi, na i hap blut bilong ls Sepik na Mekeo long Sentrel provins.

Em i tokim *Wantok* olsem em i gat wanpela nupela Zuzuki ka long bipo. Tasol ol poroman bilong em i kisim i go na pamim. Em i tok ol poroman i tok long go tasol long stua na kam bek, bihain long ol i kisim ka long em long em long belo taim. Em sindaun wet i go na lukim olsem ol poroman i no kam bek inap neks moning em sekim long Boroko plis stesin, na painimaut olsem ol poroman i spak nogut tru na pamim ka bilong em. Nau yet Willie i gat wanpela nupela Mazda ka. Na em bin promis olsem em i no inap givim dispela ka long wanpela poroman, wantok, famili o tambu bilong em, maski ol tambu bilong em tu.

Willie tok em i lainim pinis skol bilong em. Olsem na em i no inap givim ka bilong em moa long wanpela lain. Bikos taim namba wan ka i bagarap, em wantaim meri na foapela pikinini i bin kisim hat taim stret. Dispela em long go kam long ol stua long baim kaikai, na karim i go bek long haus, kisim pikinini i go i kam long haus sik, ketsim PMV bas long olgeta de na wiken, na em lusim planti poroman we em i nogat ka long go kam na lukim ol. Nau yupela kam bek na askim mi long ka, sore tumas bai yupela kisim taim na go bek, Willie i tok, plis putim long nuspepa bai ol poroman, wantok, famili na tambu i lukim na noken kam bek askim mi moa long ka. Nau em het bilong mi

olsem ston ya.

Tru kain pasin bilong Willie nau em planti manmeri long siti husat i gat ka i laik bihainim nau. Leo Wafiwa i bilong ls Sepik provins, husat i gat wanpela redpela ka. Em i tokim *Wantok* olsem em save bungim hevi bilong ol manmeri i askim long yusim ka bilong em. Na em i wanpela man husat i save painim hai long tok nogut long ol lain. Olsem na em save givim tasol ki bilong ka long ol i yusim.

Em i tok las ya em bin kisim balus long go long Yunaited Kingdom long skol. Em kisim balus long Jacksons ples balus long 30 minit i lusim wan klok apinun.

Bikpela wari bilong mi em long ka we Misis bai lukautim gut o nogat. Bikos mi save olsem ol poroman bai kam askim em long yusim ka. Na misis em i wankain meri olsem mi we em bai givim ki isi tasol. Tingting bilong Leo i no go rong. Em kisim balus na long 6 klok nait long sem de, ol liklik brata na tambu i pamim bek-sait bilong ka bilong em taim tupela i laik rives. Leo kam bek long Yunaited Kingdom na namba wan samting em i sekim em ka bilong em. Em save pinis olsem planti samting insait long ka i bagarap olsem ensin na brek.

Leo i nogat toktok. Em pasim tasol olgeta bel kros na tingting bilong em. Na tu em i no man bilong kros. Olsem na liklik tambu wantaim brata bilong em i orait. Tasol olgeta belhat em Leo i rausim long meri bilong em, husat i bin promis long lukautim ka tasol nogat.



■ **Kanage wantaim pikinini bilong em i limlimbur long ples Meni long Wewak taun, ls Sepik provins. Pikinini bilong Kanage i karim liklik pusi bilong em wantaim na tupela raun.**

Oi bihainim haus lain i kam na sem taim stret Kanage rausim bikpela kapupu. Pikinini i kirap nogut na ting olsem pikinini pusi i wisil. Na kwiktait em tokim papa olsem, "papa! papa! Yu harim tu! Pusi bilong mi i wisil ya!"

Kanage i no wanbel long toktok bilong pikinini. Em tanim na tokim pikinini bilong em, "yu pasim maus, yu mas paul ya!"

Nogat tru, pikinini strong olgeta na tok, "papa yu giman ya, em pusi bilong mi i wisil ya!" Pikinini toktok olsem na stat nau long straik long papa bilong em, Kanage.

Isi tasol Kanage pendaun na toktok isi long yau bilong pikinini na tokim em olsem, "em mi kapupu ya, i no pusi i wisil." Em nau pikinini i stap long bikhet long papa bilong em.

Willie Anton WEWAK

□ **Stail mangi ya Kanage wantaim ol boi bilong em long Kubalia i go painim danis long Yangoru insait long ls Sepik provins. Taim ol i kamap long ples bilong danis, ol i painimaut olsem i nogat danis.**

Ples i tudak pinis na ol i painim hat long go bek long ples bilong ol. Mekim nogat na ol i lukim papa bilong wanpela PMV ka, nem bilong em, Ali. Ali i tokorait na Kanage wantaim ol boi bilong em i slip long PMV trak bilong em. Na moning bai ol i go bek long ples bilong ol.

Oi slip i stap na wanpela boi bilong kanage i pilim kapupu. Kwiktait boi ya putim han long as o hul pekpek bilong em. Taim em i kapupu, isi isi tasol em putim han i go insait na kam ausait long hul pekpek bilong em.

Mekim na kraik bilong kapupu i narakain stret olsem wanpela ka i laik stat na tekov.

Kanage harim na ting olsem papa bilong PMV trak i statim ensin bilong trak bilong em. Kwiktait em kirap bikos em ting olsem em tulait pinis. Trangu Kanage kirap lukim tudak yet na ol boi i lap nogut tru long em.

Kibbuty Orokos WEWAK

■ **Kanage em i bilong wanpela ples long PS Kantri ol i kolim long Kubalia. Na niknem bilong em ol i kolim long Barike. Bikos Kanage em i boi bilong feveretim Barike Ben bilong Rabaul.**

Tambu meri bilong Kanage i bilong wanpela ailan long Wewak yet. Tambu meri i kamap long ples na askim Kanage long go wantaim em long ailan. Na stap wanpela wik na bihain kam bek.

Yu save Kanage em maunten boi ya. Oi i stap long Wewak bris na Kanage askim liklik tambu meri bilong em olsem, "tambu meri mi pret ya. Sapos yumi go long namel na bot i kapsait bai olsem wanem? Mi boi bilong bus ya, mi no save swim long long bikpela wara. Ol liklik baret wara tasol em mi save swim." Orait liklik tambu meri i painim hat tru long tokim Kanage long we bilong swim. Tasol em kirap na tok olsem, "sapos bot i kapsait na yu go daun long solwara, noken tru larim het bilong yu i go daun olgeta long solwara. Yu mas go daun na kam antap. Na taim het i stap antap, olgeta han na lek i mas wok wantaim. Em bilonghelpim yu bai yu kam long nambis. Long nambis nau yu ken malolo na kisim win."

Kanage ya. Em Tok Pisin mangi tu ya. Hau bai yu save sapos em i save pinis long swim. Em giman tromoi toktok tasol long harim Tok Pisin bilong liklik tambu meri ya.

Willie Anton WEWAK

□ **Kanage save indai stret long wanpela kum katim meri long ples bilong em. Em askim meri ya long prenim em, tasol meri ya save semim em stret.**

Pes bilong dispela meri i olsem wanpela angelo stret. Taim Kanage i lukim pes bilong meri ya i smail, em save waia lus olgeta.

Mekim nogat na wanpela taim Kanage i go hait arere long haus bilong meri ya, na stilim wanpela doti siket bilong meri ya. Kanage karim dispela siket i go na putim long haus bilong em i stap.

Olgeta nait taim em i laik slip, em save supim long siket bilong meri ya na save slip. Na save holimpasim meri ya long tingting tasol.

Yu save Kanage em i wanpela hap man tu. Sapos meri i les, em ken kisim filings long tingting tasol.

Ruben Terry MADANG

LUKIM MOA TOK PILAI WANTAIM KANAGE LONG PES 17



Bik Bro REBO



Sipak MAIK



Junia Gama Souls redi long kukim Madang

'BIG BEG NAL'

RODNEY KAMUS i raitim

Dispela nem Gama Souls i no nupela long Madang. Gama Souls em i wanpela ben bilong ol lain Not Kos bilong Madang husat i bin katim kaset pinis wantaim Pasifik Gol Studios.

Nau yet, ol yangpela husat i bihainim dispela ben long planti hap ol i raun nambaut i katim wanpela nupela kaset bilong ol aninit long nem Junir Gama Souls.

LONG 1987, tripela yangpela mangi Bagildik Viles insait long Not Kos bilong Madang provins i statim wanpela pawa ben grup bilong ol aninit long lukaut bilong John Bani na Malfred Geñok bilong Gama Souls of Madang.

Wanem hap dispela ol lain Gama Souls i go pilai em bai Bani Gele, John Gele, Ripa Gele na Jonathan Toeni i bihainim ol na pilaim ol singsing bilong ol taim ol lain Gama Souls i laik malolo namel long nait.

Ol i stap olsem tasol i go inap long dispela yia na ol i katim namba wan kaset bilong ol ol i kolim Junior Gama Souls long Walterbay Studio long Mosbi.

Tasol dispela rot ol i bihainim i kam long katim kaset bilong ol i wanpela longpela na hatpela tru we planti taim ol studio i no save tok orait long ol bihain long ol i westim liklik mani pinis long mekim demo bilong ol.

Insait long dispela 9-pela yia ben ya i bin stap, dispela namba wan kaset bilong ol em ol i tok em bilong traime tasol na opim ai bilong ol bikpela studio long kisim ol.

Tupela man husat i go pas long ben ya Bani Gele na John Gele i tok olsem ol i gat planti gutpela singsing bilong ol i stap yet long putim long kaset



• Ol memba bilong Junia Gama Sails.

MUSIK

bilong ol tasol dispela em ol bai wet tasol na lukluk long wanem samting i kamap long dispela kaset bilong ol em nau ol i katim.

Bani na John Gele i tok olsem long 1992 yet, tupela i bin go long olgeta hap na ol studio na askim ol sapos ol i nap katim kaset bilong ol.

Tupela brata ya i bin bruk na wanpela i go long Lae na narapela i go long Mosbi. Tasol olgeta hap ol i go, ol i no kisim wanpela sans.

Bikpela brata, Bani Gele husat i raun i kam olsem long Mosbi i bin opim ai bilong sampela bikpela atis olsem Simon Tasi na Tasol i askim em long singim wanpela singsing bilong ben ya long wanpela pilai long Boroko Hotel.

Taim Tasi i luksave long yangpela Gele, em i askim em sapos Gele i nap singim wanpela singsing bilong em long nupela kaset bilong em we i redi long kamaut sampela taim long dispela mun.

Tasol wankain stori yet na ol Junior Gama Souls i no kisim wanpela sans. Ol i traime Pasifik Gold Studios long Mosbi we ol i

kisim tokorait. Tasol bihain long liklik kros i kamap namel long ol na ol sekyuriti bilong Pasifik Gold Studio, ol i painim nupela hap gen bilong ol long rekot.

Em nau long dispela taim na enjinia bilong WalterBay Studio Terry Kapi i bungim ol na kisim ol i go insait long rekotim namba wan kaset bilong ol em ol i kolim 'BIG BEG NAL'. Dispela em long tokples bilong ol em ol i kolim o minim olsem Turangu Pikinini o Pikinini i nogat papa na mama husat i dai pinis.


Insait long dispela nupela kaset bilong ol, ol i gat 10-pela singsing

olgeta we i sore, na i laik kirapim man long painim 6 peks na tu i save mekim yu tingim yangpela laip bilong yu.

Wanpela singsing bilong ol Meri Lap Long Mi i wanpela strongpela singsing tru em i luk olsem planti ol yangpela bai pundaun taim ol i harim.

Bikpela tenkyu bilong ol i go long Kapi husat i bin go pas gut tru long halpim ol long katim dispela kaset. Ol i putim dispela nupela kaset bilong ol i go long wanpela brata bilong ol husat i dai long wanpela hevi long 1995 em nem bilong em Kudabal Gamied.

ON SALE EVERY THURSDAY THROUGHOUT THE NATION



WANTOK

Established twenty six years ago, **WANTOK**, with local news and sport gathered from across the country, is Papua New Guinea's only Pidgin language newspaper.



**PROUDLY PUBLISHED BY WORD PUBLISHING COMPANY PTY. LTD.
P.O. BOX 1982, BOROKO, NCD, PHONE: 325 2500, FAX: 325 2579.**

Yangpela meri maritim snek



BIPO, bipo tru long hap bilong Kabum long Morobe provins, i gat wanpela ples ol i kolim Sambayo i stap klostu long wanpela ples ol i kolim Malandum. Na wanpela yangpela naispela meri save stap long dispela ples wantaim papamama bilong em.

Dispela yangpela meri i save laik tru long raun long bus na painim kapul. Olsem na olgeta de, em wanpela i save go painim kapul long bus. Tasol em i no save kilim wanpela kapul.

Orait, wanpela nait em i dri-man long wanpela wara ol i kolim Puleng. Dispela driman i tokim em long go antap tru long het bilong dispela wara na bai em i painim planti kapul.

Bikpela moningtaim papamama i slip yet, em i kirap kisim bilum na bihainim rot i go. Em i wokabaut i go na kamap long Wara Puleng.

Em i bihainim wara i go na kamap long wanpela raun wara. Em i abrusim dispela raun wara na i go kamap long het bilong Wara Puleng. Dispela taim em i painim samt-ing tru long driman i kamap.

Man, planti kapul tru i dai nating na pundaun nabaut long wara i stap. Em i amamas nogut tru na putim ol kapul i go insait long bilum.

Bilum i pulap nogut tru na hariap tru em givim siksti i go bek long ples. Papamama bilong em i lukim planti kapul na i kalap nogut tru. Tupela i askim em: "Husait tru i kilim ol kapul na givim yu?"

Tasol meri ya i amamas long ol kapul na i no laik toksave long papamama bilong em. Hariap tru em i givim ol kapul long tupela na em i laik go bek kisim sampela moa.

Tasol papamama i tokim em: "Yu noken seksek tumas. Em i orait, yu slip na tumora moning yu ken go bek na kisim sampela moa." Em i harim tok bilong tupela na i stap.

Dispela nait em i no slip gut. Em i tingting planti i go na moning tru em i kirap na kukim kaikai bilong em. Em i kaikai pinis na hariap tru lusim haus na givim siksti i go bek long het bilong wara.

Em i wokabaut i go na kamap gen long Wara Puleng. I nogat manmeri i stap long dispela wara.

Meri ya i bihainim wara i go na bungim wanpela lapun meri i wok long gaden arere long wara. Lapun meri kalap nogut



long lukim em na i askim: "Husait i soim rot na yu kam hia?"

Em i bekim na tokim lapun meri olsem em i bihainim wara i kam na kamap long dispela hap.

Klostu apinun tu na lapun meri i kisim em na tupela i go long haus bilong em. Haus bilong lapun meri ya i stap long hul bilong ston.

Tupela go insait long ston haus pinis na lapun meri i tokim em olsem: "Mi gat planti pikinini snek. Long apinun bai ol i kam bek. Na taim ol i kam holim yu na sekan long yu, noken pret." Yangpela meri i harim olsem na tupela i stap.

Orait klostu apinun nau na ol pikinini snek i pulim lain i kam bek long haus. Man, long taim ol i kamap klostu, haus na graun tu i guria. Lewa bilong ol i pas stret long lukim dispela kum katim meri. Olgeta i go holim em na sekan i go holim em na sekan long em.

Long nait lapun meri i tokim meri ya long maritim namba wan pikinini bilong em. Dispela namba wan pikinini snek i luk olsem wanpela moran stret. Turangu meri i pret tasol em i bihain laik bilong lapun meri. Na em i maritim dispela snek na stap na stap olgeta wantaim ol.

Ol i stap i go na lapun meri i dai na em tasol wantaim snek man bilong em i save stap insait long dispela haus. Tupela stap i go na meri i gat bel na bihain em i karim wanpela pikinini man.

Pikinini man i bikpela na em i save raun i go wantaim papa bilong em long painim kapul. Na wok bilong mama em long wokim gaden arere long wara.

Orait, wanpela taim papa i lusim pikinini i stap wantaim mama na em wanpela i go

long lukim em na i askim: painim kapul. Dispela de mama i wok long gaden na pikinini i go antap long het bilong wara na wok long pasim wara i stap. Taim wara i solap, em bai rausim banis na wara i spit i kam daun na bagarapim gaden.

Mama i belhat na krosim pikinini bilong em olsem. "Yupela pikinini bilong snek. Papa bilong yu i planim kain kaikai olsem na gvim yu na yu kamap bikpela o?"

Pikinini i harim olsem na i sem olgeta. Em i krai wantaim na wetim papa bilong em i stap.

Long apinun papa i kam bek na em i tokim papa long hap tok mma i bin mekim long en. Snek papa i harim olsem na i wari olgeta. Hariap tru em ron i go ausait na kalap i go insait long wara na tanim i kamap olsem wanpela man tru.

Em i karim pikinini bilong em na tupela i katim arere long maunten Kirin na ranawe long mama. Tupela wokabaut i go na ples i tudak nau na tupela i go slip arere long dispela maunten.

Tulait i no bruk yet na tupela i kirap na givim i go yet. Tasol mama tu i krai wantaim na bihainim tupela i go. Em i krai na singaut: "Yupela i sanap na mi kam orait yumi olgeta i go wantaim."

Pikinini i harim nek bilong mama na i tokim papa: "Hei papa, mi harim nek bilong mama ya. Ating mama i mas bihainim mitupela ya".

Tasol papa i giamanim em olsem: "Nogat, noken wari long mama. Em pisin Ningon Kotington ya i singaut."

Papa i giamanim pikinini olsem na tupela givim siksti yet i go. Tupela wokabaut i go na kamap long wanpela hap ol kolim Kumba. Dispela lain

san i go daun pinis na klostu i laik tudak.

Pikinini i putim han bilong em long wanpela ston na ston ya i tanim i kamap olsem wanpela ston haus. Em wantaim papa bilong em i go insait na i slip long dispela haus. Tupela slip i go na long neks moning tupela kirap na givim siksti yet i go.

Turangu mama i wari na i wok long bihainim tupela yet. Em bihainim yet i go kamap long dispela ston haus. Na em i lukim mak bilong han bilong pikinini i stap antap long ston haus na em i krai nogut tru. Mama i slip na long moning em i kirap na bihainim yet lek bilong papa wantaim pikinini.

Tasol aste yet, papa wantaim pikinini i kamap pinis long maunten Sarawaget long hap bilong Kabum. Dispela taim mama tu i kamap klostu pinis long tupela na i krai wantaim long tok ples.

Papa i harim nek bilong em na hariap tru em i tokim pikinini bilong em i kamap olsem wanpela diwai kumu mosong. Long tokples mipela i save kolim sago. Na papa em i tanim na i kamap san.

I no longtaim na mama i kamap long as bilong diwai kumu mosong.

Mama i krai nogut tru na sutim stik em i save yusim long wokabaut i go antap long het bilong em na em i tanim na kamap diwai. Na susu bilong em i tanim na kamap ston. Wara i save pundaun olgeta taim long dispela ston. Dispela tupela diwai wantaim ston i stap yet nau long dispela hap. Long dispela as tasol na nau san i save kisim ol pastaim na bihain i kam kamap long mipela.

Wipsy Seru, MOSBI



■ Kanage i bilong Sepik tasol em i stap na wok long asples bilong ol wantok bilong em Igiri long Enga. Wanpela taim em i go limlimbur long asples bilong em long PS Kantri. Em i go stap na wanpela taim ol yangpela boi long ples i kisim em na ol i go tromoi ai raun long Wewak taun. Ol i raun na Kanage i wok long givim hap tokpisin na hap tokples Enga. Mekim na ol yangpela boi long ples i wok long mekimsave long lap. Mekim i go na wanpela yangpela meri Sandaun i harim Kanage tokpisin na tokples Enga na i waia lus na kuk long Kanage. Na em i kirap tokim Kanage: Brata, yu no man ya-maus yu karim ya.

Kanage harim meri ya tok olsem na em i paul na askim ol yangpela boi long ples: Ol boi, susa i tok wanem ya-em i tok nogutim mi o em i autim Inglis bilong em? Ol boi long ples i no ansaim em na Kanage kirap askim meri ya: Susa, yu tok mi karim maus na mi konfus wologeta. Inap yu ken mekim klia na mi ken yendeste? Meri ya kirap na tokim Kanage: Olsem yu save paul long...mmm...mi no tok yu karim ya, mi tok yu karim maus ya-maus na tokpisin bilong yu i swit like sago.

Senior Kanage
ENGA

□ Kanage i no pispis long tripela de olgeta na long namba 4 de em i go long haus.

Em i go kamap long haus sik na tokim dokta olsem em i no pispis long tripela de olgeta. Na em i go long ol i mas sekim em. Orait, dokta i kirap na tokim wanpela yangpela nesmeri long kisim Kanage i go long wanpela liklik rum na sekim em. Insait long liklik rum na nesmeri ya i tokim Kanage long lusim laplap bilong em.

Tasol Kanage i sem na i no lusim laplap bilong em. Nesmeri toktok askim Kanage i go nogat na tokim em: Yu laikim mi long sekim yu o yu laikim em long solap. Em nau, Kanage tokim nesmeri ya olsem em i sem. Tasol nesmeri ya kirap na tokim Kanage: Dispela em i wok bilong mi. Mi kisim setifiket long en. Yu noken sem, em yu na mi tasol.

Taim Kanage i harim nesmeri ya i tok olsem, em i tokim nesmeri olsem: Kain olsem orait yu kisim wanpela hap laplap i kam na mi pasim ai bilong mi. Bikos mi save les long em i save bikhet long kain taim olsem.

Dokta Kanage
KUNDIAWA

■ Kanage wantaim perendo bilong em bilong Samatex i tokpilai i go na Kanage i tokim perendo bilong em: Perendo, yu save o nogat. Nau long dispela taim, mipela long Sepik i narakain liklik. Samarai harim Kanage i tok olsem na em i askim em: Olsem wanem, yupela i laik kamapim kantri bilong yupela yet o yupela i laik luslain?

Kanage bekim askim bilong Samatex: Kain santing olsem...mipela i laik tekewe long PNG. Samatex tingting i go na askim: Sapos kain santing i kamap, hau bai mi kam long Sepik na lukim yu? Na Kanage i tokim Samatex: Em nau, kain santing olsem...yu mas kisim paspot, visa na bikpela samtling tru i olsem yu mas senisim mani na kisim ol K50 not tasol. Bikos K50 em i mani bilong mipela ol Sepik na sapos kain santing i kamap, mipela bai no inap yusim arapela mani...K50 not tasol.

Perendo Samatex
SAMARAI

■ Junia Kanage i paul raun tumas na mama bilong em i krosim em. Na tokim em long sindaun gut long haus na harim sampela skol toktok bilong papa bilong em. Taim Kanage i harim misis bilong em i krosim Junia na tok olsem, em i tokim Junia: Son, yu gat longpela taim i stap yet. Noken harim ol bulsit toktok bilong mama bilong yu. Misis Kanage i belhat na tokim Kanage: Yu ya, maski...tromoi raun i go na yu laik givap stret tasol laki tru na yu kam kamap long raun wara bilong Madang. Sapos nogat, mi no save yu bai hangamap long we. Kanage lap na tokim Junia: Mama yet i asua na autim, yu mas kisim pasin bilong papa bilong yu. Tromoi raun i go na sapos i pas long we, lusim i stap olsem. Bikos em i pas pinis. Junia harim olsem na askim: Paps, sapos i pas na mi pilim na i luslain? Kanage small long misis bilong em na tokim Junia: Sapos i pas tasol i lus taim yu pulim, go ahead till yu land it nice and safe and it's bolded and moves no more.

Like Father
RAMU

Mani bilong kantri i lus long nambis

Dia Edita,
Mi laik autim wari long mani bilong kantri i lus we. Nau PNG i bungim hevi long mani i sot na mi laik askim we mani bilong kantri i wok long go na dispela hevi i kamap na stap yet.

Mi wanpela man bilong hailens na taim mi skelim ol samting, mi lukim olsem mani i no go long sait bilong hailens tasol em i wok long lus long ol nambis rijon

tasol. Mani i stap tasol long ol nambis rijon na pinis.

- Hia em ol tok piksa:
- Bikpela hap mani i lus long Bogenvil.
 - Wankain long Rabaul we i kaikaim bikpela mani long kantri
 - Praim minista na deputi bilong em ol i bilong nambis na ol i kaikaim bikpela hap mani.
 - Sief jastis na deputi bilong em ol nambis lain tu na ol i

kaikaim bikpela hap mani. Planti moa tok piksa we mi ken givim i stap long mani bilong kantri i lus tasol long nambis na ino long hailens rijon.

Dispela em liklik wari bilong mi we mi laik autim long pablik i ken lukim na givim sampela tingting long en.

**Durugu Ogobi
Nesanel Kapitel Distrik
Mosbi.**

Skelim gut stori bilong Jisas na Nikodemus

Dia Edita,
Mi wanpela kristen bilong Simbu na nau mi laik bekim pas bilong brata Joseph Yasi we i bin kamap long wantok Niuspepa bilong Janueri 25 long dispela yia.

Brata ya i bin tok long spirit bilong baptais yu bin kisim Jon 3:5 na tok olsem yu mas baptais long Holi Spirit. Mi laik askim yu long ritim gut olgeta ves long Jon 3:1-9 na kisim gut mining bilong em.

Jisas i bin lukim pinis bel bilong Nikodemus olsem em i nogat Holi Spirit i stap wantaim em. Ausait bodi bilong Nikodemus em i tok em i man bilong lotu tasol long insait, em i nogat ya. na taim yu stadim bekgraun bilong Nikodemus, em i wanpela Farasi na taim yu lukluk long lotu bilong ol Farisi, ol i save miksim lotu bilong Moses wantaim kastam lo bilong ol yet. Taim ol i raun long san na sekanim ol man, ol i save ting olsem sin i pas long ol. Olsem na taim ol i laik kaikai ol i mas wasim han bilong ol i kamap klin. Tasol insait long ol, ol i pulap long weldog olsem na taim Jisas i bungim Nikodemus em i mekim dispela toktok.

Brata, mining long toktok bilong Jisas i go olsem. Yu Farisi, yu ting wara i ken mekim yu klin tasol long go long heven, yu mas gat Holi Spirit we em i no olsem wara nating we bai yu holim na filim. Tasol long go long heven, yu mas gat Holi Spirit i stap long bel bilong yu. Jisas i laik tok olsem ino long wara tasol we em i laik tokim Nikodemus long en, nogat. Long kisim Holi Spirit insait long yu, yu mas lusim olgeta pasin nogut bilong graun na opim dua insait long bel bilong yu na askim God long prea na em bai i givim yu long Holi Spirit.

Long pinisim toktok, mi laik askim yu long stadim gut bekgraun bilong Nikodemus na wanem kain lotu em i kam long en. Sapos em i save lotu long Farisi. Stadim gut sapos Jisas i save laikim lotu bilong ol o nogat. Em nau bai yu painim trupela mining bilong em. Dispela em rot bilong Baibel stadi na i no bilong pilai nating long en.

Husat manmeri i gat sampela toktok long dispela, rait i kam tasol long wantok Niuspepa na mi bai i lukim.

**Hezron Mintai
Kundiawa
Simbu provins.**

Go long bus ples na autim tok

Dia Edita,
Mi laik bekim pas bilong brata Sonny Sali bilong Kimbe i bin tok olsem brata bilong em i gat olgeta rait long autim tok bilong bikpela long ol pablik ples.

Yes mi save i no gat tok long mekim dispela em bikpela samting na em wok bilong bikpela.

Tasol mi save lukim olsem planti manmeri i no save givim ia bilong ol long harim husat i save autim tok long pablik ples olsem. Mi ting i gutpela long yupela i mas mekim tok save i go long olgeta manmeri trupela o tripela de i go pastaim. Bai ol manmeri i ken save olsem yupela bai holim lotu long dispela taim na bai ol i kam long bung long harim tok bilong yupela.

Narapela samting tu em mi askim yupela ol lain bilong autim tok long rot o pablik ples long i no ken westim taim long ol manmeri bilong siti o taun bikos ol i no inap harim tok bilong yu.

Mi ting i gutpela long yupela i kam long ples bilong mi long bus olsem Agahai pipel bilong Madang, Menyamya na Watut pipel bilong Morobe na planti arapela moa bus ples insait long Papua Niugini.

Mi ting yupela i ken go na autim tok long ol bai ol i amamas tru long senisim pasin na laip bilong ol.

Em tasol toktok bilong mi.

**Abang Kitek
Madang**

Popondetta gavman mas pulim wok

Dia Edita,
Mi autim wari na bel hevi bilong mi i go long gavman bilong Oro provins long pablik i ken harim.

Wari bilong mi i go olsem watpo na gavman i no save kamapim moa wok long taun? Na tu long wanem as tru na Oro gavman i save rausim ol bikpela kampani we i laik kamapim moa wok developmen bilong Oro taun?

Mi save olsem wanpela bikpela kampani long Oro provins em Higaturu welpam kampani. Kampani ya i save mekim gut long ol pipel long provins.

Mi save olsem long PNG i gat planti ol sumatin husat i pinisim gret 10 inap long gret 12, ol kolis na yuni-vesiti tasol ol i painim wok yet i stap.

Tasol tu, ol gavman na kampani i i no save tok gut long husat man i save go long opis bilong gavman na ol kampani. Ol i save tok tasol sori, i nogat wok.

Em dispela as tasol na ol manki i save wokim raskol pasin na tu long ol manki Oro long Boroko husat i save bung wantaim long ol grup na mekim raskol pasin.

Mi wanpela manki bilong ples husat i laikim sampela senis i kamap na mi lukim long Oro taun.

**Terryson Pusari
Popondetta**

Ginson mas stretim Dinangat pipel

Dia Edita,
Mi laik sapatim pas bilong brata Jason Penzu, Robert Simae na Donald Kito we i bin kamap long mun Epril na Septemba long las yia.

Ol i tok nesanel memba bilong Kabwum, Ginson Saonu kalap tumas long pati tasol em i no kisim wanpela ministri yet.

Mi bilip strong olsem sapos Saonu em i stap long wanpela pati, em bai kisim wanpela ministri.

Narapela samting we mi painimaut em lukluk bilong mi tu em wansait memba. Em bai kopi

masin na givim ol komyuniti bilong em tasol. Sampela konstitusen insait long Kabwum distrik olsem Timbe, Slebet na Sapmanga i orait liklik. Tasol mipela lain bilong Dinangat olsem wanem na Ginson i wokim 5 Yia Plen nating?.

Mipela nogat bris, wara saplai na ol pipel i save karim kopi na wokabaut olsem 8 kilomita wantaim hevi samting. Na nogat gutpela bris na rot na dispela i hatpela laip mipela ol pipel bilong Dinangat i save bungim olgeta taim long bipo i kam nau.

Mi askim memba, Ginson Saonu long luk-

iuk insait long ol dispela kain hevi bilong mipela ol lain husat i stap longwe na tu i no gat wanpela gutpela helpim yet.

Sapos memba i ken tingim na strongim toktok bilong em long 5 Yia Plen, orait em i mas tingim na givim olsem K60,000 samting long wokim gut bris na wara saplai bilong mipela. Sapos em ino inap mekim o stretim ol dispela samting long nau, mi bilip em bai lusim ileksen long neks yia.

Em tasol komplek bilong mi na husat i laik bekim em laik tasol.

**Mutone Gomiyong
Lae**

Yumi noken kamap jas

Dia Edita,
Mi laik bekim pas bilong brata bus pasto i bin toktok long i no ken lotu long skin tasol.

Mi pilim dispela toktok bilong bus pasto i no gutpela tru long ol lidaman olsem i mekim. Yu mekim wankain pasin tru olsem biknem parisi, Nikodeus i bin mekim long taim bilong Jisas.

Yu mas tanim bel nau o nogut yu autim tok long maus tasol na bel bilong yu i no senim yet. O nogut yu autim tok tasol yu no kamap mupela long spirit.

Bus pasto, yu no wanpela kain god bilong kamap jas na skelim arapela manmeri long pasin ol i gat long mekim lotu.


Yumi olgeta man bilong graun tasol na yumi mas amamas long mekim lotu long wanem kain rot yu gat long litimipim nem bilong bikpela God papa.

Yumi ken kalap na singsing, paitim han, pilai musik na holim han wantaim. Dispela em bikos yumi amamas long lotu wantaim long givim biknem long bikpela God papa. Dispela em i pasin bilong preis o amamas.

Em tasol toktok bilong mi long bekim pas bilong bus pasto we i bin tok long no ken lotu long skin tasol.

Husat i laik bekim em laik tasol.

**Robs Mike
Madang**



• Mani bilong Kantri istap long nambis i we tru?

Kanage i tok nogut tumas

Dia Edita,
Mi wanpela manki Hailans tasol nau mi stap long Kimbe, Wes Nu Briten provins. Na mi laik sapatim pas bilong susa Daina Miria i bin kamap long Wantok 7 Septemba, 1995.

Susa Daina i bin toktok egensim ol lain i save raitim ol tok nogut long tok pilai bilong Kanage.

Mi tu i no amamas long lukim olsem planti tok nogut i wok long kamap insait long dispela tok pilai bilong Kanage na i no gutpela long mi.

Bipo mipela i save ritim gutpela tok pilai bilong Kanage tasol nau dispela tok pilai i wok long senis na i go nogut nau. Na dispela i daunim laik na interes bilong mipela ol sampela lain

husat i save laikim long ritim dispela tok pilai.

Mi askim ol manmeri husat i save raitim tok pilai bilong Kanage long skelim tok pilai bilong ol pastaim na bihain ol i ken salim i go. Sapos yu ting olsem tok pilai bilong yu i no gutpela bikos em i gat planti tok nogut long en, yu mas rausim na tromoi. Sapos yu ting i gutpela long olgeta manmeri i laikim long ritim, yu ken salim i go long Wantok niuspepa bai ol manmeri i ken lukim.

Em tasol komplek bilong mi na husat i laik egensim o sapatim em laik tasol.

**Joe Kondo
Kimbe**

TOKSAVE:

Sapos yu gat hevi, rait i kam long LAIPLAIN, P.O.Box 6047, Boroko, o yu ken ring mipela long telipon namba 26 0011. Ol trupela hevi em mipela bai tokaut long dispela spes long niuspepa. Tasol trupela nem bilong yu em mipela bai no inap long tokaut.

Sialum pipel i no oraitim loging

Dia Edita,

Mipela ol pipel bilong Sialum insait long Morobe provins i givim ful sapot bilong mipela i go long tok bilong kodineta bilong Forestri bilong Morobe provinsal gavman, Mista Vida Sonoling.

Hettok bilong Wantok Niuspepa i bin tok "Morobe provinsal gavman askim ol pipel long egensim loging".

Mi laik tok olsem mipela ol pipel i sapotim tru tok bilong Mista Sonoling. Na mipela i laik tok strong tru olsem i no inap tru long wanpela loging kampani bai i go insait long bus bilong mipela na katim ol diwai na bus bilong mipela long Kromwel maunten. Dispela em eria we ol man i grisim ol pipel long en long larim ol loging kampani long go i insait. Mipela ol pipel bilong Sialum i no laik tru long ol diwai na bus bilong mipela long bagarap nau na long bihain taim, bai inogat ol dispela ol samting.

Wanem samting mipela i laikim em long wanpela wokabaut somil prosek we i isi long ranim bikos em i ken katim ol inap diwai bilong salim na planti i ken sevim i stap yet bilong yusim long helpim ol pipel long planti samting olsem bus marasin na ol arapela samting moa olsem. Wokabaut somil em i isi long lukautim/menesim na long dispela rot, ol ples pipel iken pulim liklik mani bilong helpim ol long baim ol samting we ol i nitim. Mipela ino inap long bilipim ol toktok bilong ol namel man husat i wok long grisim ol pipel long salim ol diwai bilong ol long kisim mani long en.

Em tasol toktok bilong mi na husat i laik putim moa tingting antap em laik tasol long rait na yumi ken lukim.

Jonathan Lobo
Sialum
Morobe provins.



• Prais bilong ol samting long stua i go antap olsem na ol viles pipel i lukluk long apim prais bilong kaikai long maket.

Gavman mas givim moa sevis

Dia Edita,

Wari bilong mi i sut i go long gavman bilong tude insait long Papua Niugini. Bipo long mi go het wantaim pas, mi laik sapotim pas bilong brata Tanu Wati we i bin kamap long wantok Niuspepa long sampela taim i go pinis.

Brata ya i bin mekim sampela toktok long ol sampela trupela samting na mi yet tu i sapotim.

Wanpela bilong ol em long kaikai bilong stua i go antap tumas. Taim yumi i lukluk, i go bek long laip bilong ol lain long ples planti long ol ples longwe long taun insait long kantri i nogat gutpela rot long ka i ken go long ol na tu long ol balus i ken pundan bilong bringim sevis i go long ol pipel long en.

Mi yet mi bilong Sandaun na long provins, i nogat planti bikpela na liklik rot i go long ples bilong mipela wan wan. Na narapela samting tu em

mani long peim balus long putim ol kaikai samting long em i antap tumas long ol lain bilong ples.

Pe bilong ol samting olsem batri, tos, sol, masis, tinpis, rais, ol kolos na planti ol arapela samting moa we ol pipel long ples i laik long yusim long sindaun bilong ol i go antap moa yet nau. Tasol trangu ol lain long ples bai i kisim mani we na baim ol dispela samting? Sapos kain olsem, gavman i mas givim moa sevis i go long ol lain bilong ples na ol bai i gat sampela liklik toea long helpim ol wantaim long taim prais bilong ol samting i go antap. Pe bilong ol samting i go antap ino stap tasol long taun na gavman bai i tingting long ol na lus tingting long ol lain husat i stap longwe long taun?

Philip Pais
Vanimo
Sandaun provins.

Viles pipel laik apim prais bilong kaikai

Dia Edita,

Mi laik autim wanpela bikpela wari nau mi lukim long laip bilong mipela ol ples lain.

Taim mipela kisim K2 na i laik go baim rais na tin pis long stua, ol i kos bikpela mani tumas na dispela K2 i no inap long baim dispela kaikai.

Mipela i save wari tru bikos dispela i no olsem bipo we K2 em inap tru long baim rais na tin pis.

Bikos gavman i apim prais long olgeta samting insait long kantri, kaikai bilong stua tu i go antap na mipela liklik manmeri bilong ples i kisim bikpela pen bilong disisen bilong gavman.

Nau mipela i laik mekim tok-save i go long olgeta manmeri husat i wok na stap long taun o siti olsem mipela ol pipel long ples i painim hat long kisim mani long baim kaikai. Olsem na mipela tu bai traim apim prais bilong ol kaikai long maket long pulim liklik mani bilong baim ol samting bilong mipela.

Ol kaikai we mipela i save kos 10 toea na 20 toea bai i go antap nau. Ol kaikai we i kos 10 toea bai i go antap nau long 20 toea na ol kaikai we i save kos 10 toea bai mipela i apim i go antap long 40 toea na 50 toea.

Dispela em sampela senis mipela ol pipel long ples tu i mas

kamapim bihainim senis bilong gavman long daunim strong bilong mani na olgeta prais i go antap.

Mipela ol ples lain bai traim dispela rot na sapos yupela ol taun lain i ting em hat tumas long yupela, orait yupela i ken go het na baim ol kaikai bilong waitman long stua we i no bikpela moni tumas.

Em tasol belhevi bilong mipela ol ples lain na husat i laik bekim o egensim em laik tasol.

Robert Alu
lalibu
Sauten hailans provins

Papamama tingim na haitim mani

Dia Edita,

Mi laik bekim pas bilong brata Ronald Alek i bin toktok long ol mama na susa long hap bilong Maprik, Is Sepik provins. Em i tok ol mama na susa ya i save haitim ol mani bilong ol long liklik poket o brata bilong ol taim ol i save ron long pmv ka long haiwe.

Brata Ronald, ating yu no gat gutpela klia tingting long het bilong yu. Het bilong yu i mas nogut pinis olsem na yu no skelim gut watpo na ol mama na susa i mekim olsem long haitim mani bilong ol.

Ol trangu meri i save pret long ol raskel i hensapim ol long haiwe rot na kisim mani bilong ol. Olsem na ol i save haitim mani bilong olsem.

Yu brata Ronald i mas tingim tu olsem ol susa na mama bilong yu tu i save haitim mani olsem. Olsem na ol i save baim kaikai na bilas bilong yu.

Ol i tingim yu na ol i haitim mani long lukautim yu.

Yu ken lukim tu olsem ol papa tu i save pret long ol raskel i hensapim ol olsem na ol i save subim olgeta mani bilong ol i go insait long wanem kain liklik poket ol i gat long en. Bikos ol i mas sevim gut dispela mani bilong ol long baim gutpela kaikai na ol arapela samting we ol i sot long en.

Brata Ronald, ating ol raskel i no hensapim yu yet tasol sapos ol i mekim hensapim yu wanpela taim, bai yu kwiktai subim mani bilong yu i go insait long soken bilong su o ol liklik poket nabaut yu gat long trausis na siot.

Em tasol pas bilong mi na husat i laik tromoi moa em laik tasol.

Cletus Tutuku
Lumi, Sandaun provins

Alopops singim sori singsing

Dia Edita,

Mi laik mekim bikpela tok amamas i go long dispela ben bilong Alopops bilong Oro provins.

Mi no apim nem bilong ben ya tasol mi save sapot long ol bikos long wanpela song tasol ol i save singim long kaset. Dispela song em Libe Libe. Na mining bilong em i sut stret long laip bilong mi na ol lain famili bilong mi. Olsem na mi save amamas long dispela song bilong Alopops.

Dispela song Libe Libe i singsing long man i no gat papamama bikos ol i dai pinis.

Mi yet i bilong Samarai long Milen Be provins na mi wantaim ol liklik bilong mi em mama i dai pinis na papa i lusim mipela. Mipela i stap nau long Wewak long Is Sepik provins.

Ples bilong mi em long Gurney ples balus long Atolau na sapos yu lukluk i go antap long dispela maunten, em ples bilong mi long hap taun.

Mipela i save harim dispela song bilong Alopops na mipela i save sori na tingim dispela hevi mipela i stap long en. Bikos song bilong Alopops i sutim stret bel bilong mipela long dispela kain hevi we mipela i gat long en.

Em tasol liklik tok amamas bilong mi i go long Alopops ben.

Peter Bobby
Wewak

Memba bilong Raikos i noken resis

Dia Edita,

Mi laik sapotim pas bilong brata Alois Sabu bilong Raikos Madang.

Brata, yu tok stret em memba bilong Raikos i mas risain tu long wok bilong memba.

Samuel Pariwa em luk olsem em i wanpela stilman stret long wanem, dispela ol mani bilong gavman i go we?. Mekim wanem long ol dispela mani bikos mipela ol pipel bilong Raikos i no lukim wanpela mak bilong mani.

Mi tok olsem bikos olgeta yia nogat wanpela mani i go long ol gutpela wok o komuniti projek we ol pipel yet i go pas long en. Olsem na mi askim memba yet long tokaut long ol dispela mani em i save kisim long olgeta yia na yusim olsem wanem.

Mi askim ol pikinini bilong Raikos sapos yu gat gutpela tingting bilong helpim ol manmeri, yu mas kamaut nau na larim ol pipel i luksave long yu bai ol i ken sapotim na votim yu long kisim ples bilong Mista Samuel Pariwa. Bikos Mista Pariwa i no mekim wanpela gutpela helpim o senis yet long ol pipel bilong Raikos.

Sapos yu wanem nupela lida i gat trupela tingting long ol pipel, orait sanap strong long tingting yu gat long ol pipel.

Em tasol komplem bilong mi na husat i laik bekim em laik tasol.

Robb Mike
Madang

Polis holim gutpela man nating

Dia Edita,

Mi laik autim wari bilong mi long pasin mi lukim long ol gavman, plisman, woda na CIB i save mekim long ol raskelman.

Mi save skelim olsem ol plisman na CIB i no save kisim stret ol trabelman tasol ol i save strong long paitim ol na pretim ol na ol i save tokaut long ol man nabaut we ol tu i no mekim trabel. Tasol bikos ol boi ya i pret long laip bilong ol, ol i kolim nating nem.

Mi ting ol plisman na CIB i mas kisim moa gutpela trening na skul bilong holim ol bikhet man o raskel lain stret. Bikos sapos yu holim na sasim rong man em i no gutpela tru.

Olgeta manmeri i stap aninit long lukaut bilong wanpela bikpela lo bilong dispela kantri. Olsem na olgeta i gat rait long wokabaut raun, stap bilong ol yet, mekim samting we i gutpela long ol na famili bilong ol.

Taim ol plisman i holim nating ol gutpela man na sanapim ol long kot we kot i sasim ol gen long kisim bikpela taim long kalabus, dispela i save mekim bel bilong man i kros olgeta na i ken mekim man i go bikhet olgeta egensim ol plisman.

Mi lukim planti dispela kain pasin we ol gutpela manki i save kisim taim nating long ol plisman olsem na mi autim dispela bel hevi bilong mi.

Em tasol komplem bilong mi na husat i laik bekim em laik tasol.

David Jemas
PNG



WANTOK PABLIK NOTIS

Sapo yu laik advertais, telepon 325 2500 na askim long

Miri Aiori Ext. 214
Jeffrey Maliou Ext. 215
Jack Mahuru Ext. 217

BUK BILONG OL SEVISIS

HAIR & BEAUTY

His N' Hers

HAIR SALON

All Hair Care

Black Hair

& Beauty Products

42 1843

P.O. Box 1721, Lae, Central Arcade.

OL KAIN KAIN MAN SAVE
RITIM WANTOK NIUSPEPA
LONG OLGETA HAP LONG
WOL.



NA YU?

...Bain Wanpela Nau!

50t PEPA BILONG
Tosol YUMI STRET..!

PNG'S only
Business
newspaper!

THE BUSINESS

only
50t

LOOK OUT
FOR THE
APRIL ISSUE!

More
information
Call us on
Ph: 325 2500

PUBLIC NOTICE

LOST CHEQUES

SERIAL # 022551 TO 022560 INCLUSIVE

The National Judicial Services advise that this batch of cheques have been misplaced and lost.

The National Judicial Service will **NOT** be held responsible for cheques bearing this serial numbers.

MR. L. NEWELL

Secretary/Registrar

National Judicial Services

P O Box 7081

BOROKO

Phone: 324 5700 Fax: 325 1092

For more information phone the
Wantok advertising department
today on:

325 2500 or fax 325 2579

**DON'T MISS THIS
GREAT OFFER!**

See your weekend
Racing guides in

WANTOK

buy your
copy
today !!

only
50t

THREE
REASONS
TO BUY
UNICEF
CARDS
AND
GIFTS



1. UNICEF helps educate mothers to enable them to better care for their children through breastfeeding and growth monitoring and by teaching them income-generating activities.
2. UNICEF supports community-based projects that provide education and training to people to develop skills that will benefit their families and their communities.
3. UNICEF works with governments in developing countries to eliminate disease, malnutrition and poverty from the lives of children and their families.

For information, please contact:


EILEEN KOLMA

Telephone: 321 3000

Fax: 321 1372, Telex: 22197

P.O. Box 472, Port Moresby.

unicef 
United Nations Children's Fund



THE Independent

Issue 41

84 pages

March 1, 1996

Weekly

60t

Our job's done, says World Bank team

New set of conditions to tie down second loan

by ABBY YADI

THE WORLD BANK has given the government a new set of conditions which must be implemented to be able to tie down the second part of a debt recovery loan.

A six-member team from the World Bank left the country on Wednesday after completing their work on reviewing the government's implementation of reforms that were originally set as conditions for the second tranche loan worth \$US158 million.

Leader of the appraisal team Pirouz Hamidian-Rad said that the team left because it had completed its job here and not because they were ordered by the government to leave the country.

In an interview with the Independent just before the last three team members left for Cairns, Australia on the evening flight on Wednesday, Mr Hamidian-Rad confirmed the team

as being important.

He said the letter was an "irrational response" to earlier discussions the team had with Mr Vele.

Mr Hamidian said the team was concerned about the slow pace of education reforms, health services delivery and the on-going forestry issue. Trade reforms, especially those dealing with protective tariffs were also a concern.

The second tranche loan was originally planned to be released in November 1995, but the bank withheld it, saying that the PNG government had not carried out a number of major reforms as promised.

The \$US158 million is part of a total \$US358 million loan given by a number of international donors, including the World Bank itself, to assist PNG revive its economy.

Mr Hamidian said the crisis talks with the government were frank and worthwhile, but stressed that as far as the reforms

mean that we will release the money. Not just yet anyway," he said.

"We are leaving because we have completed our work here," Mr Hamidian said.

He said the team completed its review and has submitted a new set of conditions to the government to implement immediately, if the bank is to be convinced to release the final part of the reforms loan.

He also confirmed that a PNG team will travel to Washington D.C., USA, within three weeks to hold further talks on the structural adjustment program and the outstanding loan.


It is not known at this stage whether Mr Vele will lead that delegation.

Asked if the current situation will cause a serious rift between the bank and PNG, Mr Hamidian said "no".

The bank has a liaison office in Port Moresby, set up late last year, through which constant contacts between the bank head-



□ Murals with a message - The Anglican Cathedral of Saint John is proclaiming the Christ message and to encourage PNG artists in the form of mural paintings. Parish priest, Fr John ... helping to deliver the message which depicts the



THE Independent

The Voice of Papua New Guinea!

On sale from Friday afternoon in Port Moresby and Saturday morning in the provinces. The Independent keeps you up to date with all the latest national and international news and sport plus separate liftout sections on entertainment, education and a full racing guide.

In-depth reports complemented by a professional team of regular columnists and international news services, The Independent makes great reading every week.

DON'T MISS YOUR COPY!


PROUDLY PUBLISHED BY WORD PUBLISHING COMPANY PTY. LTD.
P.O. BOX 1982, BOROKO, NCD, PHONE: 325 2500, FAX: 325 2579.



• Antap: Wanpela pilaia bilong Korobosea intansenel skul wantaim bal long Pot Mosbi Skulbois soka resis . . . Lephon: Vipers fowat James Naipao i bin pilai hat tru las wiken we ol i winim ol Sunshine Coast.

Ol poto bilong Hara Kap soka resis bilong Pot Mosbi soka asosiesen namel long PTC na Rapatona, Rapatona i win long 3-1. Ol poto: Sape Mette





• Mosbi lig A gred eksen namel long Paga Panthers na Post Puma.



• Mosbi skul bois soka resis namel long Korobosea na Murry Intanesenel skul long anda 7 divisen.

**LAE RUGBY LEAGUE
ROUND 1 DRAWS
SATURDAY APRIL 13, 1996**

Time	Team	Vs Team
OUTSIDE GROUND		
9.00 U/17	Defence	vs Panthers
10.00 U/19	Tigers	vs Royals
INSIDE GROUND		
9.00 U/17	Magani	vs Brothers
10.00 U/19	Spiders	vs Tarangau
11.00 B	Defence	vs panthrs
12.30 B	Magani	vs Brothers
2.00 B	Tigers	vs Royals
3.30 A	Magani	vs Brothers

SUNDAY APRIL 14

OUTSIDE GROUND		
9.00 U/17	Tigers	vs Royals
10.00 U/19	Defence	vs Panthers
INSIDE GROUND		
9.00 U/17	Spiders	vs Tarangau
10.00 U/19	Magani	vs Brothers
11.00 B	Spiders	vs Tarangau
12.30 A	Defence	vs Panthers
2.00 A	Tigers	vs Royals
3.30 A	Spiders	vs Tarangau

**KOIARI RUGBY LEAGUE
ROUND 1/3**

Sunday April 14

Time	Team	Vs Team
9.00	Crystal Ilakers	vs Doma
9.00	S/Sharks	vs R/Elcom
9.00	C/Brothers	vs V/Souths
9.00	S/Choice	vs H/Tigers
9.00	I/Panthers	vs S/Owls
Bye Bluff Inn Knights		

12.00	C/Lakers	vs Doma
12.00	S/Sharsk	vs R/Elcom
12.00	C/Brothers	vs V/Souths
12.00	S/Choice	vs H/Tigers
12.00	I/Panthers	vs S/Owls
Bye B Knights		

**CAMBRIDGE NATIONAL
LEAGUE CHAMPIONSHIPS**

13/14 APRIL VENUE 20/21 3/4/5 MAY

Rabaul	-
Kavieng	Rab Buka Lae
Kimbe	-
Bialla	Vai/WWK
Vanimo	Madang
Wewak	Goroka
Ramu	-
W/Bulolo	Kundiawa
Kainantu	Goroka
Okapa	Mt Hagen
Minj	-
Banz	Mendi
Wabag	-
lalibu	-
Tari	Mdu
Koroba	Tabubil

Draw for the Finals (3,4 and 5 May) in Goroka will be made on Wed April 24



• Antap: Mosbi lig eksen namel long Paga na Post Puma.

• Lephan: Mosbi soka pri-sisen eksen las wiken.

SOKA NIUS

Ol meri LFA bekim dinau

OL meri Lae (LFA) i bekim bek dinau bilong 1994 taim ol i lus long Mosbi 4-3 long penalti kik insait long nesanel wimens sempionsip. Ol meri Mosbi husat i bin winim dispela taitel bilong ol meri long foapela krismas olgeta i bin lusim dispela taitel long las wiken long Madang long han bilong ol susa long Lae long gren fainal wantaim 1-0 skoa long fultaim.

Ol meri LFA i bin bringim bek sampela biknem pilaia olsem Kay Ella, Naomi Bole, Edna John Thomas, Marha Towika, Betty Ronuc na arapela moa husat i bin pilaim Mosbi long 1994. Long las wiken ol i bekim bek dispela dinau ol susa long Mosbi i bin givim long ol long 1994.

Tasol Mosbi i bin lusim tu planti pilaia husat i bin stap long skwat long bipo taim ol i winim dispela taitel long 1994 na arapela yia i go. Ol meri olsem May Salaiau, Sharrol Marsipal, Lyna Waho, Joan Langisam, Ikanau Matagiau na arapela moa.

Long dispela as, Mosbi i lusim dispela strong we em i gat long difens olsem na ol meri Lae i kamapim birua long golmak bilong Mosbi. LFA tu i gat wankain stori we sampela pilaia bilong em long 1994 i bin go joinim susa asosiesen Lahi Soka Asosiesen (LSA). Long dispela as, LFA i traim long makim sampela nupela na ol yangpela pilaia long kamapim skwat bilong LFA long dispela sempionsip. Ol meri LFA i winim dispela sempionsip long soim tu olsem soka long LFA i go strong nau bikos ol boi bilong LFA i bin autim tiket bilong Mosbi long las yia insait long nesanel sempionsip bilong ol man. LFA i autim Mosbi 2-0 long fultaim long rausim dispela taitel long han bilong ol manki Madang husat i bin winim long 1994.

Ol man na meri bilong Lae nau i sempion bilong nesanel sempionsip long 1995 na 1996. Tasol ol man bai pait gen long dispela yia long holim bek taitel bilong em. Presiden bilong Madang Soka Asosiesen (MSA) Peter Angasa i tokaut olsem Madang i bin traim long soim olsem ol i ken lukautim na ronim kain bikpela nesanel sempionsip olsem long Madang taun. Angasa i tok ol i bin lukautim gut dispela tonamen bilong ol meri long Fraide i kam inap long Mandel long dispela wik we gem i pinis gut long gren fainal namel long ol meri LFA na Mosbi. Angasa i tok tu olsem i bin i gat liklik ren i pundaun long Sarere tasol dispela i no stopim gem long go het. Em i tok dispela gem tu i pulim planti papamama na pikinini long Madang na ol i amamas long go sindaun na lukim pilai bilong ol meri. Dispela tonamen bilong ol meri tu i kamapim bikpela nois na sapot long sait lain na pulim tru bikpela sapot long ol manmeri.

Insait stori i tok tu olsem ol meri Vanimo na Karkar Ailan husat i nupela long dispela tonamen i soim tu sampela gutpela stail bilong pilai soka. Ol i givim tu sampela gutpela salens egens ol biknem soka senta olsem Lae na Mosbi. Dispela i soim olsem narapela taim gen sapos Karkar na Vanimo i kam gen bai stail bilong tupela i tenis i narakain moa long dispela yia. Mosbi i bin salim tupela soka tim i go long tonamen ya. Narapela tim em bilong Mosbi Pablik Sevans Soka Asosiesen (PSSA) na dispela em namba wan taim bilong em long pilai long tonamen ya. Lae tu i bin gat tupela soka asosiesen long tonamen ya. Tupela em LFA na Lahi na tupela i save oltaim kamap long nesanel wimens tonamen.

Madang tu i bin gat tupela soka tim we narapela em bilong asples Karkar na narapela em ol meri long Madang taun yet.



• Foma intanesenel straika Buka Pasa sanap namba 2 long lephan baksait wantaim ol wantok tim bilong em ol Kurti Andra. Dispela tim i redi gen long 1996 Mosbi soka resis.

PNGFA brukim K20,000 long ovasis tonamen

PRESIDEN bilong Papua Niugini Futbol Asosiesen (PNGFA) Peter Mommers i tokaut pinis olsem K20,000 sponsa bilong gavman bai i go long soka resis bilong ol meri long Tonga na ol man long Melanesian Kap tonamen.

Dispela K20,000 em kampani bilong gavman, Mineral Risos Developmen Kopresen (MRDC) i bin givim olsem sponsa bilong em long spot long dispela yia.

MRDC i bin givim narapela K20,000 long boksen na narapela K20,000 tu long etletik olsem sponsa bilong em long dispela yia.

Long las wiken bihain long soka sempionsip bilong ol meri long Madang, bosman bilong MRDC, Charles Lepani i bin tokaut long dispela K20,000 bilong ol i go long soka insait long Papua Niugini.

Presiden bilong PNGFA, Peter Mommers i tok bai ol meri i yusim K10,000 long redim skwat bilong ol long go kik long Tonga long dispela yia. Dispela pilai long Tonga bai kamap long mun Oktoba.

Ol meri bilong PNG i bin kisim askim i kam long Tonga long las yia long pilai soka wantaim ol. Dispela em soka resis we ol i save kolim Polinesian Kap. Na ol meri insait long kantri olsem Tonga, Frens Polinesia, Tahiti na arapela moa i save go kik long dispela tonamen. Dispela bai namba wan taim bilong ol meri PNG long kik insait long dispela tonamen.

PNGFA i brukim pinis dispela K10,000 bilong ol meri long dispela tonamen. Na dispela tonamen tu bai wanpela bikpela tonamen we ol meri i ken yusim olsem intanesenel

trening long redim tim bilong kik long Osenia Rijenal tonamen long neks yia long Nu Silan.

Soka resis bilong Osenia Rijenal tonamen em ol meri PNG i stap olsem namba tri bihain long Nu Silan na Australia. Australia i bin winim ol meri PNG na Nu Silan long 1994 long go i kik insait long Wol Kap resis long las yia, 1995.

PNG meri i bin kamap namba tri bikos arapela tim bilong ol meri long Fiji, Solomon Ailan, Vanuatu na arapela long Pasifik rijen i no bin kamap.

Presiden bilong PNGFA i tok narapela K10,000 bai i go long redim tim bilong ol man long kik insait long Melanesian Kap tonamen long dispela yia. Dispela tonamen tu bai makim

husat tim i ken redi long pilai insait Wol Kap kwalifai.

Dispela em wanpela bikpela gem na bai i kamap long graun bilong PNG yet long Lae. Olsem na PNGFA bai traim long brukim gut dispela K10,000 long redim gut tim bilong ol man long pilaim dispela gem.

Ol meri i makim pinis trening skwat bilong ol long dispela Tonga gem. Tasol ol i no makim yet fainal skwat bikos ol i no tokaut yet long husat bai nesanel kosa bilong ol meri long dispela tonamen.

Wankain tu long ol man em ol i no makim yet skwat bilong ol. Bikos PNGFA i no tokaut yet long nesanel kosa bilong ol man we em i ken go het long makim skwat bilong em.

PNGFA i no givim yet ripot long bung bilong em long Madang long las wiken.

POSINU na Wewak Ice bai salens long kik insait long gren fainal bilong Wewak Ista Kap soka salens long dispela wiken. Ista Kap soka resis long Wewak long las wiken i no bin pinis long Mandel bikos taim i sot na asosiesen i larim gem ya i go long dispela wiken long ol i ken pilaim fainal.

Kodineta bilong dispela gem, Kumbia Zui i tok ol i bin makim tupela pul we i gat 8 tim long wanwan pul. Dispela i min olsem i gat 16 tim olgeta long dispela resis long las wiken. Bihain long olgeta pilai long Fraide i kam pinis long Mandel, foapela tim tasol i stap long go insait mesa semi fainal. Tasol ples i bin go

Posinu smelim Wewak Ista Kap

tudak long Mandel apinun olsem na dispela gem i no kamap.

Zui i tok ol i makim tupela top tim insait long tupela pul ya long pilaim mesa semi fainal long dispela wiken. Tupela top tim bilong pul A em; Posinu husat i gat 12 points na Yakobis husat i gat 10 points. Long pul B; Medics i go pas wantaim K12 points na Wewak Ice i go namba tu wantaim 11 points.

Em i tok long dispela semi fainal bai ol i larim top tim bilong pul A, Posinu long pilaim namba tu tim bilong pul B, em Wewak Ice. Na top tim bilong pul B, Medics bai pilaim

namba tu tim bilong pul A em Yakobis.

Wina namel long tupela gem ya bai i go stret na pilai long gren fainal na tupela tim husat i lus bai kik gen long painim namba tri na foa ples long dispela Ista Kap soka salens. Kodineta ya i tok long lukluk bilong em, Posinu i gat bikpela sans long winim dispela gem. Tasol em bai go insait long bikpela salens pastaim long em i winim dispela gem. Gem namel long Posinu na Wewak Ice bai wanpela bikpela na strongpela gem long olgeta manmeri bai lukim. Bikos tupela tim wantaim i gat ol

eksperiens pilai na ol gutpela stail pilaia bilong mekim gem ya i kamap gutpela moa long ol manmeri i amamas long lukim. Posinu em i wanpela bikpela sempion tim bilong Wewak long las yia i kam na em bai pilai hat long holim yet biknem bilong em.

Wewak Ice tu i gat save long dispela kain salens bilong fainal na em bai givim bikpela salens tru long Posinu long winim dispela gem. Wina bilong tupela bai go wetim gren fainal.

Pilaim namel long Yakobis na Medics bai i no inap strongpela gem

tumas. Tasol bai Yakobis i pait strong long traim winim dispela gem. Sapos em i lus, em bai givim lus long hatpela rot na i no isi lus. Yakobis em nupela tim long Wewak soka resis na em bai traim eksperiens tim na pilaia bilong Medics. Medics i gat sans long winim dispela gem tasol em i no ken lukdaun long Yakobis. Em i mas pait strong na pilaim strong dispela gem. Nogut bai em i kirap nogut gem long Yakobis i mekim nois long umben bilong em.

Dispela fainal bai pulim planti manmeri long Wewak na pilai graun bai pulap gen long dispela wiken wantaim planti manmeri bilong sapatim ol feveret tim bilong ol.)

Wewak soka nogat mani bilong salim skwat: Vee

PRESIDEN bilong Wewak Soka Asosiesen (WSA) Michael Vee i tok PNGFA i mas givim sampela gutpela samting i go bek long ol asosiesen.

Presiden bilong WSA i mekim dispela toktok bihain long Wantok i askim em long watpo na WSA i no salim tim bilong ol meri Wewak i go kik long nesanel sempionsip las wik long Madang.

Vee i tok i no gutpela long ol lokel asosiesen i hat wok long painim moni na tromoi moni long baim sip na balus, haus bilong slip, kaikai, ol marasin na arapela samting moa ol pilaia i mas yusim long pilai.

"Dispela em i bikpela hat wok ol wanwan asosiesen i save traim long stretim long go kik. Olsem na PNGFA i mas givim ol sampela

YAKAM KELO i raitim

kain prais moni bilong helpim ol long kisim i go bek".

Em i tok PNGFA i gat bikpela wok yet long painim sponsa long ranim kain bikpela tonamen bilong ol man na meri long olgeta yia.

Em i tok PNGFA i mas luksave long hatwok ol asosiesen na ol pilaia i save mekim long painim mani na em i mas redim tu sampela mani bilong givim ol bihain long pilai na i no hap palang o kapa (sil na tropi) tasol.

Vee i tok tu olsem i gutpela long pusim ol pilaia bilong mipela i go aut na pilai long kain tonamen olsem long ol i ken lainim na kamap gutpela pilaia.

Tasol ol i mas kisim sampela

kain prais long pusim bel bilong ol long ol i ken kam bek gen long dispela tonamen long neks yia.

Presiden bilong Wewak i tok ol i save painim hat tru long painim mani long salim skwat bilong ol i go long nesanel sempionsip bilong PNGFA.

Olsem na long 1995, ol man bilong Wewak i no bin go kik long Mosbi long nesanel sempionsip. Long dispela yia tu, ol meri i no go long Madang long tonamen bilong ol meri.

Tasol long rekot bipo, Wewak i save go long nesanel klap sempionsip.

Ol klap olsem Wewak Yunaitet na las yia em Posinu.

Vee i tok moa olsem kain ples oisem Wewak i hat long painim sponsa bikos ol kampani o bisnis long hap i no save kisim edvetais-

men long niuspepa o redio na TV nabaut.

Olsem na ol bisnis i no gat wanpela samting long resis egensim long wok bisnis bilong ol. Na dispela i daunim tu sapot bilong givim sponsa long spot bikos ol i no wari long edvetaismen, Vee i tok.

Narapela bikpela hevi tu long Wewak soka em asosiesen yet i no gat soka fil bilong em long pilai.

Ol i no gat wanpela pilai graun bilong wokim banis na holim pilai long en na tu traim long pulim liklik moni long geit.

Vee i tok dispela em bikpela hevi olsem na ol i no save pulim wanpela moni long pilai bilong ol.

Bikos ol i save yusim tasol pilai graun bilong komyuniti we Taun Atoriti i save lukautim. Long dispela as, i no gat banis long pilai graun na olgeta manmeri i save go

lukim pilai tasol.

Em i tok WSA i bin raitim planti pas long askim Dipatmen bilong Is Sepik long helpim na painim wanpela hap graun long long ol i ken wokim pilai graun long en.

Tasol ol i no save kisim wanpela gutpela bekim long dispela askim bilong ol.

"Graun i stap tasol komplek bilong kompensesen tu i stap wantaim olsem na i hat long kisim graun long wokim pilai graun".

Long las wiken Wewak yet i holim Ista Kap soka resis bilong em. Tasol pilai i no pinis gut long fainel bikos ol i sot long taim long pilaim ol fainel. Long dispela as, WSA i pusim gem ya i go fowet long dispela wiken long ol i ken pinisim na kamap wantaim fainel bilong ol.



Difens bai mekim nois

Difens soka klab bilong Mosbi redi long mekim nois long Mosbi soka resis long dispela yia.

PNGFA i no makim nesanel kosa

PNGFA i no bin makim yet wanpela nesanel kosa na tu i no givim blasing yet long nupela mama lo bilong PNGFA long las wik.

PNGFA i bin tokaut long ol bai bung long Madang long Ista wiken na traim long makim nupela nesanel kosa na tu tokaut long planti arapela samting ol i mas kamapim long dispela yia.

Sampela samting we PNGFA inap long toktok long en em;

- 8-pela pilaia husat i bin bikhet long Tahiti SP Gems,
- Tokaut long nupela mama lo
- Tokaut long amas asosiesen nau i fainensel memba bilong PNGFA

- Makim nesanel kosa
- Toktok bilong Melanesian Kap

- Ripot bilong nesanel kosing dairekta
- na ol arapela progrem bilong dispela yia.


Tasol dispela kibung bilong PNGFA i no kamapim sampela nupela samting. Wok bilong makim nupela nesanel kosa long kisim ples bilong olpeia kosa, Posman Kisakiu em nau ol i mekim i op long ol kosa i ken aplai.

PNGFA i makim tu long toktok long wanem kain hevi o mekim-save bai ol pilaia yia i kisim. Tasol

ol i larim dispela hevi i stap yet long stretim long narapela taim bihain. Bihain long nesanel soka sempionsip bilong ol meri long Madang las wiken, PNGFA i makim wanpela trening skwat bilong ol meri long redim ol yet long go pilai long Tonga long dispela yia. Dispela skwar em;

Josphine Waiwai, Catny Wabilata, Tabitha Suwae, Rose Suwae, Fredicca Siwin, Nelligie Taman (PMSA), Wantin Yagun, Martha Raka, Edna John Thomas, Kay Eila, Hennie Towika (LFA), Mary Nabut, Freda Nagi, Mitchell Andra (Lahi), Martha Sala (PSSA), Gloria Robert, Vero Rupinae, Clarish Sagui, Elvina Joseph, Eisa Labong (Madang), Regina Seki, Maureen Hangat (Hagen), Vaina Ambrose na Ronney Taliyaga (Enga). Bai PNGFA i makim yet sampela moa pilaia long joinim dispeia trening skwat. Dispela em long kamapim moa pilaia bilong ol kosa i ken skelim na makim skwat long en.

Tasol PNGFA i no makim yet nesanel kosa bilong ol meri long go pas long dispela skwat bilong ol meri.



BIKPELA tok amamas i go long ol meri Lae (LFA) long winim nesanel sempionsip taitel bilong dispela yia 1996. Hatwok bilong ol long trening na bikpela laik na interes bilong pilai soka i pusim ol i go long Madang long pilai na kamapim bikpela salens long winim gren fainel. Tok amamas i go long ol na tu olgeta arapela soka asosiesen husat i salim ol meri bilong ol i go kik long Madang long las wiken.

Yumi ken luksave olsem ol dispela 9-pela asosiesen i lusim bikpela moni long redim skwat bilong ol, baim balus, sip na pmv i go long Madang long dispela pilai. Dispela i soim laik na interes bilong ol eksekutiv bilong wanwan asosiesen long i laik strongim na kirapim soka insait long hap bilong ol yet.

Amamas long ol nupela lain Bikpela tok amamas i mas go long ol meri husat i kam long

Interes bilong pilai em bikpela samting

Vanimo, Karkar na Mosbi Pablik Sevans long namba wan taim bilong ol, ol i mekim kamap long Madang long pilai insait long tonamen ya. Ol tu i bin pait hat tru long painim mani na redim gut tim bilong ol long go long Madang na pilai.

Tenkyu tu long Madang Soka Asosiesen long soim olsem yupela i ken lukautim na ranim kain nesanel tonamen olsem long Madang.

Soim strong na stail

Nesanel sempionsip em taim olgeta asosiesen i save traim long makim ol gutpela pilaia bilong ol long go kik egensim ol arapela meri bilong narapela soka provins.

Dispela em taim olgeta top pilaia bilong wanwan senta i bung na soim tru stail bilong ol.

Sampela senta i save gat moa gutpela pilaia winim arapela bikos ol i gat gutpela kosa, gutpela pilai graun bilong trening, gutpela bal na ol samting bilong trening wantaim na gutpela sapot o sponsa bilong ol pilaia i kisim moa na strongpela trening.

Long dispela as, sampela pilaia

long ol bikpela senta olsem Lae na Mosbi save gat moa sans bikos ol i painim isi long kisim trening. Na dispela i save mekim ol i kamap gutpela na strongpela tim.

Long arapela senta, i gat wanwan meri husat i wankain long ol meri husat i save kam long bikpela senta na i gat gutpela trening. Tasol planti arapela long tim bilong em i no wankain. Olsem na taim ol i bung long pilai long tim, dispela strong i no save wankain long strong bilong narapela senta.

Moa tonamen, moa strong

Tasol dispela samting i ken senis long bihain, sapos dispela liklik senta i ken wok hat long salim tim bilong em i go long nesanel sempionsip olgeta taim. Maski em i lus, em bai yusim dispela olsem strong bilong em i mas sanap long en na pilai strong long narapela yia.

Dispela i olsem kirapim bel long narapela yia. Moa sans, pilaia i pilai long bikpela pilai, dispela em i givim em strong na eksperiens bilong kamap gutpela na strongpela pilaia long bihain. Bikos em i

lainim planti samting pinis long ol bikpela pilai em i save go long en.

Senis long pilaia na tim

Taim wanpela o tupela pilaia bilong wanpela asosiesen i save kisim nem long stap insait long skwat bilong nesanel tim, dispela i soim olsem mak bilong gutpela senis.

Dispela em mak bilong gutpela pilai we dispela tim i kamapim na soim aut tupela o tripela gutpela pilaia bilong ol. Dispela i soim olsem wok bung wantaim bilong olgeta pilaia long kamapim ol dispela memba bilong ol i go long nesanel skwat.

Olsem na long narapela yia gen, dispela tim i mas kamapim wankain pilai gen long subim narapela tupela o tripela i go gen long skwat.

Moa pilaia i gat sans long nesanel skwat, dispela inap mekim dispela lokel tim i kamap strongpela tim long bihain egensim arapela biknem tim o klap.

PNGFA mas strongim interes

PNGFA i bin stopim dispela tonamen bilong ol meri long las yia. Na dispela i daunim tru laik

na interes bilong planti meri long las yia long redim ol yet gen long dispela yia. Ol i ting bai PNGFA i mauswara yet na senisim taim bilong ol long pilai. Long dispela as, sampela biknem soka pilaia i no redi na i no stap long skwat long dispela yia.

PNGFA i no ken mekim olsem gen bikos dispela i daunim laik bilong ol pilaia. Nau em 1996 na olgeta gem PNGFA i makim long kalenda i mas kamap stret long dispela taim.

Ol junia tonamen bilong mipela i no bin kamap long las yia na ol yangpela i stap nabaut pinis na wetim tasol wanem taim bai ol i gat sampela kain junia tonamen gen.

Ol lain junia tim husat i bin kisim promis long go pilai long Osenia gem long 1994 na Solomon Ailan long las yia, em nogat man i save nau sapos interes bilong ol long pilai soka i stap yet o no gat. Bikos laik bilong ol long las yia na 1994 i bagarap pinis na sapot bilong papamama bilong ol tu i go lus nating.

PNGFA i mas strongim ol junia long dispela yia insait long ol Spot Developmen Progrem bilong em.

Traim gen ol meri Mosbi

• Sofbol skwat bilong ol meri Mosbi i bin traim hat tru long pilai i go insait long gren fainal bilong sempionsip bilong ol. Tasol ol meri Lae i bin daunim ol 1-0 long gren fainal long Kavieng long lsta wiken.



Presiden askim long gavman helpim spot

ARI GUH DANDEE i raitim

PRESIDEN bilong Utipanda spots asosiesen insait long ples Yokua long Bulolo, Morobe provins, i singautim gavman long lukluk i go insait long kirapim strong ol wok bilong spot insait long ol ples.

Andrew Mera husat i presiden bilong dispela asosiesen i mekim dispela askim bilong em taim, em i bin traim hat tru long kirapim Utipanda spots asosiesen insait long mun Februari long dispela yia 1996.

Em i tok, i gat pinis 10-pela basketbal klap bilong ol man i rejista pinis na ol meri em, 8-pela soka klap. Long volibal em 11-pela volibal tim bilong ol man na meri tu i rejista long pilai insait long ol dispela viles kompetisen.

Dispela tingting bilong kamapim o kirapim spot asoseisen long hap i bihainim wanpela spot tonamen long las yia long mun Oktoba 1995, we planti bilong ol spot man na meri i bin laikim tru long ol i mas i gat wanpela spot asosiesen bai ol i ken pilai ol taim na bungim ol wantaim.

Long nau yet Mista Mera i tok olsem, ol pipel bilong ples i laikim ol kain sevis olsem bilong, kamapim gutpela sindaun tasol ol i laikim gavman tu long i mas lukluk long kirapim ol kain sevis i mas i go strong na stap strong bilong helpim ol.

Em i putim sampela askim bilong spot asosiesen bilong em i go pinis long distrit spot opis long lukluk na helpim tasol em i no kliia tumas wanem taim bai em i kisim ol dispela helpim bilong kamapim dispela spot asoseisen we ol pipel long ples i laikim.

Rate Card

Effective May 1st, 1996.

Word Publishing Company Pty. Ltd.

Established for twenty one years Word Publishing Company Pty Ltd is a joint venture of the Catholic, Lutheran, Anglican and United Churches in Papua New Guinea. Its charter is:

- * to publish newspapers which provide reliable news and well informed comment.
- * to enable readers to make objective judgements, to encourage responsible participation in community affairs.
- * to promote Gospel values and to hold a mirror to society and its institutions.
- * to provide access to a public forum for those who rely on pidgin as their means of communication.

Casual Rates

THE Independent

Display: **K3.50** sccm.
Classified: **K3.85** sccm.

WANTOK

Display: **K2.75**sccm.
Classified: **K3.00** sccm.

PNG BUSINESS


Display: **K3.25** sccm.
Classified: **K3.25** sccm.

The Independent

The voice of Papua New Guinea. Keep up to date with the latest national and international news and sport plus liftouts on education, entertainment, plus TV programmes and a complete racing guide. On sale Friday in Port Moresby and Saturday in the provinces.

PNG BUSINESS If you want to directly target the prestige market sector for business and investment then PNG Business is the medium for you. Published every last Friday of the month and distributed throughout the nation.

WANTOK Papua New Guinea's only Pidgin language newspaper, published every Thursday, Wantok gets your advertising message to the local market effectively.



Production Details

Printed and Published by Web Offset press in tabloid format.
Display pages are 38cms x 7 columns - Column Width 3.8 Cms.
Classified pages are 37 cms x 8 columns - Column Width 2.9 Cms.
Screen: 85%.
Copy Deadlines - Camera ready artwork by midday 2 days prior to publication, if Typesetting required 3 days prior to publication.
Loadings: P1 100%, Back page 50%, P2 20%, P3 40%, P5 25% and other preferred positions 10%.
Translation fee English/ Pidgin/ English, K50.00 per A4 page typed copy.

Australian & New Zealand Advertising Sales Representatives.

Tonkin Media Pty. Ltd, P.O. Box 101 Avoca Beach, NSW 2251, Australia. Contacts: Sydney, James Tonkin, phone: (043) - 851746, Fax: (043) 852017, Melbourne, Glen Smith, phone: (03) 807 2311, Fax: (03) 807 2275.


Deliver your advertising message direct to your target market at an extremely cost effective rate.

For details of discount rates and other special services available please see other side

THE Independent WANTOK PNG BUSINESS

HEAD OFFICE:

P.O. Box 1982, Boroko, NCD PNG, Spring Garden Rd. Hohola, Tel: 325 2500 Fax: 325 2579



• Em trening bilong Pikinini Spot Program insait long Mosbi siti. Dispela program i save makim ol liklik pikinini olsem long lainim spot taim ol i yangpela yet.

Vanimo redi tasol long bungim ol Wewak

FELIX RAMRAM i raitim

STRONGPELA man bilong lig insait long Vanimo Daniel Maskim i givim strongpela tok lukaut i go long tim bilong Is Sepik husat bai pilaim ol long namba wan raun bilong Cambridge Cup.

Wewak sait husat i no pilai ragbi lig longpela taim liklik bai go long dispela resis long Vanimo aninit long lukaut bilong kepten bilong ol Alex Anis.

Ol lain bilong Vanimo seleksen komiti i bin tokaut pinis long 20 man skwat bilong ol husat bai bungim ol Wewak na ol i stap trening pinis long tupela wik i go pinis.

Na sapos Vanimo i winim dispela pilai egensim Wewak, ol bai traim bun egensim bikpela ekspiriansait Madang long graun bilong Wewak long wanpela dei em Papua Niugini Ragbi Futbal Lig(PNGRFL) i no makim yet long ol long pilai.

Maskim i tokim Wantok olsem planti ol pilai bilong Wewak em ol i gat hevi na strong bilong pilai tasol ol boi nogut bilong Sandaun i ken pilai strong tru long autim tiket bilong ol mangi PS.

Maskim i mekim dispela toktok long wanem Wewak i nogat inap trening na lig i stat gen long provins ya las yia tasol.

Olgeta samting olsem pilai graun na ples bilong ol Wewak long silip em ol i redi tasol na ol komiti i wok long go het wantaim ol narapela samting.

Toktok i kam long ol lokel lig opisal bilong Vanimo i tok olsem lokel resis bilong ol bai go het yet long dispela taim tasol mein geim bipo long dispela bikpela pilai em bai name! long Tigers na Royals.

Interes bilong basketbal stap yet long Lae

BASKETBAL resis long Lae i no kamap yet bikos ol eksekutiv bilong Lae basektbal i no redim ol gem yet. Na tu ol planti samting long basketbal kot i no gutpela long pilai i kamap.

Lae olsem wanpela bikpela basketbal senta husat i save mekim biknem long ol nesanel konfrens i gat bikpela wok nau long stretim ol banis na samting long basketbal kot long Eriku. Na tu em i mas redim gut ol komiti bilong pilai long lukutim na ronim pilai long dispela yia.

Tasol seketeri, Martin Surab i tok bai pilai i go het yet bikos bikpela laik na interes bilong pilai basketbal i stap yet long ol manmeri. Em i tok ol toktok nabaut olsem pilai bai i no inap kamap long dispela yia em ol tok nating tasol bikos pilai bai go het yet long dispela yia 1996.

Surab i tok em i amamas long lukim olsem ol biknem klap na sampela nupela klap tu soim laik na interes long statim pilai gen long dispela yia.

Narapela basketbal resis we i save kamap long olgeta yia em Coca Cola pri sisen nokaut. Dispela pilai i no kamap long las wik tasol eksekutiv i ting bai dispela pilai i kamap long dispela wiken.

Ol biknem basketbal klap long Lae olsem Ntives, NS Busu, Stars, Telikom/Royals, United, Country na Coca-Cola i soim laik pinis long putim tim bilong ol man na meri long dispela resis.

Surab i askim ol klap long baim K10 rejistresen fi bilong ol tim bilong ol long pilai insait long dispela Coca Cola pri sisen nokaut. Dispela fi em ol klap i mas baim long dispela wik.

Em i askim tu ol klap opisel long kamap long bung bilong ol bikos bai i gat ol sampela bikpela samting long toktok long en. Insait long ol dispela bikpela toktok tu em wok bilong makim ol nupela opisel na gems komiti bilong Lae basketbal resis long dispela yia.

Surab i tok dispela em bikpela samting long olgeta basketbal klap long salim ol mausman na eksekuty-

tiv bilong ol i go long dispela miting. Bikos ol i mas traim long makim ol gutpela man bilong karimaut dispela wok bilong kamapim gutpela basketbal resis long Lae.

Dispela nupela eksekutiv na opisel bai makim Lae basketbal long bikpela bung bilong PNG Amatsa Basketbal Federesen jenerel miting long Sarere 13 Epril long Goroka.



• Zerupian ragbi tas tim bilong Hohola ragbi tas resis.

Limpia em nupela presiden bilong Hailens Basketbal Solidariti

LONGPELA taim sinia hailens basketbal referi Paul Limpia i kisim bikpela vot na kamap olsem presiden bilong Hailens Basketbal Solidariti long las wik Sarere taim ol i holim AGM bikpela miting bilong ol.


Inap long las wiken, Limpia i bin interim siaman na bihain long gutpela wok bilong long basketbal insait long Hailens rijin na bai go pas long wanpela ekspiriens eksekutiv komiti em Tom Gesa (namba tu presiden) na Robert Kapaol (Seketeri).

Long dispela bikpela miting bilong ol tu em Pogera Paiela Basketbal Asosiesen bai holim hailens rijinel basketbal sempionsip long Julai na 20-pela tim olgeta long ol ples olsem Yonki, Kainantu, Nipa na Tari bai kamap long dispela bikpela tonamen.

Maski ol i nupela long dispela sempionsip, mausman bilong Pogera Paiela Basketbal Asosiesen Leo Herris i givim bikpela sapot bilong em i go long HBS na tok olsem dispela bikpela tonamen em bai kamap bai givim sans long olgeta husat i stap long komyuniti long luksave long ol yet na husat i stap wantaim ol long hailens rijin.

Mt Hagen em narapela senta ol i makim sapos Pogera i no nap long bungim olgeta samting em dispela tonamen i mas gat bipo long mun Epril 30.

Maski ol lain bilong HBS i mas painim yet wanpela sponsa bilong ol, ol i putim pinis wanpela tripela yia developmen plen bilong ol pilaia, junia developmen, kosa na ol resis bilong kantri na ovasis tu wantaim.



Papua New Guinea an independent nation of vast contrast.

THE Independent WANTOK BUSINESS

Discount Rates

500 cms.....	5%
1000 cms.....	7.5%
1500 cms.....	10%
2500 cms.....	12.5%
5000 cms.....	15%
10,000 cms.....	17.5%
25,000 cms.....	20%
40,000 cms.....	22.5%

Space order advertising is subject to the following conditions:

1. The space order is taken for a period of either 6 or 12 months.
2. The amount of space ordered must be used within the designated period or a surcharge may be applied.
3. If the amount of space actually used exceeds the order and reaches the next level of space a rebate may be applied.
4. Space orders are subject to any rate increases which occur during the period of the order.
5. The space order does not apply to Classified Advertising.
6. In the event of cancellation of a space order by the client the publisher reserves the right to surcharge the client for the balance of unused space.
7. The publisher reserves the right to reject a space order.

Package Discount

Your Choice of 2 Papers
SAVE 15%

Your Choice of 3 Papers
SAVE 20%



Also Available

- * Inserts K60 per 1,000
- * Design & Typesetting
- * Cartoons
- * Spot Colour (K200 per colour)
- * Full Colour (K800)
- * Pidgin/ English/ Pidgin Translation.

TOKSAVE


Soka skwat bilong Mosbi meri i laik salim bikpela tok hamamas na tenkiu i go long Gaspar na Martha Keno wantaim olgeta lain bilong ol long lukautim ol long taim bilong sempionsip. Ol meri Mosbi i bin stap long Madang Tisa koles tasol sindaun i no orait tumas, olsem na Mista na Misis Keno i kisim ol i go long Sisiak 2 na lukautim ol gut tru. Ol Mosbi i hamamas long gutpela pasin ol lain Sepik ya i bin mekim na i soim. Ol Mosbi i tok maski ol stap long Sisiak settlemen tasol ol i bin enjoim stret.

Tenkiu tru Sisiak!



Kumul kepten egensim Langer

■ Antap: Allan Langer...
na long lephan em Kumul
kepten Adrian Lam husat
i save pilai long Sidni Siti
Rustas long Ostrelia.
Ol foto: Rugby League
Weekly.



PAPUA Niugini Kumul kepten Adrian Lam i kamapim top pilai nau long Sidni Winfield Lig wantaim tim bilong em, Sidni City. Bihain long tripela gem, em i winim pinis top awot olsem nambawan pilaia long tupela gem.

Dispela em long namba tu gem bilong 1996 sisen egensim Not Kwinslen Kaubois we Sidni City i win 40 na Kaubois 2, we Lam yet i skoarim tupela trai.

Long namba 3 gem bilong las wik Sande, Lam i kisim narapela awot bihain long em i pilai strong tru long takel, na tu long setim wanpela trai tasol bilong gem em kepten Brad Fitler i skoarim egensim sempion primia tim bilong las yia, Sydney Bulldogs long 10 poin. Bulldogs i skoarim 4pela poin tasol.

Trai egensim Bulldogs i kamap bihain long Lam i pulim tupela Bulldogs pilaia i kam long em na salim Ostrelia Kangaroo kepten, Brett Fitler i go skoa.

Bihain long dispela gem, Steve Roach bilong Chanel 9 televisen i givim awot na tok-tok wantaim Lam. Kumul kepten i tok em i pilai gut nau na i amamas long pilai bilong em. Lam i salim tu halo bilong em i kam long ol sapota bilong em long Mosbi, na long Papua Niugini long taim em i toktok wantaim Steve Roach.

Tasol nau yet Lam i gat bikpela salens i kam nau long ol arapela pilaia. Kosa bilong Roosters, Phil Gould i kisim tu wanpela top hap bek, John Simon. Na dispela i givim moa salens long Adrian long pilai gut na holim pas dispela namba 7 posisen bilong em.

John Simon em olpela Nu Saut Wels hap bek bipo long Ricky Stuart i senisim em. Na i save pilai long Illawara Steelers tim long planti yia i kam inap las yia.

Tasol kosa Gould i amamas yet long pilai bilong Lam long stiam tim long olgeta tripela namba wan gem.

Lam yet i tokaut olsem em i amamas long salens John Simon i givim em long resis long namba 7 jesi. Em i tok em i gat bilip long holimpas zet posisen bilong em tasol em i tokaut tu olsem em i mas i gat strongpela bilip.

Em i tok long namba wan taim em i no bin amamas long dispela kain salens. Tasol nau em i pilim olsem dispela salens bai helpim em long pilai strong moa.

Lam egensim Allan Langer

Narapela bikpela salens bilong Adrian Lam em long holim pas yet dispela namba 7 posisen long Kwinslen Stet ov Orijon tim. Posisen ya i bilong kepten bilong Brisben Broncos Allan Langer.

Tasol Langer i bin lusim sans taim em i lusim Ostrelia Ragbi Lig na joinim Supa Lig wantaim ol arapela wan pilaia bilong Brisben Broncos na ol arapela nem klap olsem Sydney Bulls, Canberra Raiders, Parramatta, Penritin, Gold Coast, Cronulla, North Sydney, Kwinslen Kaubois na Oklen Warriors.

Long dispela sans na planti nupela pilaia olsem Lam i winim spes long Kwinslen tim we ol i winim NSW long tripela gem olsem.

Tasol Langer wantaim ol arapela nem Maroons pilaia i kam bek nau na joinim ARL long dispela sisen. Olsem na bikpela pait bai kamap nau long lukim husat i ken stap insait long Stet ov Orijon tim.

Bikman bilong Kwinslen tim, Les Geeves i tokaut long dispela wik olsem em i no inap pasim ai long ol top Supa Lig pilaia husat i kam bek long ARL olsem Allan Langer.

Em i tok em wantaim ol arapela selekta bai givim wankain sans long olgeta pilaia. Olsem na dispela i min Kumul kepten bai mas pilai strong moa long stap insait long Maroons tim.

Ol maina primia tasol long klap semp: Mommers

NESENEL Klap soka sempionsip long mun Jun bai bungim olgeta maina primia tim bilong wanwan asosiesen long Lae.

Presiden bilong Papua Niugini Futbol Asosiesen (PNGFA), Peter Mommers i tok nau ol klap husat i bin kamap maina primia long wanwan asosiesen bilong ol long las yia i mas redim ol yet long dispela klap sempionsip.

Bikos ol i laikim bai ol klap i stretim nominesen fi bilong ol na ol haus slip bilong ol gut. Dispela em tripela wik pas-taim long tonamen i stat.

Mommers i tok PNGFA i laikim bai mak long 10 klap bilong ol man na 10 klap bilong ol meri i stap long dispela resis.

Bikos nogut ol i kisim planti klap na ol i painim hat long haus bilong slip o rot bilong go long Lae.

Mommers i tokaut klia olsem toktok bilong Mosbi


YAKAM KELO i raitim

soka Asosiesen (PMSA) long husat tim bai kamap long dispela resis i bin kamap long wanpela spesel miting bilong ol long Madang las wiken.

Ol i skelim toktok na painimaut olsem Yunivesiti bilong Mosbi i bin maina primia long las yia bikos ol i bin go pas long poin lata bilong resis inap long PMSA i makim ol fainel 4-pela tim bilong kik long nokaut.

Mommers i tok bikos Yunivesiti i gat nem pinis long pilai gen na banisim dispela taitel bilong nesenel klap sempionsip, bai tim husat i ron bihain long em bai go olsem maina primia bilong Mosbi. Dispela em Rapatona soka klap, em i tok.

PNGFA presiden i tok klia olsem olgeta asosiesen tu i redim maina primia tim bilong



□ Peter Mommers.

ol long dispela resis.

Na dispela em pasin ol i save bihainim long olgeta taim i kam.

"Sampela asosiesen i no save pilaim gren fainal.

Ol i save givim prais tasol long top tim husat i go pas long resis o poin lata taim

olgeta gem i pinis. Olsem na PNGFA i save makim dispela tim olsem maina primia o top tim bilong resis long kik insait long nesenel klap sempionsip", Mommers i tok.

PNGFA i makim pinis olsem Lae Futbol Asosiesen na Lahi Soka Asosiesen (LSA) bai bung wantaim long lukautim dispela nesenel klap sempionsip long mun Jun.

Dispela i min olsem pilai bai i stap LFA soka graun na tu long Sir Ignatius Kilage Stedum we Lahi i save yusim.

Tasol Lahi em wasman bilong dispela tonamen.

Nesenel klap sempionsip i stap aninit yet long lukaut na sponsa bilong biknem bisnis kampani bilong Lae.

Papindo Treding i bin makim dispela nesenel klap sempionsip olsem em bai sponsarim long 5-pela kris-mas olgeta.

Papindo i bin statim dispela

sponsa bilong em long 1994 taim Lahi i bin lukautim dispela tonamen long namba wan taim long Spot Stedum long Lae.

Dispela yia bai namba tri taim bilong dispela Papindo Kap nesenel klap sempionsip.

Presdien bilong PNGFA i tokaut tu olsem long neks wik Fraide bai ol eksekutiv i bung gen long Lae long sindaun na stretim ol toktok bilong dispela yia.

I gat planti arapela samting we ol i no bin stretim yet long las wik taim ol i bung long Madang long bikpela tonamen bilong ol meri.

Ol sampela bikpela samting bai PNGFA eksekutiv bung i traim long stretim em long makim nupela nesenel kosa bilong ol man, stretim na blesim mama lo bilong PNGFA, stretim hevi bilong 8-pela nesenel soka pilaia na ol arapela moa.

RAGBI LIG

NIUS



• Ol pilaia bilong Rabaul Guria, long lephan i go long rait em Lipirin Palangat, Joshua Kouoru, Tuksy Karu, Terry Longbut na kosa Apelis Maniot.

INSAIT

OL
DRO
pes 3

STORI
BILONG
WES
PATTON
BILONG
SIDNI
TAIGAS



pes 4

Kiunga lig no amamas long sampela samting wantaim PRL

IAN KAKARERE i raitim

I GAT belhevi i stap nau namel long Kiunga Ragbi Futbol Lig husat i bin afiliet wantaim Mosbi Ragbi Lig(PRL).

Ol lig opisals bilong Kiunga lig i wok long singaut nau long gutpela samting i mas kamap namel long tupela lig senta ya nau na mekim strongpela singaut tru i go long PRL long stretim dispela hevi.

Vais presiden bilong Kiunga lig Yangetem Katie i tok olsem olkosa bilong Westen provins i no bin kisim invetesen long kamap long wanpela level 1 kosing kos em bin kamap long PRL long Mosbi i no longtaim i go pinis.

Katie i tok olsem ol i no save long dispela kos olgeta i go inap long ol i ritim long niuspepa taim kos ya i pinis na ol lain husat i stap insait long dispela kos i kisim setifiket bilong ol.

Katie i tok olsem em i ringim edministreta bilong PRL Buddy Dou na tokim Dou olsem dispela em namba wan asua bilong ol.

Katie i tok tu olsem namba tu...

rong PRL i mekim em i nogat wanpela bilong ol Kiunga pilaia i stap insait long skwat bilong Vipers.

Em i tok olsem dispela lus bilong ol 40-20 egensim Brisbane Brothers i soim tru olsem ol Vipers i mas kisim ol nupela na ol pilaia husat i gat gutpela save long pilai. Kiunga i mas stap insait long Vipers skwat tu na ol pilaia bilong Kiunga em ol gutpela ateka na difenda egensim ol wanlain bilong ol long Mosbi.

Katie i tok olsem ol PRL i mas honest wantaim ol yet nogut ol tok-tok bilong ol long ol niuspepa i kamap olsem 'mauswara nating'.

Em i tok olsem Kiunga Lig i bin namba wan lig insait long kantri long sapotim PRL taim em i bruk long Papua Niugini ragbi Futbol Lig.

Katie i tok moa olsem Kiunga lig i pas wantaim PRL long wanem em i gat bikpela bilip long long ol progrem em PRL i putim kamap. Tasol nau PRL i wok long lus tingting long ol samting em i putim kamap long nius taim em i wok long part wantaim PNGRFL.

Kimbe, Buka na Kavieng gat sans long lukim ol Rabaul Guria

RODNEY KAMUS i raitim

OL lain husat i save sapotim na laikim pilai ragbi lig long Buka, Kavieng na Kimbe bai kisim gutpela sans nau long dispela yia long lukim SP Inta Siti tim bilong ol Rabaul Guria husat i makim ol Niugini Ailen tu bai pilai long asples bilong ol long dispela yia.

Long wanpela nupela dro em Papua Niugini Ragbi Futbol Lig i bin autim, ol Guria bai pilaim tupela pilai bilong ol long Kimbe, wanpela long Buka na wanpela long Kavieng.

Ol pilaia em wanpela bai kamap long raun 2. Namel long...

Guria na NCD Cowboys long raun 2 long Jun 9 long Kimbe na namba tu pilai bilong Kimbe em long raun 10 long Ogas 4 namel long Guria na Hagen Eagles. Pilai long Buka em bai kamap namel long ol ol Rabaul Guria na Lae Bombers long raun 5, Jun 30 na long Kavieng em bai kamap long raun 13 namel long Guria na Madang Globetrotters na Ogas 25.

Dispela nau bai givim sans long olgeta lig sapota long dispela ol ples long lukim bikpela pilai bilong kantri na ol Guria bai mekim dispela long bringim stret ol tim i go long ples bilong ol long ailen rijin.

Narapela bikpela stori gen em...

bai stat, i luk olsem bai i gat wanpela pri sisen salens. Dispela pri sisen salens bai stap long tupela divisen. Wanpela divisen em bai ol hailens divisen. Em bilong ol senta olsem Goroka, Kundiawa, Mendi na Hagen. Narapela divisen em Coastel divisen em bilong Nesenel Kapitel Districk, Rabaul, Lae na Madang.

Tupela divisen ya bai pilai namel long ol yet we ol hailens i pilaim ol yet na coastel bai pilaim ol yet na wina bilong ol bai go insait long pilaim pri sisen grenfainel.

Sisen propa bilong inta siti kap bai stat long Jun 2 na ol grenfainel...

Minj redi tasol long bungim Banz

ROBERT BOMA i raitim

MINJ Ragbi Futbol Lig i makim pinis 25 man skwat bilong ol long pilai long Cambridge Cup sempionsip. Tim bilong ol nau yet i stap aninit long strongpela trening tru aninit long lukaut bilong Jonah Aring husat i wanpela longpela taim residen bilong Minj. Minj bai pilaim Banz long namba wan raun bilong sempionsip long Minj ragbi lig pilai graun long April 14.

Full tim bilong Minj em; Nelson Sabiafo, Mek Peu, Bobby Kos, Jim Pena, Philemon Kumi, Gedion Kombkun, Bak Boma, Alex Kuno, Paul Tumun, Jopi Morthy Kay, Peter Karak, Goi Mapis, Steven Du, Joseph Kubul, Peterus Kui, Tony Kogen, Anthony Balu, Jackson Mond, Jimmy Tol, Yaks Konge, Philip Mung, Daniel Ape, Buri Kaman na Peter Billy.

Ol tim opisals em Edward Kupo kosa, Andy Brum asisten kosa, Jonah Aring trena, Jim Kalne tim menesa na Donald Teveko em tim dokta.

Flanti mani save lukim olsem Banz em sinia lig senta na Minj em junia lig senta tasol ol Minj bai traim hat tru long soim ol olsem dispela i rong long wanem ol bai pilai long asples bilong ol, presiden bilong Minj lig Jonah Amban i tok.

Presiden Amban i tok tu olsem Minj i nogat wanpela biknem pilaia insait long sait bilong ol tasol bai stap aninit long lukaut bilong Philemon Kumi na Jim Pena. Em i bilip olsem ol mangi Minj bai kisim moa sapot long dispela tupela pilaia.

Amban i tok olsem ol bai go insait na pilai lig tasol na em i singaut long olgeta sapot long noken mekim tabel na mas stap wanbal wantaim spot.

Em i tok olsem long olgeta pilai i nogat wina o lusa. Em bai hat tru long tupela tim wantaim long win long seim taim. Em i tok olsem tupela senta ya Banz na Minj i get nem long pilaim strongpela futbal tru na husat i no mekim planti asua bai kamap olsem wina.

Presiden Amabn tu i salim bikipela tok tenkyu bilong em i go long ol Bod ov Dairekta bilong Papua Niugini Ragbi Futbol Lig(PNGRFL) na Nesenel Cambridge Cup Komiti long wanem ol i no lus tingting long ol pipel bilong Minj na kirapim bek gen dispela resis. Em i tok olsem ol i amamas tru olsem ol i putim Minj olsem wanpela ples bilong holim pilai na mekim promis olsem ol bai mekim olgeta samting i redi bipo long dispela bikipela pilai bai kamap.

Long ol lokel resis bilong las wiken Brothers i winim United 10-4 na Raiders i winim East 6-4. Pilaia namel long West na Hawks em i no kamap long wanem bikipela ren tru i pundaun.

Madang makim Inta Siti Kap skwat

BEN TAUMAI i raitim

MADANG Ragbi Futbol Lig i tokaut pinis long 30 man skwat bilong Madang Globetrotters long pilai long Inter Citiy Kap na Nesenel Cambridge Kap sempionsip long dispela yia.

Presiden Masuda Labong taim em i tokaut long dispela skwat i tok olsem olgeta pilaia em ol i makim i stap nau long skwat tasol bai bai makim 17-pela tasol long pilai insait long dispela tupela bikipela tonamen.

Ol narapela pilaia bai stap wantaim olsem tim long risev lista na ol 13-pela bai pilai.

Em i tok olsem dispela i no stopim ol narapela pilaia long pilai hat na kisim wanpela spes long skwat. sapos ol i pilai gut long klab bilong ol, ol i ken go insait long namba wan 13 man lainap.

Na dispela tu i wankain long ol pilaia husat i stap long tim na i no pilai gut bai mekim rot bilong ol narapela long kam insait.

Insait long dispela nupela trening skwat, 7-pela em ol i bilong las yia Globetrotters tim na ol narapela em ol nupela pes.

Skwat em: Peter Vitoi, Kuks Pato, Jonathan Launa, Paka maip, Paul Aloji(Tigers) Wesley Hatepa, Robert Tia, Tony Kelepa, Wilson Iniviko, Jack Lus, Kero Koejo(Tarangau) David Samuel, Lawrence Gende, Wari Maino, Rusaiat Kunai, Graham Tivi(Royals) Jeffrey Bossi, John Dako, Chris Walemus, Reuben Vinum, Simon Jack, Luke Ainui, Lance Tirava, Uruk Miui(Panthers) Joe Topiaza, Ipul Mom, David Negints, Paul Poka Yakimp(Brothers) John Bolkun(Hawks).

Ol tim opisals em kosa John Jacob, trena Walo Agoago, menesa Benedict Buri na tim dokta em Dr Banik.

Vipers mekimsave long ol Sunshine Coast

Vipers 22 vs Falcons 2

RODNEY KAMUS i raitim

OL LAIN nogut bilong Mosbi Vipers i mekim namba wan win bilong ol long Kwinslen Stet Wide Ragbi Lig resis long las wik Sande taim ol i winim ol Sunshine Coast Falcons 22-2 long namba wan pilai bilong ol long Lloyd Robson pilai graun long Ista Sande.

Go egensim strong bilong ol Falcons long wanpela pilai we ren i bagarapim pilai graun, ol lain Vipers i no givim wanpela rum liklik long ol Falcons long ron na putim trai.

Kosa bilong Vipers Steve Malum i tok bihain long pilai olsem ol pilaia bilong Vipers i bin strongim gut tru banis bilong ol na lukluk long kondisen bilong ren na pilai graun i bagarap, ol Vipers i gat risen long amamas olsem ol i pilai gut tru.

Malum i tok olsem ol Vipers i ken pilai gut moa sapos san i lait.

Ol lain husat i go insait olsem Kera Ngaffin long fowats na Noah Kool na Mea Morea long beklin i givim moa pawa long tim.

Ngaffin i bin givim bikipela helpim tru long foat lain taim Kool na Morea i pilai gut tru wantaim long lukim olsem moa trai i kamap.

Sunshine Coast long narapela sait i tok olsem long nogat gutpela bal kontrol i kamap na ol i pundaun long pilai.

Kosa bilong ol John Bray i tok olsem ren i mekim na ol lain bilong em i no kontrolim gut bal we planti i pundaun.

Em i amamas tu long gutpela difens bilong ol Vipers ol i putim kamap we i mekim na ol lain long Sunshine Coast i

nogat wanpela sans long skorim wanpela trai.

Pilai ya i bin stat gut tru we long namba wan 20 minit bilong pilai i nogat wanpela skoa i kamap.

Faiv-eit bilong Vipers Luke Waldiat i opim rot bilong skoa taim em i kikim wanpela penalti gol i go insait na ol Vipers i go pas long skoa nau.

Bihain tasol long dispela insait long sait bilong ol Falcons, senta Noah Kool i givim wanpela gutpela bal long winga Robert Volu husat i skoa na ol Vipers i go pas long 6-0.

Kosa bilong Vipers Steve Malum i amamas tru long pilai bilong Kool husat i mekim ol strongpela ron tru i go antap long sait bilong ol Falcons. Em i ken sanap strong tru long ol takel na i ken rausim bal.

Wantaim Sunshine Coast i wok long pilai hat tru long brukim kiau, Volu i mekim liklik kik i go na skorim wanpela trai bihain long fulbek bilong ol Coast i pundaunim bal stret.

Ol lain Coast i kam bek strong tru long namba tu hap bilong pila we ol i kisim wanpela penalti long skoarim tupela pouts tasol. Tasol taim ol i laik skoa, ol i nogat sans olgeta long wanem ol Vipers fowat olsem James Naipao, Michael Mondo, Philip Walia, Gerega Vaira, Kera Ngaffin wantaim riplsomen fowat Billy Kamboa.

Lep winga Seko Pae i pasim olgeta rot bilong ol lain Australia taim em i skoa long kona.

Bihain long dispela, bikipela fowat Mondo i mekim wanpela strongpela ron tru i go na putim trai. Waldiat i kikim bal i go insait na ol Vipers i winim dispela pilai long 22-2.



• Ol Vipers i traim hat tru long takolim dispela pilaia bilong Westen Suburbs bilong Sysdney. Tasol las wiken ol Vipers i nekim gut ol Sunshine Coast 22-2 long Mosbi.

Lae Spiders winim Lae Ista Salens Kap

LAE Biscuit Spiders, long Mande 8, 1996 i winim BHP Ista Cup, taim ol i pilaim kumbin Morobe Tigres. Fainel sko bilong dispela bikipela pilai em, LBC Spiders 21 i winim KT Morobe Tigres. Dispela bikipela pilai resis i bin stat long Fraide 5, 1996 na i pinis wantaim gren fainel long Mande 8, 1996. Nainpela tem olgeta i bin pilai long dispela resis. Dispela i nambawan taim tru long Spiders i winim BHP Ista Kap. BHP wantaim Lae Ragbi Lig i bin statim dispela pilai long Ista stat long yia 1988. Pilai ya i stat long Fraide past tri long apinun, taim referee Luxie Metta i winim wisil bilong em.

Tupela tim i putim strongpela banis tru long trai lain we i bin hat stret long narapela i skoa. Tasol, insait long 20 mita mak, autsait senta, Patterson Tibe i skorim wanpela tra insait senta Billy Kinsim i aburusim kik na Spiders i go pas 4-0. Autsait centa bilong Spiders, Maisel Gaboi i skorim wanpela trai insait long 30 minit mak. Half back Morris Mora i kikim konversion na Tigres i go pas long 6-4. Tasol long 35 minit mak, rait winger, Bobby Selam i skorim nambatu trai bilong Spiders. Billy Kinsim i misim konversion na sko i sanap olsem, Spiders na Tigres 6. Dispela tu i half taim sko.

Long 41 minit mak, Huka, Philemon Mack i skorim wanpela 50 metre trai. Konversion kik bilong Billy Kinsim i orait na Spiders i go pas wantaim 14 points na Tigres i stap yet

long 6. Morris Mora i kikim wanpela penalti gol long 50 minit mak na sko i sanap olsem, Spiders 14 Tigres 8. Dispela tu i laspela point nambatu hap bilong pilai. Billy Kinsim i kikim wanpela penalti gol long 60 minit mak na bringim sko i go antap long 16-8.

Insait long 70 minit mak, Bobby Selam i skorim namba tu trai bilong em na bringim poin bilong Spiders i go antap long 20 na Tigres i stap yet long 8. Long 75 minit mak, Billy Kinsim i kikim wanpela fil gol na bringim sko i go antap long 21 na Tigres 8.

Dispela tu i fultaim sko. Na ol lain husait i bin pilai gut tru bilong Spiders em, Paul John, Billy Kinsim, Nime Dua, Philemon Mack, Sammy John na Patterson Timothy. Long sait bilong Tigres, em, Maisel Gaboi, Mathew Elara na Allan Mabu. Spiders i winim K2,500 wantaim BHP Ista Kap. Tigres i kisim K1,000.

Pilai namel long Royals na Tarangau, em Tarangau i winim 14-6. Tarangau i kamap nambatu na kisim K500. Namba foa ples, em Royals i kisim K300. Ol narapela tim, Brothers, Magani, Ramu Hawks, Panthers na Defence i kisim K250. Dispela i olsem Hamama Prais i kam yet long spona, em BHP Steel. Long, Gren Fainel bilong Pepsi U19, Magani i autim Spiders, 8-2 insait long wanpela gutpela pilai. Sisen tru bilong Lae Ragbi Lig bai kik off long dispela wiken, em Sarere, 13 na Sande 14 April 1996.

Ol Morobe Kantri Lig klab opisal kisim strongpela toktok

PRESIDEN bilong Morobe Kantri Ragbi Lig Roy Miringke i bin holim wanpela egent miting long Tunde long dispela wik na givim sampela toktok long wan wan opisal bilong wan wan klap. Em i bin toktok long ol pilai komiti na siaman bilong wan wan klap long wanem rot ol i kontrolim pilai long fil, em i tok tu, i mas i gat wan wan opisal bilong wan wan klap mas stap olgeta taim long opisal bokis. Ol klap esekutiv ol i mas kamap long olgeta taim long miting bilong Morobe kantri Ragbi Lig. Ol kosa na Menesa ol i no inap long kam long miting. Ol referi tu em o narapela bodi stret, aninit long referee president.

Tim menesa em wok bilong em long wasim Uniform, karim wara long pilaia na lukautim medical kit box. Presiden biong wanwan klap em i mas kontrolim ol sapotas long sait lain. I nogat gutpela referi long Morobe kantri lig, olsem na mipela tokim ol senia pilaia long refim gem, na tu referi i mas kontorlim ol pilai insait long fil, i no ol spektatas na sapotas, long sait lain. Mipela i no inap askim ol referi bilong Lae Lig, em ol i joinim pinis supa lig. Sapos mipela laikim bai mipela askim ol PRL Pot Mosbi lig long kam repim ol gem long hia. Long dispela yia Morobe kantri lig bai sanap strong tru, na kamap gut stret. Olsem na ol i painim yet spona bilong asistim dispela ragbi asoiesen. I gat plenti narapela samting long wokim na developim Olmili sports oval, mipela painim yet ol spona bilong nes yia yet. Long dispela yia mipela fomim gen Morobe Kantri lig, na nes bai ol samting orait tasol.

Olgeta 8-pela klap i mas baim affiliesen fis pastaim orait bihain ol i ken pilai long propa sisen. Prisen gren fainel bai kamap long dispela wiken, pilai bai stap namel long Yalu Aliwaong Hawks, na Souths em ol ranna hap klaps, tasol bai ol i tokaut long Fonde long miting.

Ten-siti Sulu Rengers em olminor premias bilong prisenen, ol i stan bai tasol na wet i stap. Ol 8-pela klap we bai resis long Morobe Kantri lig long propa sison em, Hawks, Yalu Aliwaong, Kamkumu, Wiru Raiders. Bugandi Shell Sotuks, Tencity Rengers, East and 10 Mile Brothers.

Electet siamna bilong Kamkumu graun em i plenim yet wanem kain disain on plen em bai Makim Olmili Spots Oval na facilities bilong Morobe Kantri Ragbi Lig. Miringkee i amamas stret long lukim ol skul sumatin bilong Unitech ol i kam wantaim nupela tims biong ol, East, em ol nambawan tim stret long histori ol i kam long pilai aninit long taun asosiesen. East em i minim olsem Eastern Highlands, em ol mangi goroka ol i kam stadi long Unitech.

Tripela rijon bai stap insait long Cambridge Kap resisi

TRIPLELA rijon insait long Papua Niugini nau bai gat sans long wokim nem long Cambridge Kap ragbi lig resis.

Dispela tripela rijon em Hailans, Noten na Niugini Ailan (NGI). Ol tim i givim nem long resis em Rabaul, Kavieng, Kimbe, Biella (NGI), Vanimo, Wewak, Ramu, Wau/Bulolo (Noten) Minj, Banz, Okapa, Kainantu, Wabag, Ialibu, Tari, Koroba (Hailans) Tabubil (Sauten)

Sauten rijon i gat wanpela senta tasol bikos ol arapela senta i joinim Pot Mosbi Ragbi Lig. Ol senta ya em Daru, Kiunga, Kerema, Alotau na Popondetta i no save gut yet long wanem sait em bai sapatim.

Ripot long hetopis bilong Papua Niugini Ragbi Lig i soim olsem ol sempion tim tasol bai gat sans long pilai long painol. Cambridge Kap resis ya em bai nok-aut tasol - i min

olsem ol wina bai pilai yet na lusa bai hangamapim su bilong ol.

Papua Niugini Ragbi Lig i kamapim dispela resis long givim sans long ol liklik senta long pilai ragbi lig.

Nau yet PNGRFL i wok long tingim inta siti kompetitisen bilong ol bikpela senta tasol na i no tingim ol liklik senta.

Bipo Cambridge Kap em bilong ol sempion tim tasol. Difens klap bilong Pot Mosbi em las tim i winim dispela kap. Tasol nau PNGRFL i kamapim nupela sistem bilong Cambridge Kap ya.

Resis bilong Cambridge Kap bai i go olsem. Ol wanwan liklik senta bai pilai long rigo bilong ol na ol wina bai brukim bun long rijonal level. Gutpela tok piksa em wina bilong Noten bai salensim Hailans or NGI rijon.



• Dispela em Wantok fail poto bilong Cambridge kap eksen long 1990. Long dispela piksa em yu lukim steven Toligur bilong NGIP Muruks i mekim wanpela kat-aut pas taim em i lukim foma Kumuls habbek Ifisoe Segeyaro i kam klostu long takolim em.

Ol tim bilong Cambridge Kap sempionsip

Mendi tokaut long skwat

Tim em; Robert Neal, Suku Wapiako, David Ako na Tony Barton. Nopi Kelly, Johnson Ison, Jonh Kuni, Peter Alkend, Henry Kunda, Eric Joe, David Wap, Bon Wasis, Peter Goiye, Aiyo Tobby, Joel Lialu, John Sengiso, Daniel Nap, Champion Andaripa, Steven Rumani, Karit Kilipia, Simon Tompa, Kaima Norombu na Neli Nembi. Tim menesa em Simon Otu na trena em Isreal Gigmai. Kosa em Bob Eka na tim dokta em Carmen Yakopa. Long lik stori bilong ol, Mendi lig bai holim olgeta pilai bilong ol long Tente pilai graun.

Full tim bilong Minj em; Nelson Sabiafo, Mek Peu, Bobby Kos, Jim Pena, Philemon Kumi, Gedion Kombkun, Bak Boma, Alex Kuno, Paul Tumun, Jepi Morthy Kay, Peter Karak, Goi Mapis, Steven Du, Joseph Kubul, Peterus Kui, Tony Kogen, Anthony Balu, Jackson Mond, Jimmy Tol, Yaks Konge, Philip Mung, Daniel Ape, Buri Kaman na Peter Billy.

Ol yangpela bosim Hagen skwat.

Hagen lig i makim planti ol yangpela long Cambridge Kap skwat. Tim bilong ol em; James Sikai, Wally Cumbahing, Billy Gau na Peter Siune, Michael Kilsh, Warrior Micky Cullingan. Bobby Ako bai go pas long ol lain yangpela ya. Ol narapela memba em Wiily Puri, Daniel Ken, Nissan Pakistan, Mong Kiap, Akson Moromoro, Peter Noki, Stanley Akinu, Joe Stanley, Albert paka, Danny Wyatts na Paul Kerua. Tim menesa em Jackson Kui na dokta em M. Wilson.

SP Inta Siti Kap skwat bilong Hagen

Eki Eki, David Tiki, David Gomia, James Kops, Andrew Norman, Agit Tete, Anton mal, Ignatius Duma, Moses Piandi, John Waka, Max Tiri, Andrew Kanamon, Billy Noir Junior, Sammy Bobson, Petrus Atep, Peter Dunn, Elias Komiak, Luto Aneyabu, Dimbi Ongogo, Michael Angra na Komp Rumints. Kosa em Peter Watts na menesa em Paul Morris na trena em Clint Avaka.

Minj mankim skwat bilong bungim Banz

Full tim bilong Minj em; Nelson Sabiafo, Mek Peu, Bobby Kos, Jim Pena, Philemon Kumi, Gedion Kombkun, Bak Boma, Alex Kuno, Paul Tumun, Jepi Morthy Kay, Peter Karak, Goi Mapis, Steven Du, Joseph Kubul, Peterus Kui, Tony Kogen, Anthony Balu, Jackson Mond, Jimmy Tol, Yaks Konge, Philip Mung, Daniel Ape, Buri Kaman na Peter Billy. Trena bilong tim em Jonah Aring, kosa em Edward Kupo, asisten kosa em Andy Brum, tim menesa em Jim Kalne na dokta em Donald Teveko.

Madang skwat bilong dispela resis

Madang i makim wanpela skwat bilong Inta Siti na Cambridge Kap taitel bilong dispela yia.

Skwat em; Peter Vitoi, Kuks Pato, Jonathan Launa, Paka maip, Paul Aloii (Tigers) Wesley Hatepa, Robert Tia, Tony Kelepa, Wilson Iniviko, Jack Lus, Kero Koejo (Tarangau) David Samuel, Lawrence Gende, Wari Maino, Rusaiait Kunai, Graham Tuvi (Royals) Jeffrey Bossi, John Dako, Chris Walemus, Reuben Vinum, Simon Jack, Luke Ainui, Lance Tirava, Uruk Miu (Panthers) Joe Topiaza, Ipul Mom, David Negints, Paul Paka Yakimp (Brothers) John Bolkun (Hawks).

Ol tim opisals em kosa John Jacob, trena Walo Agoago, menesa Benedict Buri na tim dokta em Dr Banik.



• Ol NGIP Muruks i bin winim Cambridge Kap tupela taim.

SP INTER CITY CUP SUGGESTED PRE-SEASON




Highlands Division		Coastal Division	
Sun 5 May	MDU v HGU (MDU) GKA v KWA (GKA)	RAB v MAG (KBE) LAE v NCD (LAE)	
Sun 12 May	KWA v MDU (KWA) HGU v GKA (HGU)	MAG v LAE (MAG) NCD v RAB (POM)	
Sun 19 May	MDU v GKA (HGU) HGU v KWA (HGU)	NCD v MAG (LAE) LAE v RAB (LAE)	
Sun 26 May	Final (GKA) Winner (Highlands Div)	v Winner (Coastal Div)	

Season Proper Rd. One Sun 2nd June Final Sun 2nd Sept Official Launch - SP Lounge Thursday 18th April

Round	Date	Venue
Round 1	(2nd June)	
Bombers	v Muruks	(LAE)
Globe Trotters	v Eagles	(MAG)
Lahanis	v Cowboys	(GKA)
Warriors	v Gurias	(KWA)
Round 2	(9th June)	
Globe Trotters	v Bombers	(MAG)
Muruks	v Lahanis	(MDU)
Eagles	v Warriors	(HGU)
Gurias	v Cowboys	(KBE)
Round 3	(16th June)	
Lahanis	v Globe Trotters	(GKA)
Warriors	v Bombers	(KWA)
Cowboys	v Muruks	(POM)
Eagles	v Gurias	(HGU)
Round 4	(23rd June)	
Warriors	v Lahanis	(KWA)
Globe Trotters	v Cowboys	(MAG)
Bombers	v Eagles	(LAE)
Gurias	v Muruks	(KPO)
Round 5	(30th June)	
Cowboys	v Warriors	(POM)
Eagles	v Lahanis	(HGU)
Muruks	v Globe Trotters	(MDU)
Gurias	v Bombers	(BKA)
Round 6	(7th July)	
Cowboys	v Eagles	(POM)
Warriors	v Muruks	(KWA)
Lahanis	v Bombers	(GKA)
Globe Trotters	v Gurias	(MAG)
Round 7	(14th July)	
Eagles	v Muruks	(HGU)
Bombers	v Cowboys	(LAE)
Globe Trotters	v Warriors	(MAG)


Lahanis	v Gurias	(GKA)
Round 8	(21st July)	
Muruks	v Bombers	(MDU)
Eagles	v Globe Trotters	(HGU)
Cowboys	v Lahanis	(POM)
Gurias	v Warriors	(KPO)
Round 9	(28th July)	
Bombers	v Globe Trotters	(LAE)
Lahanis	v Muruks	(GKA)
Warriors	v Eagles	(KWA)
Cowboys	v Gurias	(POM)
Round 10	(4th Aug)	
Globe Trotters	v Lahanis	(MAG)
Bombers	v Warriors	(LAE)
Muruks	v Cowboys	(MDU)
Gurias	v Eagles	(KBE)
Round 11	(11th Aug)	
Lahanis	v Warriors	(GKA)
Cowboys	v Globe Trotters	(POM)
Eagles	v Bombers	(HGU)
Muruks	v Gurias	(MDU)
Round 12	(18th Aug)	
Warriors	v Cowboys	(KWA)
Lahanis	v Eagles	(GKA)
Globe Trotters	v Muruks	(MAG)
Bombers	v Gurias	(LAE)
Round 13	(25th Aug)	
Eagles	v Cowboys	(HGU)
Muruks	v Warriors	(MDU)
Bombers	v Lahanis	(LAE)
Gurias	v Globe Trotters	(KVG)
Round 14	(1st Sept)	
Muruks	v Eagles	(MDU)
Cowboys	v Bombers	(POM)
Warriors	v Globe Trotters	(KWA)
Gurias	v Lahanis	(KPO)
Semi-Finals	8th Sept	
Preliminary Final	15th Sept	
Final	22nd Sept	

WANTOK SPOT



Gutpela luksave bilong PNGFA

PNGFA i kamapim gutpela tingting long traim holim sampela pilaia bilong Saut Pasifik Gems long 1995. Em i mekim gut tu long traim givim ol trening long dispela taim nau inap bikpela soka resis bilong Melanesian Kap i kamap long Lae long mun Oktoba.



Presiden bilong PNGFA i tokaut pinis long dispela wik olsem ol i traim long mekim dispela long larim ol dispela pilaia i stap fit inap long PNGFA i makim trening skwat bilong Melanesian Kap tonamen.

Glasim Pilai i ting dispela em gutpela tingting na gutpela rot bikos sampela pilaia i mas fit na redi long stap long skwat. Bikos sampela nupela pilaia bai i no kisim inap trening taim ol i joinim skwat. Taim tu bai i sotpela long ol i kisim moa trening na taim bikpela pilaia ya i kamap, ol bai i no inap fit long pilaim olgeta gem bilong ol.

Skwat na kosa i no yet

Yumi mas skelim nau olsem PNG i gat sotpela taim tru long holim na kamapim gutpela trening long ol pilaia bilong em. Nau yet PNGFA i no makim wanpela nesanel kosa long kisim dispela wok bilong trenim ol pilaia. Na tu ol i no tokaut yet long nem bilong ol pilaia husat bai i stap long PNG skwat long pilaim Melanesian Kap tonamen.

Skelim taim bilong trening

PNGFA bai tokaut long nem bilong ol skwat bihain long bikpela soka tonamen bilong Nesanel Klap sempionsip i kamap long Lae long mun Jun. Na ol dispela skwat bai i gat foapela mun tasol long holim trening bilong ol.

Dispela em i sotpela taim tru na yumi i no klia ol skwat bai kisim wantaim kain gutpela trening long dispela taim.

Bikos ol pilaia bilong arapela Pasifik kantri olsem Fiji, Vanuatu, Solomon Ailan, Nu Kaledonia na arapela moa i save autim tiket bilong PNG bipo. Olsem na dispela eksperians bilong bai i bikpela hevi long PNG i traim long winim. Yumi no klia bai PNG i autim tiket bilong ol long dispela taim o bai yumi lus yet olsem bipo.

Manis Lamond long PNG tim

Gutpela nius olsem wanpela soka pilaia bilong PNG, Manis Lamond husat i save pilaim profesenel soka long Sidney,

Australia bai joinim ol boi long hia na pilai long dispela tonamen. Manis em bilong Sentrel provins na i save pilai long Sidney. PNGFA i pait strong long kisim em i kam long pilai wantaim mipela long dispela taim.

I luk olsem bai eksperians na save bilong Manis bai helpim ol boi bilong mipela long PNG long kamapim sampela gutpela senis long sans bilong mipela long winim gem. Na tu bai gem bilong Manis i helpim ol boi bilong mipela long luksave na lainim sampela gutpela samting long dispela.

Tenkyu Finsafen

Tok amamas i go long ol ogenaisa na komiti bilong Finsafen long lukautim na kamapim gutpela soka tonamen bilong Morobe Spot Federesen long Ista wiken long Finsafen stesin.

Dispela i soim gutpela laik na sapot bilong kirapim soka insait long distrik na tu long kantri olgeta.

Dispela pasin i ken kirapim bel bilong ol yangpela long pilai strong na kamap gutpela pilaia bihain long makim kantri na wokim nem bilong PNG tu long ol ovasis tonamen long bihain.

Finsafen i gat nem long kamapim planti gutpela biknem soka pilaia long bipo. Sampela biknem soka lain husat i save mekim nem bilong PNG long ol ovasis tonamen olsem Daino Sami, Ogeng Dengkio, Martin Laviong na Dickson Laviong, Komok Jem na arapela moa mi no inap tingim.

Planti yangpela i wok long kamap nau na kain gutpela wok olsem bai kamapim planti yangpela olsem long bihain.

Tok amamas long PMSA

Amamas i go long nupela eksekutiv bilong Mosbi Soka Asosiesen long kamap na kisim opis long ranim wok bilong soka long Mosbi.

Dispela em ol biknem administreta na biknem soka pilaia tasol husat i stap nau long eksekutiv bilong PMSA.

Olsem na dispela save bilong ol bai kamapim gutpela helpim na wok bilong karim Mosbi soka i go moa long dispela yia na bihain tu.



Sekim em ...

□ Olpela Kumul faiv-eit i kisim singaut bilong ol Vipers selekta long pilai long Vipers egensim ol Wynum Manly long dispela wik Sande. *Lukim ful ripot insait long Ragbi Lig Nius.*

PNGFA i laik holim yet SP Gems skwat

YAKAM KELO i raitim

PAPUA Niugini Futbol Asosiesen (PNGFA) presiden Peter Mommers i askim Joe Turia bilong Mosbi na John Gringo bilong Madang long go het na kisim ol Madang na Mosbi pilaia long trening. Dispela em ol las yia SP Gems skwat.

Mommers i tokim Wantok long dispela wik olsem Joe Turia bai i go het na kisim ol Mosbi pilaia long trening long mekim ol i stap fit inap long taim bilong seleksen long Jun. Ol pilaia bilong Madang tu i wankain.

Mommers i tok ol pilaia bilong SP Gems long las yia i mas stap fit inap long nesanel klap sempionsip long mun Jun long Lae taim ol i makim ful skwat bilong PNG tim.

Dispela em PNG tim bilong pilai insait long Melanesian Kap na Wol Kap Kwalifai.

Tasol bai tupela i go het tu long lukluk long kisim arapela moa pilaia long stap insait long trening ya, Mommers i tok.

Wantok i traim long toktok wantaim Turia na Gringo tasol tupela i hat long kisim.

Long dispela taim yet i no gat wanpela nesanel kosa bilong ol man na meri long kisim ol pilaia long trening.

Tasol PNGFA i tokaut pinis olsem ol i putim toksave o edvetismen bilong ol kosa i ken aplai long traim winim dispela tupela posisen.

Long dispela wiken, bai ol eksekutiv bilong PNGFA i bung

... Manis Lamond bai pilai tu

long Lae long holim bung bilong ol.

Dispela bung bai ol i toktok moa long ol wok redi na progrem bilong holim Melanesian Kap soka resis long Lae.

Ol kantri olsem Fiji, Solomon Ailan, Vanuatu, Nu Kaledonia na Tahiti bai i kam long pilai.

Mommers i tokaut tu olsem bai intanesenel soka pilaia, Manis Lamond husat i save pilai long Australia bai kam bek na pilai long kantri bilong em long PNG.

Manis i bilong Papua Niugini na i save pilai soka long wanpela soka klap long Sidney, Australia.

Mommers i bin go daun pinis long Australia na toktok wantaim klap bilong Manis na ol i wanbel pinis long larim em i kam na pilai wantaim kantri bilong em.

Sidni klap bilong em bai tromoi mani long baim rot bilong em i kam na go bek tasol sapos ol i no inap mekim dispela, PNGFA i redi long baim rot bilong em i kam na go bek, Mommers i tok.

Hap bilong slip em nogat hevi bikos em bai slip wantaim ol PNG pilaia.

Manis bai kamap long PNG

pastaim long pilai i stat. Dispela bai 7 o 10-pela de pastaim long tonamen i stat.

Toktok long intanesenel gem olsem, Mommers i tokaut tu olsem bai wanpela soka tim bilong ol man na meri long Australia i kam antap long PNG long pilai wantaim skwat bilong ol man na meri. Dispela em wanpela askim bilong Australia soka tim ya i kam long PNG long kamapim dispela gem egens PNG.


Long dispela wiken bai PNGFA insait long dispela bung bilong ol long Lae na paitim toktok long dispela gem na makim taim bilong oraitim Australia tim long kam antap.

Bihain long dispela Australia tim i kam pilai pinis na go bek, bai tim bilong ol man i ken redi long pilai long Melanesian Kap resis na tu ol meri bai redi long go long Tonga na pilai long Polinesian Kap tonamen.

Bos bilong PNGFA i no tokaut moa long arapela agenda o ol toktok bai PNGFA eksekutiv i toktok long en long dispela wiken.

Dairekta bilong kosa, Idris Kumbrawah i tokaut tu olsem taim ol i kisim nem bilong ol kosa husat i aplai long posisen bilong ol man na meri, bai ol i tokaut long pinis bilong dispela mun.

Bihain long ol i makim kosa bilong ol man na meri, bai PNGFA i go insait long wokim ol progrem na trening kem bilong ol man na meri long statim trening bilong ol long redim ol long intanesenel gem bilong ol.



Ragbi Lig Nius



Vipers selekta singautim gen sevis bilong Tuksy Karu

OLPELA Kumul na Vipers faiv-eit Tuksy Karu i stap nau olsem wanpela risev bilong Mosbi Vipers long pilaim ol Wynum Manly long dispela wik Sande.

Karu husat i no bin pilai long las tupela pilai bilong ol Vipers bihain long sampela kain hevi i gat sans nau long soim ol stail bilong em we i mekim em i kamap namba wan faiv-eit long stat bilong 90's.

Sapos Karu i kisim sans long namba wan 20 minit, em bai givim gutpela helpim long olupela Kumul kepten na Vipers kepten bilong nau Stanley Haru log winim ol primia tim bilong Kwinslen long dispela wiken.

Stail faiv-eit ya mangi Kerema i tokim Ragbi Lig Nius olsem em i amamas tasol long kisim singaut bilong ol selekta

RODNEY KAMUS i raitim

em kepten Stanley Haru i save karim long taim bilong pilai. Wantaim kambek bilong Karu, ol Vipers i mas wokhat nau long strongim banis bilong ol. Dispela hap i save mekim na ol i save pundaun.

Wanpela samting ol Vipers i mas wokhat tru em long difens bilong ol na pilaim ful 80 minit futbol sapos ol i laik winim ol Wynum Manly klab long Kwinslen Stet Wide resis. Tupela tim ya bai bung namba wan taim tru long dispela wiken long Lloyd Robson pilai graun long dispela wik Sande.

Long tupela bilong ol Vipers wantaim we ol i lus long bikpela skoa tru, difens bilong ol Vipers tasol em bin wanpela bikpela eria tru bilong pilai we i mekim ol i lus.

Vipers wantaim gutpela sapot ol bai kisim long ol lain sapota bilong ol long Llyod Robson pilai graun bai pilai hat tru long strongim difens bilong ol long winim pilai bilong ol.

Ol kain pilai olsem Kera Ngaffin, Billy Kambao, Michael Mondo na Gerega Vaira bai wok hat tru long strongim fowat lain bilong ol na tu go pas long difens bilong ol Vipers.

Vipers kepten na hapbek Stanly Haru bai mekim planti wok tru long namel bilong pilai long lukim olsem beklain bilong ol Vipers i mekim wankain wok long givim gutpela sapot long ol fowat lain. Seko Pae, David Mune na Robert Volu bai mas wok hat moa long lukim olsem ol

gutpela faiv-eit husat bai i ken stap namel na kontrolim pilai gut tru. Nau yet em hapbek Stanley Haru tasol i save stap namel na traim hat tru long salim ol pilai

namel long fowat na beklain.

Sapos ol Mosbi Vipers i nap long stretim difens bilong ol, ol bai givim wanpela hatpela pilai stret long ollain Wynum Manly.

Tim bilong Vipers long pilaim ol Wynum Manly long dispela wik Sande em David Mune, Seko Pae, Mea Morea, Noah Kool, James Miviri, Luke Waldiat, Stanley Haru,

Michael Mondo, Ronald Vue, Kera Ngaffin, James Naipao, Billy Kamao, Gerega Vaira, Paul Komboi, Tuksy Karu, Daure Ova, Otmar Wale.

MOSBI VIPERS VS WYNUM MANLY

bilong Vipers na em bai traim hat tru long pilai gut long helpim ol Vipers i winim dispela pilai.

"I nogat bikpela toktok long kambek bilong mi tasol, sapos ol i givim mi wanpela sans insait long fes hap yet, mi bai traim long long pilai hat tru na kisim wanpela ples long namba wan 13." Karu i tok.

Vipers kosa Steve Malum i tok olsem em tu i amamas long kambek bilong Karu na bai traim wok hat tru wantaim em long apim fitnes bilong em i go antap.

"Karu em i wanpela namba wan faiv-eit, tasol i gat planti samting em i mas mekim long helpim em yet," Malum i tok.

Malum i tok moa olsem kambek bilong Karu bai helpim long pulim sampela hevi

Long pilai bilong ol Vipers long las wiken, ripot Ragbi Lig Nius i kisim i tokaut olsem planti bilong ol pilai i no bin strongim gut tru banis bilong ol na dispela i mekim na ol lain long Toowoomba i bin nekim ol wansait stret long 52-12 long las wiken.

Sapos ol Vipers i no laikim dispela samting long kamap gen long ol, ol i mas wokhat tru long difens bilong ol namel long dispela wik. Long wanem dispela wik Sande em ol bai bungim ol primia tim bilong Kwinslen resis em Wynum Manly husat i winim dispela primiasip long las.


Ol Manly husat i gat ol biknem pilai bai lukim olsem ol i mas mekim rekot bilong ol i gutpela yet na bai pilai strong tru egensim ol Vipers long winim ol.

bal i mas go aut long sait bilong ol kwiktait. Mosbi Vipers i winim wanpela pilai bilong ol tasol egensim Sunshine Coast Falcons long tupela wik i go pinis bihain long wanpela strongpela pilai bilong ol tru. Namba wan pilai bilong ol em ol u lusim egensim ol Brothers na las wiken tasol em ol i lusim dispela pilai bilong ol egensim ol lain Toowomba.

Ol lain Vipers husat i bin traim hat tru long dispela pilai em David Mune, Stanley Haru, Micheal Mondo, na fowat Gerega Vaira.

Long dispela wiken gen, dispela ol man bai traim hat tru long go pas long ol Vipers gen.

Wanpela samting em ol Vipers i nogat em ol i nogat wanpela



• Kambek bilong Tuksy Karu long Vipers bai givim moa sapot na rausim ol bikpela hevi long Stanley Haru. Tasol Karu i stap olsem risev pilai.



Em i Pepsi long PNG!

CAMBRIDGE CUP

CAMBRIDGE CUP

CAMBRIDGE CUP

1996 Cambridge Cup Ragbi Lig Salens

Wabag bagarapim sindaun bilong lalibu

WABAG 17 IALIBU 12

WABAG i mekim nem bilong em yet i kamap bikpela nau long ragbi lig long wanem em bai go insait long namba tu raun bilong Cambridge Kap resis long dispela wiken egensim Mendi bihain long ol i winim lalibu 17-12 long las wiken.

Bikpela pilai bilong ol Wabag i bin kamap long las wiken long Aipus Lig graun long ai bilong moa long 3000 sapota husat i kamap long lukim dispela bikpela pilai namel long tim bilong ol na ol lalibu bilong Sauten Hailens.

Tasol long dispela wiken, Wabag bai bungim namba wan traim bilong ol tru taim ol i pilai longwe long ples bilong ol egensim ol Mendi long mendi yet.

Long pilai bilong las wiken, tupela sait wantaim i soim strongpela pilai tru tasol ol lain Wabag i soim stail antap moa yet.

Ol lain Wabag i no westim wanpela taim long taim pilai i stat i go inap long pinis bilong pilai. Fultaim skoa em Wabag i win long 17-12.

Wewak autim Vanimo na redi long bungim Madang

RODNEY KAMUS i raitim

MOA long 2000 manmeri i bin kamap long lukim namba wan raun bilong Cambridge Cup pilai namel long tupela poroman senta Wewak na Vanimo long las wik long Vanimo.

Ripot Ragbi Lig Nius i kisim long Vanimo i tok olsem tupela senta wantaim ya i bin kamapim strongpela pilai tru namel long tupela we yet Wewak bihain long ol i kisim gutpela wok bilong ol long ol fowats bilong ol i winim dispela pilai.

Bihain long wanpela liklik opening seremoni we tupela tim wantaim i mas, referi bilong pilai i statim pilai long 4 klok long apinun stret.

Insait long namba wan 10

Wewak 16 Vanimo 12

minit bilong pilai, tupela tim wantaim i kamapim strongpela pilai tru. Tupela tim wantaim i soim strong bilong ol long sait bilong ol long fulbek na fowats wantaim i go inap long 12 minit mak nau na ol beklain bilong Vanimo i paia.

Gutpela pilai namel long beklain bilong Vanimo i lukim fulbek Titimus Reuben i skorim namba wan trai bilong apinun. Kik bilong ol i no painim gol pos na Vanimo i go pas long 4-0.

Tasol ol lain long Wewak i no nap lusim ol Vanimo i mekim save long ol isi tasol na bihain long ol fowats bilong ol i wok hat tru, Wewak i skorim wanpela trai.

Kik i go insait na Wewak i go

pas gut tru long skoa 6-4.

Bihainim dispela trai gen, Ol Wewak i skoa gen na skoa bilong ol i go antap long 10-4 bihain long kik i abrusim mak.

Skoa long namba wan hap bilong pilai i bin sanap olsem Wewak i stap long 12 na Vanimo 8 poinis bilong long wanpela las minit trai bilong ol Wewak.

Insait long namba tu hap bilong pilai, Wewak i skorim wanpela moa trai na Vanimo tu i skorim wanpela long bringim skoa i go antap long 18-12 na Wewak i winim ol Vanimo.

Seketeri bilong Vanimo lig Paul Samof i tokim RNL olsem tupela tim wantaim i bin kamapim strongpela pilai tru

tasol Wewak long ol strongpela ron bilong ol long ol fowats i mekim na ol i winim dispela pilai. Samof i tok olsem Vanimo long fowats bilong ol i no strong tumas tasol pawa bilong ol i stap long beklain.

Long nogat gutpela kodinesen namel long ol fowats bilong ol na beklain i mekim na Vanimo i lusim dispela pilai bilong ol.

Wewak i winim dispela pilai long wanem ol fowats bilong ol i wok hat tru, Samof i tok.

Long dispela wik long raun 2, Wewak bai bungim Madang long Pora Oval long Wewak yet.

Dispela i sans bilong ol mangi Wewak long soim tru olsem ol i ken winim wanpela biknem senta olsem Madang husat i gat planti ol eksperiens pilaia husat i save pilai long inta siti resis.

Minj winim Banz long strongpela pilai

MINJ 20 BANZ 18

ROBERT BOMA i raitim

MINJ ragbi lig graun i bin pulap tru long Sande taim Minj i pilaim Banz long namba wan raun bilong Nesenek Cambridge Kap sempionsip long Minj we Minj i winim Banz 20-18.

Dispela pilai i bin kamap hat tru na tupela sait wantaim i soim strong bilong tupela gut tru long sait bilong atek na difens. Taim pilai i stat, tupela sait wantaim i strong nogut tru tasol long 17 minit mak Joe Gelu bilong Banz i opim rot bilong skorim poinis taim em i putim wanpela trai long kona bihain long sampela gutpela beklain wok i kam long olpela Hagen Eagles senta Thomas Tumbo.

Taim Minj i lukim olsem, ol i kirapim ensin bilong ol na salim Anthony Balu na Joei Morthy Kay na ol i salim Bobby Kos long skorim namba wan trai bilong ol Minj aninit stret long gol pos. Bobby i kikim trai bilong em yet na Minj i go pas long ol Banz long 6-4. Bihain dispela tasol Minj i skoa gen i kam

long Bak Boma long surikim lid bilong ol i go antap long 10-4. Long 35 minit mak, Jopi i brukim banis bilong ol Banz na skoa aninit stret long pos na Jim Pena i kikim i go insait long surikim skoa bilong ol i go antap olgeta long 16-4 long hap taim. Long namba tu hap bilong pilai, banz i kam insait strong tru na traim long holim skoa bilong ol Minj. Banz i putim wanpela trai na Kevin Noah i kikim gol i go insait long apinun skoa bilong ol i go antap.

Long namba 64 minit mak, banz i salim John Dar i go long skoa na Noah i kikim i go insait we i bringim skoa bilong ol Banz i go antap long 18-16 egensim ol Minj. Taim skoa i stap long 18-16 na tupela minit bilong pilai i stap yet em Banz i go pas, Gedion Kombkun i salim wanpela bal i go long Philemon Kumi bilong Minj husat i skoa long kona na Minj i go pas gen long 20-18. Wantaim sampela seken bilong pilai i stap yet, ol Banz pilai na opisals bilong ol i stat long tok nogut long referi John Ropa bilong Hagen. Tasol pilai ya i no pinis gut bihain long ol sekyuriti i go insait na brukim daun wanem samting i luk olsem wanpela bikpela pait.



Tarangau pawa...

Dispela em Tabubil Tarangau tim husat i pilai long Cambridge Cup resis long 1990.

SKOBOD NA DRO

ROUND ONE RESULTS

Rabaul	24	def	Kavieng	10
Kimbe	22	def	Bialla	18
Wewak	18	def	Vanimo	12
Ramu	30	def	Wau/Bul	22
Kainantu	31	def	Okapa	18
Minj	20	def	Banz	18
Wabag	17	def	lalibu	12
Tari	12	def	Koroba	8

ROUND TWO DRAWS 20/21 APRIL

TEAMS VS	VENUE
Rabaul vs Buka	Rabaul
Lae vs Kimbe	Lae
Wewak vs Madang	Wewak
Goroka vs Ramu	Goroka
Kundawa vs Kainantu	Goroka
Mt Hagen vs Minj	Mt Hagen
Mendi vs Wabag	Mendi
Tabubil vs Tari	Mendi

Rabaul nekim Kavieng na redi long bungim Buka

RABAUL 16 KAVIENG 8

TUPELA yangpela pilai Wally Solato na Melki Tutuai i pilaim wanpela namba wan pilai tru insait long win bilong Rabaul egensim ol Kavieng long namba wan raun bilong Cambridge Kap long Rabaul long las wik Sande.

Rabaul husat em planti pilaia bilong ol i mekim nem bilong ol namba wan taim tru i pilaim namba wan pilai stret na winim ol lain Kavieng 16-8 long las fainel 20 minits bilong pilai long las wiken.

Ol lain Kavieng em ol lain olsem kepten Bau Wallace, Steven Kapan na Juno Tiriman i go pas long

ol i nogat inap pawa long las minit long traim bagarapim gelm pien bilong ol mangi Rabaul.

Huka bilong Rabaul Wally Solato i kisim namba wan poinis bilong sait bilong em taim em i mekim wanpela liklik ron long dami hap. Trai bilong Solato em Roland nakamura wanpela nupela pilaia tu i kikim i go insait. Rabaul i go pas nau long skoa long 6-0.

Tasol ol Kavieng i kam bek strong tru na Kapan i kikim wanpela penelti gol bilong ol na ol i smelim ol

Rabaul long 2-6.

Bihain dispela ol lain nogut bilong Kavieng i kirapim gen paia bilong ol na lukim Gordon Mutu husat i go pas gut tru long ol i brukim banis bilong ol lain Rabaul long Peter Walter, Pake Eluh na fulbek Normyle Eremas long skoa na skoa aninit long pos stret. Dispela i mekim na Kapan isi tasol i kikim konvesen i go insait. Bihainim dispela Kavieng i go pas long 8-6.

Long namba tu hap bilong pilai, ol Rabaul husat i mekim i go insait

long sait bilong ol ol Kavieng i lukim wanpela tri i kamap em Nakamura yet i putim. Dispela i mekim na ol Kavieng i nogat sans moa nau long holim ol Rabaul.

Bihain tasol long dispela trai Eremas i kisim wanpela gutpela bal na givim long Melki Tutai husat i skoa aninit long pos na Nakamura i kikim i go insait na Rabaul i winim dispela pilai long 16-8.

Rabaul bai bungim Buka long Rabaul yet long dispela wiken long namba tu raun bilong Cambridge Cup.

THE CAMBRIDGE

NESENEL LIG SEMPIONSIPS, 1996

DRO BILONG

NAMBA 2 RAUN

20th - 21st EPRIL

RABAU Vs BUKA*

LAE Vs KIMBE*

WEWAK Vs MADANG*

GOROKA Vs RAMU*

KUNDIAWA Vs KAINANTU

MTHAGEN Vs MINJ*

MENDI Vs WABAG*

TABUBIL Vs TARI*

** MAKIM PELES BILONG PILAI*

KUNDIAWA Vs KAINANTU BAI PILAI LONG GOROKA

TABUBIL Vs TARI BAI PILAI LONG MENDI



Bikpela Sapot Ikam Long:

NAUFM



CAMBRIDGE

Make Yours a Cambridge Today

SAMTING TRU

LAM I KIRAP NA RAN


ADRIAN LAM i gat laik long toktok. "Meit, mi kirap tasol long bet ya," Lam i bekim long telipon lain. Dispela namba wan hapbek ya i traim long kisim sampela silip, taim em i wok long redi long ol Roosters bai pilai wantaim ol Canterbury, tasol taim toktok i go long Stet of Origin pilai bilong 1995, em i amamas nogut tru long toktok.

Dispela stet of origin bilong las yia tasol em i mekim Lam i kamap namba wan man long 1995. Pilai bilong em wantaim ol Roosters i nais tru na em i pinisim las yia we em i keptenim Papua Niugini long Wol Kap.

Tasol samting i senis ken long dispela yia na Lam i mas traim hat tru long holim ol taitel. Long klab level, John Simon i kamap long Bondhi Jansen i mekim olsem Lam i no nap holim strong namba 7 jesi. Na long kam bek bilong ol Supa Lig pilai, em i stap long taim nogut long lusim Maroon jesi bilong em i go long sempion hapbek bilong Brisbane Allan Langer.

"Mi no wari long ol supa lig pilai i kam bek. Mi kisim taim bilong mi long amamas long san pinis," Lam i tok. "Tasol noken kisim mi rong. I bai gat bikipela laik tru long mekim dispela gen. Mi wok long traim long noken tingting long State of Origin-mi gat pait bilong mi yet wantaim John Simon."

Tasol luktuk long wanem rot em i wok long pilai nau, Lam bai i no nap tromol namba 7 jesi bilong em i go nating. Em bai mekim bikipela pait tru long dispela. Lam i stap olsem sta pilai bilong ol Roosters nau na pilai bilong em tasol i mekim na Simon i stap long risev. Lam i skorim tupela trai long tripeta geim na bai kamap olsem namba wan pilai taim ol selekta i sindaun long makim ol pilai.



Ol rebel pilai husat i kam bek olsem i senisim sans oilong ol kain pilai long Kwinslen sait olsem Ben Ikin, Terry Cook na Craig Teevan, husat olgeta i bin mekim sans bilong ol long pilai las yia.

Maski husat i pilai em ol selekta i makim, series bilong dispela yia bai wanpela bikipela tru bilong sisen. Kwinslen kosa Paul Vautin i tok olsem ol pilai bilong las yia Maroons i noken wari long wanem ol Supa Lig pilai i kam bek. "Long ol yia bipo, ol selekta bilong Kwinslen i save pas wantaim ol pilai husat i mekim wok tasol i no stap long fom," Vautin i tok.

"Ol pilai bilong las yia i mekim Kwinslen i amamas na ol bai stap long bikipela so bilong werim Maroon jesi gen. "Bai i nogat drama sapos ol i makim ol Supa Lig pilai. Tasol sapos ol i makim ol wanpela 17 man bilong las yia, mi bai amamas tru."

Vautin i no nap biip long stat bilong kosing bilong em we em i helpim ol Maroons long winim 3-0 egenim ol Blues.

Bihain long kosa bilong Kwinslen Wayne Bennett i les long kisim dispela posten, plan-

ti man i mekim kainkain toktok long apoinmen bilong Vautin. Tasol Vautin i yusim dispela ol toktok long helpim em long kamapim kona ston bilong Kwinslen long ol yia i kam antap.

Vautin na ol pilai bilong em i kamap olsem ol King na putim nem bilong ol i go insait long Stet of Origin kastom. Long helpim ol selekta, Vautin i givim tingting bilong em long wanwan pilai husat i bin pilai long 1995 series.


Robbie O' Davies-Pilai husat i nogat nem na i soim olsem em ken pilai egensim presa. I gat wanpela gutpela atek save tru.

Brett Dallas-Namba wan winga long Australia. I pilai gut tru na soim olsem em i ken skorim trai nating. Na long sait bilong em tu, Dallas em wanpela respeta het.

Matt Sing-I no man bilong toktok planti. I gat strongpela difens tru we i sevim ol trai.

Danny Moore-Taktok bilong em na save bilong em long trening i gutpela tru we i lainim ol yangpela pilai

Mark Coyne-Gutpela lida long pilai graun na autsail tu.



• **Adrian Lam** bai noinap long giap long Origin jesi bilong Maroons. **Allan Langer** laikim wok bilong origin kam bek long em.

Jason Smith-Mi ringim 'Bozzo' (Manly kosa Bob Fulton) na askim em long pilaim Jason long faiv-eit na em i tok "mekim tasol". Jason i pilai gut tru.

Adrian Lam-Namba wan pilai bilong mipela bihain long Garry Larson.

Billy Moore-Wanem samting mi tingim yet em taim Bill Moore i silip long tebol na ol dokta i givim em 6-pela sut pinis long namba tu pilai long Melben. Taim em i no nap holim han bilong mi na aiwara i pundaun long ai bilong em, emi tok: "Fatty mi putim yu daun," Dispela strongpela toktok bilong em tasol i mekim na helpim mipela long win.

Gary Larson-Namba wan fowat long geim tudei.

Trevor Gilmeister-Lida bilong ol man. Mi pilai sait long Gilly taim em i mekim namba wan pilai bilong em long Stet of Origin na mi amamas long em long wanem em i mekim gut tru.

Wayne Bartrim-Rait man bilong tim. Em save kamap wantaim planti samting i fani. I no bin gutpela long mipela long pilaim em long hukta na tasol em i kamap gut tru long dispela pilai.

Tony Hearn-Strongpela man stret na i ken tingting gut tru

Gavin Allen-Olsem Hearn, i pilai gut tru na gat gutpela series.

Mark Hohn-Lapun tasol eksperiens bilong em i namba wan tru.

Ben Ikin-Maski long liklik sans em i gat, Ben i no putim mipela daun. Mi bai no nap lus tingting long em taim mi tokim em olsem em bai pilai yet bihain long namba wan geim long Sidni.

Craig Teevan na **Terry Cook**-Ol i amamas tru long stap long hap. Taim tupela i kisim pilai graun, tupela i mekim bikipela wok stret long helpim mipela.



The choice of a new Generation!

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.